


AL
BY

JUVENAL

A

S A N D B Y



D. JUNII JUVENALIS

E T

AULI PERSII FLACCI
SATYRÆ.

TABULIS ÆNEIS ILLUSTRAVIT,

E T

NOTAS VARIORUM SELECTAS,
SUASQUE ADDIDIT

G. S.


Monstro quod ipse tibi possis dare. —

JUV. SAT. X.

CANTABRIGIA.

Prostant venales Londini, apud GUL. SANDBY in Vico Fletano;
Cantabrigiae, apud G. THURLBOURN & J. WOODYER.

M.DCC.LXIII.



D. Junii Juvenalis Aquinatis
V I T A.

A QUINATEM se ipse testatur Juvenalis, Satyra 3. y. 319. libertino quodam patre natum, alii duntaxat ab eo educatum referunt. Eruditus est a Frontone Grammatico; a Quintiliano Rhetore etiam, ut volunt nonnulli. Certe hic de Juvenale dicitur loqui lib. 10. cap. 1. ubi Satyricos laudans Poetas, *Sunt clari hodie quoque, et qui olim nominabuntur.* Floruit sub Imperatoribus Domitiano, Nerva, Trajano, Hadriano etiam, ut ex Edit. Delph. Notis constabit.

J. Lipsius Epistolic. Quæst. Lib. 4. Epist. 20. *De Juvenalis ætate non ab re dubitatur,* inquit. Declamavit ad medianam fere ætatem, forensesque causas egit non sine laude et gloria. Postea ad Satyras componendas animum appulit. At in Paridem mimum versus quosdam non absurdos cum publicasset, Domitianum histrionis istius amantem haud leviter offendit. De his Sat. 7. 15, et 16. Illos igitur pudore et ira percitos de Juvenale amovendo cogitasse tradunt, atque sub honoris obtentu relegasse, præfectum nempe cohorti, quæ in Ægyptum mittebatur. Intellecta vero præfecturæ causa dicunt cum tædio et angore vitam finisse illic sane octogenarium. Porro hæc neque vera omnia, nec falsa: Lipsio teste citato loco, ubi Juvenalem

Wysza Szkoła Pedagogiczna
w Bydgoszczy
Biblioteka Główna

51588

D. Junii Juvenalis Vita.

venalem sub Domitiano exulasse non abnuit quidem, negat autem eo superstite mortuum; imo post ipsum Satyras aliquot scripsisse, colligit ex ejus Sat. 4. imprimisque ex ultimis versibus, vixisse ad Trajani, quin et Hadriani tempora, ostendit ex Sat. 6. §. 406. et seq. et Sat. 13. §. 17. atque Plinio Juniori, et Tacito supparem existimat.

Juvenalem sibi familiarem valde commendat Martialis Lib. 7. Epigramma. 23. et 90. item Lib. 12. Epigr. 18. Quod Epigramma, si Martialis, cum in Hispanis degeret, scripsit; mortuoque jam Domitiano: quæ quidem affirmat ibid. cit. Lips. hinc duo nobis patent: alterum, superstitem Domitiano fuisse Juvenalem, alterum, in Ægypto nequaquam obiisse, sed reversum inde Romanam, ibique deinceps scriptitasse. Nam sic ait Martial. citat. Epigr. 18. Lib. 12. ad Juvenalem:

*Dum tu forsitan inquietus erras
Clamosa Juvenalis in Suburra,
Aut collem dominæ teris Dianæ;
Dum per limina te potentiorum
Sudatrix toga ventilat, &c.*

Cæterum omnibus Satyricis, ipsique Horatio præferendum Juvenalem scribit Jul. Scaliger; nihil autem verius ab eo scriptum Lipsius asseverat.

TA-

TABULARUM EXPLICATIO.

TAB. I. JUVENALIS. Ed. Holyday.

- ✓ II. Fig. 1. Prærupta hic visitur longe rupes, cui ædificium impositum est è quadrato lapide, projecto que sinistro brachio, taurinum caput habens, cætera vero membra humana. Monstrum hoc Minotaurum refert a Minoe inclusum labyrintho; licet autem in veteribus nummis, ut in figura sequenti, Minotaurus corpore bubulo, et vultu tantum humano conspiciatur. Stosch. gem. tab. 51. Spectat Sat. 1. §. 53.
F. 2. Minotaurus in labyrintho conclusus. Mus. Flor. tom. 2. tab. 35. fig. 1. Spectat Sat. 1. §. 53.
F. 3. Capri ad craterem colludentes, pedesque anteriores jungere simul studentes. Mus. Flor. tom. 2. tab. 20. fig. 1. Spectat Sat. 1. §. 76.
F. 4. Harpocrates silentii deus. Mont. tom. 12. tab. 11. fig. 4. Spectat Sat. 1. §. 160. Sic et Ovidius,
Quique premit vocem, digitoque silentia suadet.

- ✓ III. F. 1. Sponsæ et sponsi connubium. Additæ sunt literæ VT. FX. nimirum VTERE FELIX vel FELICITER, quæ adclamatio in nuptiis adhibebatur. Mus. Flor. tom. 2. tab. 16. fig. 3. Spectat Sat. 2. §. 119.

a 3

F. 2.

TABULARUM EXPLICATIO.

- F. 2. Hercules Antæum procul a tellure tenens. Polymet. pl. 19. fig. 1. Spectat Sat. 3. §. 89.
- F. 3. Gladiatores Samnites; ut ex indicio pinnarum in galeæ summitate patet. Erant alii gladiatores horum adversarii, et factionis diversæ, qui dicebantur *Pinnirapi*, quod *pinnas rapiant*. Lucerna Sepulch. Bartolii. Spectat Sat. 3. §. 158.
- F. 4. Comœdi duo. Personas cum ore immaniter hianti induunt. Mus. Flor. tom. 2. tab. 86. fig. 1. Spectat Sat. 3. §. 175.

IV. F. 1. Dea Egeria Numæ regis consilium; quæ spectari meretur qualem eam vel ipse Numa honora- verit simulachro, seu populo Romano genius qui- dam dictaverit. Exstat apud Palatum Farnes. Spectat Sat. 3. §. 12.

F. 2. Minerva. Gemma ex Thesaur. Brandenburg. tom. 1. pag. 49. Spectat Sat. 3. §. 219. Spectat etiam Sat. 12. §. 4.

Par vellus dabitur pugnanti Gorgone Maura.
nam in scuto vel clypeo, Gorgonis Mauræ caput gestat Minerva.

F. 3. Fœmina manum tenens super mensam in lance carnium, genus illud sacrificiorum demonstrat quæ feralia dicuntur. Ita dicta sunt ab *inferendis epulis*, i. e. a cibis ad mortuos et sepulchra ferendis, qui- bus indigere stulte credebant. Lucerna Sepulch. Bartolii. Spectat Sat. 5. §. 85.

V.

TABULARUM EXPLICATIO.

- V. F. 1. Figuras exhibet juxta turrim Ventorum. Spon. Spectat Sat. 5. §. 101. ob velocitatem, ventis pen- næ adfiguntur, quos poetæ alatos fingunt.
- F. 2. Fabulam dat notissimam Caci clave Herculis iicti et occisi. Polymet. tab. 19. f. 2. Spectat Sat. 5. §. 125.
- F. 3. Hercules, perempto dracone, aurea ferens po- ma. Polymet. Spectat Sat. 5. §. 152.

VI. F. 1. Theatrorum cunei. Admiran. Rom. Antiq. tom. 2. Spectat Sat. 6. §. 61. *Cuneorum* nomen datum a forma; quia re ipsa scalarum directio talis, ut ab imo ordiens magis diffunderetur in al- tum, redderetque *cunei* formam.

F. 2. Gladiatores munitum habentes crus *sinistrum* parte anteriore. Vegetius reddit rationem quare ita armari fuerint soliti Velites; *quod certantes missilibus, sinistros pedes ante habere debent*. Lucerna Sepulch. Bellorii. Spectat Sat. 6. §. 255.

F. 3. Fœmina cum crine crebris cirris distincto. Stof- chii Gem. fig. 33. Spectat Sat. 6. §. 502.

F. 4. Signum Isiacum. In dextera basis parte serpens est ille qui in facra Isidis pompa deferebatur. Mu- seum Odeschalc. Spectat Sat. 6. §. 537.

VII. F. 1. Sylvanus, cui præcipue pro pecorum valetu- dine et agrorum fertilitate porcus immolatur.

a 4

Ex

TABULARUM EXPLICATIO.

- Ex marmore Rom. Gruter. Spectat Sat. 6. §. 446.
 F. 2. Ova Castrorum et delphinorum columnæ in Circo Maximo. Phalæ erant opifica lignea, et ova, machinæ ovatae. Mont. tom. 6. pl. 159. Spectat Sat. 6. §. 589.
 F. 3. Scriniarius cum libellis constrictis. Spon. Spectat Sat. 7. §. 107.

- VIII. F. 1. Achilles a Chirone edoctus fidibus canere. Chiron diademate cinctus est, et citharæ jugum quomodo tendendum, fidesque temperandæ fint, egregium adoloscentem Achillem docet. Mus. Flor. tom. 2. pl. 25. fig. 2. Spectat Sat. 7. §. 210.
 F. 2. Mercurius Terminalis. Hermæ erant cippi lapidei ad viarum discrimina indicanda erecti. Polymet. Spectat Sat. 8. §. 53.
 F. 3. Victoria in biga. Stoschii Gem. fig. 41. Spectat Sat. 8. §. 63. Qui præmium in cursu assequebantur, id Victoriae numini cuius imago in Circo visebatur, tribuebant, ideoque frequentes in gemmis bigæ cum Victoria insculptæ.
 F. 4. Miles ad Centurionis flagellum expavescens. Num. gentis Didiæ. Spectat Sat. 8. §. 247.

- IX. Retiarius cum secutore. Græv. Rom. Antiq. Spectat Sat. 8. §. 204.

X.

TABULARUM EXPLICATIO.

- X.F. 1. Ganymedes pocillator. Gronov. Græc. Ant. tom. 12. f. 110. Spectat Sat. 9. §. 47.
 F. 2. Fœmina juxta aram coronam porrigens. Sepulch. Nas. Bartolii. Spectat Sat. 9. §. 138.
 F. 3. Triumphans, in summo scipionis eburnei aquilam ferens. Græv. Rom. Antiq. tom. 9. Spectat Sat. 10. §. 43.
 F. 4. Sponsus et sponsa; ille foliis coronatus, illa flammeo operata, quod erat novarum nuptiarum velamentum. Ex nuptiis Aldrobandin. Admir. Rom. Antiq. Spectat Sat. 10. §. 333.
 XI. F. 1. Romulus et Remus a Lupa educati. Clypeideæ Romæ insigne esse solet non modo caput Medusæ Gorgonis, verum etiam Lupa lactans Romulum et Remum. Mus. Flor. tom 2. tab. 54. fig. 1. Spectat Sat. 11. §. 104.
 F. 2. Mars ad Iliam veniens. Num. Antonin. Pi. Spectat Sat. 11. §. 106. et seq. Cum verbum *pendantis* diu frustraque Interpretes vexarit, hic numerus facile illud dilucidat; neque opus est ut *perdantis* in ejus locum admittatur.
 F. 3. Sus triginta suctulos enixa, quod protenderit factum *triginta* annis, ut Lavinenses considerint oppidum *Albam*. Mus. Flor. tom. 2. tab. 53. fig. 4. Spectat Sat. 12. §. 74.
 F. 4. Portus Ostiensis. Spectat Sat. 12. §. 75. et seq. et est

TABULARUM EXPLICATIO.

est num. Neron; sed Portum Ostiensem sub Claudio ædificatum testantur omnes, nec aliud meritum Neronis fertur quam quod Statuam suam addiderit.

- XII. F. 1. Elephas turrim gestans. Potteri Archæol.
Græc. Spectat Sat. 12. §. 110.
F. 2. Saturnus cum falce. Montfauc. tom. 11. tab.
2. Spectat Sat. 13. §. 39.
F. 3. Diogenes in dolio quod non ardet quia fictile
est. Spon. Spectat. Sat. 14. §. 308.
F. 4. Prometheus, qui face ad radios solis furtim ac-
censa hominem animaverit igne cœlesti. Tenet
una manu flammarum cœlestem, altera, cœlum su-
perne monstrat et originem nostram. Lucerna Se-
pulch. Bellorii. Spectat Sat. 15. §. 85.

TA-

TABULARUM EXPLICATIO Ad PERSIUM.

- TAB. XIII. AULUS PERSIUS FLACCUS.
XIV. F. 1. Furorem exprimit, atque hic caput Penthei
Echionis filii representatur. Spon. Spectat Sat. 1.
§. 100. Hanc fabulam sic narrat Horatius,
Et caput abscissum demens cum portat Agave.
F. 2. Serpentes duo aram munientes. Golz. numism.
tom. 4. tab. 4. Spectat Sat. 1. §. 113. Angues a-
pud veteres pro Geniis locorum erant habitu sem-
per. Virgil. Æneid. 5. post ambitiosam serpentis
descriptionem, subit inde,
*Incertus, Geniumne loci, famulumne parentis
Esse putet.*
F. 3. Jupiter multum barbatus. Mus. Flor. tom. 2.
tab. 3. Spectat Sat. 2. §. 28. apud Juven. Sat. 4.
§. 103.
— facile est barbato imponere regi.
F. 4. Puer bullam gestans. Spon. Spectat Sat. 5.
§. 31.
XV. F. 1. Umbonem exhibet qui pars illa togæ fuit
qui ad pectus exibat in tumorem. Græv. Rom.
Ant. tom. 6. Spectat Sat. 5. §. 33.

F. 2.

TABULARUM EXPLICATIO.

F. 2. Tessera frumentaria, signum, quo exhibito, unusquisque frumentum pro portione accipiebat a principe. Erat autem tessera hospitalis. Gronov. Græc. Ant. tom. 9. Spectat Sat. 5. §. 74.

F. 3. Figura pueri strigili lavantem abstergens. Montfauc. tom. 6. Spectat Sat. 5. §. 126.

F. 4. Imaginem in prora navis delineatam exhibet, cuius distinctio navi nomen indebat. Column. Trajan. Spectat Sat. 6. §. 30. Sic Virgil.

— aurato fulgebat Apolline puppis.

Et. Sil. Ital.

Numen erat celsæ puppis vicina Dione.
atque ita navi Alexandrinæ qua D. Paulus ex insula Mytilene Syracusam vehebatur, *Castorum* insigne erat. Act. Apost. Cap. 28. com. 12.

D. JUNII

D. JUNII JUVENALIS

S A T Y R A E.

S A T Y R A I.

SEmper ego auditor tantum? nunquamne reponam,
Vexatus toties rauci Theseide Codri?
Impune ergo mihi recitaverit ille togatas,
Hic elegos? impune diem consumperit ingens
Telephus? aut, summi plena jam margine libri,
Scriptus et in tergo, necdum finitus, Orestes?

Nota magis nulli domus est sua, quam mihi lucus
Martis, et Æoliis vicinum rupibus antrum
Vulcani. Quid agant venti; quas torqueat umbras
Æacus; unde alias furtivæ devehat aurum
Pelliculæ; quantas jaculetur Monychus ornos;
Frontonis platani, convulsaque marmora clamant
Semper, et assiduo ruptæ lectore columnæ.
Exspectes eadem a summo minimoque poëta.

Et nos ergo manum ferulæ subduximus, et nos
Confilium dedimus Syllæ, privatus ut altum
Dormiret? Stulta est clementia, cum tot ubique
Vatibus occurras, perituræ parcere chartæ.

A Car



Cur famen hoc libeat potius decurrere campō,
 Per quem magnus equos Auruncæ flexit alumnus, 20
 Si yacat, et placidi rationem admittitis, edam.
 Cum tener uxorem ducat spado; Mævia Tuscum
 Figat aprum, et nuda teneat venabula mamma;
 Patricios omnes opibus cum provocet unus,
 Quo tondente gravis juveni mihi barba sonabat; 25
 Cum pars Niliacæ plebis, cum verna Canopi
 Crispinus, Tyrias humero revocante lacernas,
 Ventilet aestivum digitis sudantibus aurum,
 Nec sufferre queat majoris pondera gemmæ;
 Difficile est Satyram non scribere. Nam quis iniquæ
 Tam patiens urbis, tam ferreus, ut teneat se? 31
 Causidici nova cum veniat lectica Mathonis
 Plena ipso; post hunc magni delator amici,
 Et cito rapturus de nobilitate comesa
 Quod supereft; quem Massa timet; quem munere palpat
 Carus, et a trepido Thymele summissa Latino: 36
 Cum te summoveant, qui testamenta merentur
 Noctibus, in cœlum quos evehit, optima summi
 Nunc via processus, vetulæ vesica beatæ.
 Unciolam Proculeius habet, sed Gillo deuncem: 40
 Partes quisque suas ad mensuram inguinis hæres
 Accipiat, sane mercedem sanguinis, et sic
 Palleat, ut nudis pressit qui calcibus anguem,

Aut.

Aut Lugdunensem Rhetor dicturus ad aram.
 Quid referam, quanta siccum jecur ardeat ira, 45
 Cum populum gregibus comitum premat hic spoliator
 Pupilli prostantis? et hic damnatus inani
 Judicio, quid enim salvis infamia nummis?
 Exul ab octava Marius bibt, et fruitur Dîs
 Iratis: at tu viætrix provincia ploras. 50
 Hæc ego non credam Venusina digna lucerna?
 Hæc ego non agitem? sed quid magis Heracleas,
 Aut Diomedeads, aut mugitum Labyrinthi,
 Et mare percussum puero, fabrumque volantem?
 Cum leno accipiat mœchi bona, si capiendi
 Jus nullum uxori, doctus spectare lacunar,
 Doctus et ad calicem vigilanti stertere naſo:
 Cum fas esse putet curam sperare cohortis
 Qui bona donavit præsepibus, et caret omni
 Majorum censu, dum pervolat axe citato 55
 Flaminiam: puer Automedon nam lora tenebat,
 Ipse lacernatæ cum se jaſtaret amicæ.
 Nonne libet medio ceras implere capaces
 Quadrivio; cum jam sexta cervice feratur,
 Hinc atque inde patens, ac nuda pene cathedra, 60
 Et multum referens de Mecænate supino
 Signator falso, qui se lautum atque beatum
 Exiguis tabulis et gemma fecerat uda?

A 2

Occur-

Occurrit matrona potens, quæ molle Calenum
Porrectura viro miscet fitiente rubetam, 70
Instituitque rudes melior Locusta propinquas,
Per famam et populum nigros efferre maritos.
Aude aliquid brevibus Gyaris et carcere dignum,
Si vis esse aliquis : Probitas laudatur, et alget.
Criminibus debent hortos, prætoria, mensas, 75
Argentum vetus, et stantem extra pocula caprum.
Quem patitur dormire nurûs corruptor avaræ ;
Quem sponsæ turpes, et prætextatus adulter ?
Si natura negat, facit indignatio versum,
Qualemcumque potest : quales ego, vel Cluvienus. 80
Ex quo Deucalion, nimbis tollentibus æquor,
Navigio montem ascendit, sortesque poposcit,
Paulatimque anima caluerunt mollia faxa,
Et maribus nudas ostendit Pyrrha puellas :
Quicquid agunt homines, votum, timor, ira, voluptas, 85
Gaudia, discursus, nostri est farrago libelli.
Et quando uberior vitiorum copia ? quando
Major avaritiæ patuit finus ? alea quando
Hos animos ? neque enim loculis comitantibus itur
Ad casum tabulæ, posita sed luditur arca. 90
Prælia quanta illic dispensatore videbis
Armigero ! simplexne furor festertia centum
Perdere, et horrenti tunicam non reddere servo ?

Quis

Quis totidem erexit villas ? quis fercula septem
Secreto cœnavit avus ? nunc sportula primo 95
Limine parva sedet, turbæ rapienda togatæ.
Ille tamen faciem prius inspicit, et trepidat, ne
Suppositus venias, ac falso nomine poscas.
Agnitus accipies : jubet a præcone vocari
Ipsos Trojogenas : nam vexant limen et ipsi 100
Nobiscum. Da prætori, da deinde tribuno.
Sed libertinus prior est : prior, inquit, ego adsum.
Cur timeam ? dubitemve locum defendere ; quamvis
Natus ad Euphratem, molles quod in aure fenestræ
Arguerint, licet ipse negem ? sed quinque tabernæ 105
Quadringenta parant. Quid confert purpura major
Optandum, si Laurenti custodit in agro
Conductas Corvinus oves ? ego possideo plus
Pallante, et Licinis. Exspectent ergo Tribuni ;
Vincant divitiæ ; sacro nec cedat honori 110
Nuper in hanç urbem pedibus qui venerat albis.
Quandoquidem inter nos sanctissima divitiarum
Majestas : etsi, funesta Pecunia, templo
Nondum habitas, nullas nummorum ereximus aras,
Ut colitur Pax, atque Fides, Victoria, Virtus, 115
Quæque salutato crepitat Concordia nido.

Sed cum summus honor finito computet anno,
Sportula quid referat, quantum rationibus addat ;

A 3

Quid

Quid facient comites, quibus hinc toga, calceus hinc est,
Et panis, fumusque domi? densissima centum 120
Quadrantes lectica petit, sequiturque maritum
Languida, vel prægnans, et circumducitur, uxori.
Hic petit absenti, nota jam callidus arte,
Ostendens vacuam, et clausam pro conjugi sellam.
Galla mea est, inquit; citius dimitte: moraris? 125
Profer Galla caput. Noli vexare, quiescit.
Ipse dies pulcro distinguitur ordine rerum:
Sportula, deinde forum, jurisque peritus Apollo,
Atque triumphales, inter quas ausus habere
Nescio quis titulos Ægyptius, atque Arabarches, 130
Cujus ad effigiem non tantum mejere fas est.
Vestibulis abeunt veteres, lassique clientes,
Votaque deponunt, quanquam longissima, cœnæ,
Spes homini: caules miseris, atque ignis emendus.
Optima silvarum interea, pelagique vorabit 135
Rex horum, vacuisque toris tantum ipse jacebit.
Nam de tot pulchris, et latis orbibus, et tam
Antiquis, una comedunt patrimonia mensa.
Nullus jam parasitus erit: sed quis feret istas
Luxuriæ fordes? quanta est gula, quæ fibi totos 140
Ponit apes, animal propter convivia natum?
Pœna tamen præsens, cum tu deponis amictus
Turgidus, et crudum pavonem in balnea portas.

Hinc

Hinc subitæ mortes, atque intestata senectus.
It nova, nec tristis, per cunctas fabula cœnas: 145
Ducitur iratis plaudendum funus amicis.
Nil erit ulterius, quod nostris moribus addat
Posteritas: eadem cupient facientque minores.
Omne in præcipiti vitium stetit. Utter velis,
Totos pande finus. Dicas hîc forsitan, unde 150
Ingenium par materiæ? unde illa priorum
Scribendi quodecumque animo flagrante liberet
Simplicitas, cuius non audeo dicere nomen?
Quid refert dictis ignoscat Mucius, an non?
Pone Tigellinum, tæda lucebis in illa, 155
Qua stantes ardent, qui fixo gutture fumant,
Et latum media fulcum deducit arena.
Qui dedit ergo tribus patruis aconita, vehetur
Penilibus plumis, atque illinc despiciet nos?
Cum veniet contra, digito compesce labellum: 160
Accusator erit, qui verbum dixerit, hic est.
Securus licet Æneam, Rutulumque ferocem
Committas: nulli gravis est percussus Achilles;
Aut multum quæsitus Hylas, urnamque secutus.
Ense velut stricto quoties Lucilius ardens 165
Infremuit, rubet auditor, cui frigida mens est
Criminibus, tacita sudant præcordia culpa.
Inde iræ, et lacrymæ. Tecum prius ergo voluta

A 4

Hæc

Hæc animo ante tubas: galeatum fero duelli
Pœnitet. Experiār, quid concedatur in illos,
Quorum Flaminia tegitur cinis, atque Latina. 170

SATYRA II.

Ultra Sauromatas fugere hinc libet, et glacialem
Oceanum, quoties aliquid de moribus audent,
Qui Curios simulant, et Bacchanalia vivunt,
Indocti primum: quanquam plena omnia gypso
Chrysippi invenies: nam perfectissimus horum est, 5
Si quis Aristotelem similem, vel Pittacon, emit,
Et jubet archetypos pluteum servare Cleanthas.
Fronti nulla fides. Quis enim non vicus abundat
Tristibus obscenis? castigas turpia, cum sis
Inter Socraticos notissima fossa cinædos.
Hispida membra quidem, et duræ per brachia setæ
Promittunt atrocem animum: sed podice lævi
Cæduntur tumidæ, medico ridente, mariscæ.
Rarus sermo illis, et magna libido tacendi,
Atque supercilie brevior coma. Verius ergo, 15
Et magis ingenue Peribomius: hunc ego fatis
Imputo, qui vultu morbum, incessuque fatetur.
Horum simplicitas miserabilis; his furor ipse
Dat veniam: sed pejores, qui talia verbis

Her-



P.S.J.6.

Herculis invadunt, et de virtute locuti 20
Clunem agitant: ego te ceventem, Sexte, verebor,
Infamis Varillus ait? quo deterior te?
Loripedem rectus derideat, Æthiopem albus.
Quis tulerit Gracchos de seditione querentes?
Quis cœlum terris non misceat, et mare cœlo, 25
Si fur displiceat Verri, homicida Miloni?
Clodius accuset mœchos, Catilina Cethegum?
In tabulam Syllæ si dicant discipuli tres?
Qualis erat nuper tragico pollutus adulter
Concubitu: qui tunc leges revocabat amaras 30
Omnibus, atque ipsis Veneri Martique timendas,
Cum tot abortivis fœcundam Julia vulvam
Solveret, et patruo similes effunderit offas?
Nonne igitur jure ac merito vitia ultima fictos
Contemnunt Scauros, et castigata remordent? 35
Non tulit ex illis torvum Laronia quendam
Clamantem toties: ubi nunc lex Julia? dormis?
Atque ita subridens: felicia tempora, quæ te
Moribus opponunt: habeat jam Roma pudorem.
Tertius e cœlo cecidit Cato. Sed tamen unde 40
Hæc emis, hirsuto spirant opobalsama collo
Quæ tibi? ne pudeat dominum monstrare tabernæ:
Quod si vexantur leges, ac jura, citari
Ante omnes debet Scantinia. Respice primum

Et

Et scrutare viros; faciunt hi plura; sed illos 45
 Defendit numerus, junctæque umbone phalanges.
 Magna inter molles concordia. Non erit ullum
 Exemplum in nostro tam detestabile sexu.
 Tædia non lambit Cluviam, nec Flora Catullum:
 Hippo subit juvenes, et morbo pallet utroque. 50
 Numquid nos agimus causas, civilia jura
 Novimus, aut ullo strepitu fora vestra movemus?
 Luctantur paucæ, comedunt coliphia paucæ.
 Vos lanam trahitis, calathisque peracta refertis
 Vellera: vos tenui prægnantem stamine fusum 55
 Penelope melius, levius torquëtis Arachne,
 Horrida quale facit recidens in codice pellex.
 Notum est, cur solo tabulas impleverit Hister
 Liberto; dederit vivus cur multa puellæ.
 Dives erit, magno quæ dormit tertia lecto. 60
 Tu nube, atque tace: donant arcana cylindros.
 De nobis post hæc tristis sententia fertur.
 Dat veniam corvis, vexat censura columbas.
 Fugerunt trepidi vera ac manifesta canentem
 Stoicidæ. Quid enim falsi Laronia? sed quid 65
 Non facient alii, cum tu multititia sumas,
 Cretice, et hanc vestem populo mirante perores
 In Proculas, et Pollineas? est mœcha Fabulla?
 Damnatur si vis; etiam Carfinia. Talem

Non

Non sumet damnata togam. Sed Julius ardet, 70
 Æstuo. Nudus agas, minus est insania turpis.
 En habitum, quo te leges ac jura ferentem
 Vulneribus crudis populus modo victor, et illud
 Montanum positis audiret vulgus aratris.
 Quid? non proclames, in corpore judicis ista 75
 Si videas? quæro, an deceant multitia testem?
 Acer, et indomitus, libertatisque magister
 Cretice, pelluces. Dedit hanc contagio labem,
 Et dabit in plures: sicut grex totus in agris
 Unius scabie cadit, et porragine porci; 80
 Uvaque conspecta livorem dicit ab uva.
 Fædus hoc aliiquid quandoque audebis amictu:
 Nemo repente fuit turpissimus. Accipient te
 Paulatim, qui longa domi redimicula sumunt
 Frontibus, et toto posuere monilia collo, 85
 Atque Bonam teneræ placant abdomine porcæ,
 Et magno cratere Deam: sed more sinistro
 Exagitata procul non intrat fœmina limen.
 Solis ara Deæ maribus patet! Ite profanæ!
 Clamatur: nullo gemit hic tibicina cornu. 90
 Talia secreta coluerunt Orgia tæda
 Cecropiam soliti Baptæ lassare Cotytto.
 Ille supercilium madida fuligine tactum
 Obliqua producit acu, pingitque trementes

Attol-

Attollens oculos : vitreo bibt ille Priapo, 95
 Reticulumque comis auratum ingentibus implet
 Cærulea indutus scutulata, aut galbina rasa ;
 Et per Junonem domini jurante ministro.
 Ille tenet speculum pathici gestamen Othonis,
 Actoris Aurunci spolium; quo se ille videbat 100
 Armatum, cum jam tolli vexilla juberet.
 Res memoranda novis annalibus, atque recenti
 Historia, speculum civilis sarcina belli,
 Nimirum summi ducis est occidere Galbam,
 Et curare cutem summi constantia civis ; 105
 Bebriaci in campo spolium affectare Palatî,
 Et pressum in facie digitis extendere panem ;
 Quod nec in Affyrio pharetrata Semiramis orbe,
 Mœsta nec Actiaca fecit Cleopatra carina.
 Hic nullus verbis pudor, aut reverentia mensæ. 110
 Hic turpis Cybeles, et fracta voce loquendi
 Libertas, et crine senex fanaticus albo
 Sacrorum antistes, rarum ac memorabile magni
 Gutturis exemplum, conducendusque magister.
 Quid tamen exspectant, Phrygio quos tempus erat jam
 More supervacuam cultris abscindere carnem ? 115
 Quadringenta dedit Gracchus festertia, dotem
 Cornicini; five hic recto cantaverat ære.
 Signatæ tabulæ ; dictum, FELICITER ! ingens

Cœna

Cœna sedet ; gremio jacuit nova nupta mariti. 120
 O proceres, censore opus est, an haruspice, nobis ?
 Scilicet horrees, majoraque monstra putares,
 Si mulier vitulum, vel si bos ederet agnum ?
 Segmenta, et longos habitus, et flammea sumit,
 Arcano qui sacra ferens nutantia loro 125
 Sudavit clypeis ancilibus. O pater urbis,
 Unde nefas tantum Latiis pastoribus ? unde,
 Hæc tetigit, Gradive, tuos urtica nepotes ?
 Traditur ecce viro clarus genere, atque opibus vir :
 Nec galeam quassas, nec terram cuspipe pulsas, 130
 Nec quereris patri ? vade ergo, et cede severi
 Jugeribus campi, quem negligis. Officium cras
 Primo sole mihi peragendum in valle Quirini.
 Quæ causa officii ? quid quæris ? nubit amicus,
 Nec multos adhibet. Liceat modo vivere ; fient, 135
 Fient ista palam, cupient et in acta referri.
 Interea tormentum ingens nubentibus hæret,
 Quod nequeunt parere, et partu retinere maritos.
 Sed melius, quod nil animis in corpora juris
 Natura indulget. Steriles moriuntur, et illis 140
 Turgida non prodest condita pyxide Lyde ;
 Nec prodest agili palmas præbere Luperco.
 Vicit et hoc monstrum tunicati fuscina Gracchi,
 Lustravitque fuga medium gladiator arenam,

Et

Et Capitolinis generosior, et Marcellis, 145
Et Catulis, Paulique minoribus, et Fabiis, et
Omnibus ad podium spectantibus : his licet ipsum
Admoveas, cuius tunc munere retia misit.
Esse aliquos Manes, et subterranea regna,
Et contum, et Stygio ranas in gurgite nigras, 150
Atque una tranfire vadum tot millia cymba,
Nec pueri credunt, nisi qui nondum ære lavantur.
Sed tu vera puta. Curius quid sentit, et ambo
Scipiadæ ? quid Fabricius, manesque Camilli ?
Quid Cremeræ legio, et Cannis consumpta juventus,
Tot bellorum animæ ; quoties hinc talis ad illos 156
Umbra venit ? cuperent lustrari, si qua darentur
Sulphura cum tædis, et si foret humida laurus.
Illuc, heu ! miseri traducimur. Arma quidem ultra
Littora Jubernæ promovimus, et modo captas 160
Orcadas, ac minima contentos nocte Britannos :
Sed quæ nunc populi fiunt victoris in urbe,
Non faciunt illi, quos vicimus : et tamen unus
Armenius Zalates cunctis narratur ephebis
Mollior ardenti fese induluisse tribuno. 165
Aspice quid faciant commercia : venerat obses.
Hic fiunt homines. Nam si mora longior urbem
Indulfit pueris, non unquam deerit amator :
Mittentur braccæ, cultelli, fræna, flagellum.
Sic prætextatos referunt Artaxata mores. 170

SATYRA III.

QUamvis digressu veteris confusus amici,
 Laudo tamen vacuis quod sedem figere Cumis
 Destinet, atque unum civem donare Sibyllæ.
 Janua Baiarum est, et gratum littus amœni
 Secessus. Ego vel Prochytam præpono Suburæ. 5
 Nam quid tam miserum, tam solum vidimus, ut non
 Deterius credas horrere incendia, lapsus
 Tectorum affiduos, ac mille pericula fœvæ
 Urbis, et Augusto recitantes mense poëtas?
 Sed dum tota domus rheda componitur una, 10
 Substituit ad veteres arcus, madidamque Capenam;
 Hic ubi nocturnæ Numa constituebat amicæ.
 Nunc sacri fontis nemus, et delubra locantur
 Judæis, quorum cophinus fœnumque, supellex.
 Omnis enim populo mercedem pendere jussa est 15
 Arbor, et ejectis mendicat Silva camœnisi.
 In vallem Ægeriæ descendimus, et speluncas
 Dissimiles veris. Quanto præstantius esset
 Numen aquæ, viridi si margine clauderet undas
 Herba, nec ingenuum violarent marmora tophum? 20
 Hic tunc Umbritius: Quando artibus, inquit, honestis
 Nullus in urbe locus, nulla emolumenta laborum,

Res



Res hodie minor est, here quam fuit, ac eadem cras
 Deteret exiguis aliquid; proponimus illuc
 Ire, fatigatas ubi Dædalus exuit alas : 25
 Dum nova canities, dum prima, et recta senectus,
 Dum supereft Lachesi quod torqueat, et pedibus me
 Porto meis, nullo dextram subeunte bacillo.
 Cedamus patriâ: vivant Arturius istic,
 Et Catulus: maneant qui nigrum in candida vertunt,
Quis facile est ædem conducere, flumina, portus, 31
 Siccandam eluviem, portandum ad busta cadaver,
 Et præbere caput domina venale sub hasta.
Quondam hi cornicines, et municipalis arenæ
 Perpetui comites, notæque per oppida buccæ, 35
 Munera nunc edunt, et verso pollice vulgi
Quemlibet occidunt populariter: inde reversi
 Conducunt foricas. Et cur non omnia? Cum sint
Quales ex humili magna ad fastigia rerum
 Extollit, quoties voluit Fortuna jocari. 40
Quid Romæ faciam? mentiri nescio: librum,
 Si malus est, nequeo laudare, et poscere: motus
 Astrorum ignoro: funus promittere patris
 Nec volo, nec possum: ranarum viscera numquam
 Inspexi: ferre ad nuptam, quæ mittit adulter, 45
Quæ mandat, nôrunt alii: me nemo ministro
 Fur erit; atque ideo nulli comes exeo, tanquam

Mancus, et extinctæ corpus non utile dextræ.
Quis nunc diligitur, nisi conscius, et cui fervens
 Æstuat occultis animus semperque tacendis? 50
 Nil tibi se debere putat, nil conferet unquam,
 Participem qui te secreti fecit honesti.
 Carus erit Verri, qui Verrem, tempore quo vult,
 Accusare potest. Tanti tibi non sit opaci
 Omnis arena Tagi, quodque in mare volvit aurum,
 Ut somno careas, ponendaque præmia sumas 56
 Tristis, et a magno semper timearis amico.

Quæ nunc divitibus gens acceptissima nostris,
 Et quos præcipue fugiam, properabo fateri,
 Nec pudor obstabit: non possum ferre, Quirites, 60
 Græcam urbem, quamvis quota portio fæcis Achææ?
 Jampridem Syrus in Tiberim defluxit Orontes,
 Et linguam, et mores, et cum tibicine chordas
 Obliquas, necnon gentilia tympana secum
 Vexit, et ad Circum jussas prostare puellas. 65
 Ite, quibus grata est picta lupa barbara mitra.
 Rusticus ille tuus sumit trechedipna, Quirine,
 Et ceromatico fert niceteria collo.

Hic alta Sicyone, ast hic Amydone relicta,
 Hic Andro, ille Samo, hic Trallibus, aut Alabandis, 70
 Esquilias, dictumque petunt a vimine collem,
 Viscera magnarum domuum, dominique futuri.

Ingenium velox, audacia perdita, sermo
 Promptus, et Ifæo torrentior. Ede quid illum
 Esse putas? quemvis hominem secum attulit ad nos:
 Grammaticus, rhetor, geometres, pictor, aliptes, 76
 Augur, schœnobates, medicus, magus, omnia novit.
 Græculus esuriens, in cœlum, jussiferis, ibit.
 Ad summam non Maurus erat, nec Sarmata, nec Thrax,
 Qui sumpſit pennas, mediis sed natus Athenis. 80
 Horum ego non fugiam conchylia? me prior ille
 Signabit, fultusque toro meliore recumbet,
 Advectus Romam, quo pruna et coctona vento?
 Usque adeo nihil est, quod nostra infantia cœlum
 Haſuit Aventini, bacca nutrita Sabina? 85
 Quid, quod adulandi gens prudentissima laudat
 Sermonem indocti, faciem deformis amici;
 Et longum invalidi collum cervicibus æquat
 Herculis, Antæum procul a tellure tenentis?
 Miratur vocem angustam, qua deterius nec
 Ille fonat, quo mordetur gallina marito. 90
 Hæc eadem licet et nobis laudare: sed illis
 Creditur. An melior cum Thaida sustinet, aut cum
 Uxorem comœdus agit, vel Dorida nullo
 Cultam palliolo? mulier nempe ipsa videtur, 95
 Non persona loqui: vacua et plana omnia dicas
 Infra ventriculum, et tenui distantia rima.

Nec

Nec tamen Antiochus, nec erit mirabilis illic
 Aut Stratocles, aut cum molli Demetrius Hæmo.
 Natio comœda est. Rides? majore cachinno 100
 Concutitur: flet, si lacrymas confexit amici,
 Nec dolet: igniculum brumæ si tempore poscas,
 Accipit endromidem: si dixeris, æſtuo, sudat.
 Non sumus ergo pares: melior, qui semper, et omni
 Nocte dieque potest alienum sumere vultum, 105
 A facie jaſtare manus, laudare paratus,
 Si bene ruſtavit, si rectum minxit amicus,
 Si trulla inverso crepitum dedit aurea fundo.
 Præterea sanctum nihil est, et ab inguine tutum:
 Non matrona laris, non filia virgo, neque ipſe 110
 Sponsus lævis adhuc, non filius ante pudicus.
 Horum si nihil est, aviam resupinat amici.
 Scire volunt secreta domus, atque inde timeri.
 Et quoniam cœpit Græcorum mentio, transi
 Gymnasia, atque audi facinus majoris abollæ. 115
 Stoicus occidit Baream, delator amicum,
 Discipulumque ſenex, ripa nutritus in illa,
 Ad quam Gorgonei delapsa est pinna caballi.
 Non est Romano cuiquam locus hic, ubi regnat
 Protagenes aliquis, vel Diphilus, aut Erimanthus:
 Qui gentis vitio, nunquam partitur amicum, 120
 Solus habet. Nam cum facilem ſtillavit in aurem

B 2

Exi-

Exiguum de naturæ patriæque veneno,
 Limine summoveor: perierunt tempora longi
 Servitii: nusquam minor est jactura clientis. 125
Quod porro officium, ne nobis blandiar, aut quod
 Pauperis hic meritum; si curet nocte togatus
 Currere, cum prætor lictorem impellat, et ire
 Præcipitem jubeat dudum vigilantibus orbis,
 Ne prior Albinam, aut Modiam collega salutet? 130
 Divitis hic servi claudit latus ingenuorum
 Filius; alter enim, quantum in legione tribuni
 Accipiunt, donat Calvinæ, vel Catienæ,
 Ut semel atque iterum super illam palpitet: at tu
 Cum tibi vestiti facies scorti placet, hæres, 135
 Et dubitas alta Chionem deducere sella.
 Da testem Romæ tam sanctum, quam fuit hospes
 Numinis Idæi: procedat vel Numa, vel qui
 Servavit trepidam flagranti ex æde Minervam.
 Protinus ad censum; de moribus ultima fiet 140
Quæstio: quos pascit servos? quot possidet agri
 Jugera? quam multa magnaue paropside cœnat?
 Quantum quisque sua nummorum servat in arca,
 Tantum habet et fidei: jures licet et Samothracum,
 Et nostrorum aras; contemnere fulmina pauper 145
 Creditur, atque Deos, D'is ignoscentibus ipsis.
Quid, quod materiam præbet causasque jocorum

Om-

Omnibus hic idem, si foeda et scissa lacerna,
 Si toga fordidula est, et rupta calceus alter
 Pelle patet; vel si, consuto vulnere, crassum 150
 Atque recens linum ostendit non una cicatrix?
 Nil habet infelix paupertas durius in se,
Quam quod ridiculos homines facit. Exeat, inquit,
 Si pudor est, et de pulvino surgat equestri,
 Cujus res legi non sufficit, et sedeant hic 155
 Lenonum pueri quounque in fornice nati.
 Hic plaudat nitidi præconis filius inter
 Pinnirapi cultos juvenes, juvenesque lanistæ.
 Sic libitum vano, qui nos distinxit, Othoni. 159
Quis gener hic placuit censu minor, atque puellæ
 Sarcinulis impar? quis pauper scribitur hæres?
Quando in concilio est Ædilibus? agmine facto
 Debuerant olim tenues migraffe Quirites.
 Haud facile emergunt, quorum virtutibus obstat
 Res angusta domi: sed Romæ durior illis 165
 Conatus: magno hospitium miserabile, magno
 Servorum ventres, et frugi cœnula magno.
 Fictilibus cœnare pudet, quod turpe negavit
 Translatus subito ad Marsos, mensamque Sabellam,
 Contentusque illic Veneto duroque cucullo. 170
 Pars magna Italiae est, si verum admittimus, in qua
 Nemo togam sumit nisi mortuus. Ipsa dierum

B 3

Fest-

Festorum herboſo colitur ſiquando theatro
Majeftas, tandemque redit ad pulpita notum
Exodium, cum personæ pallentis hiatum 175
In gremio matris formidat rusticus infans:
Æquales habitus illic, ſimilesque videbis
Orcheſtram, et populum: clari velamen honoris,
Sufficiunt tunicae ſummiſ Aedilibus albæ.
Hic ultra vires habitus nitor; hic aliquid plus, 180
Quam fatis eſt; interdum aliena ſumitur arca.
Commune id vitium eſt: hic vivimus ambitiosa
Paupertate omnes. Quid te moror? omnia Romæ
Cum pretio. Quid das, ut Coſſum aliquando ſalutes?
Ut te respiciat clauſo Veiento labello? 185
Ille metit barbam, crinem hic deponit amati:
Plena domus libis venalibus. Accipe, et illud
Fermentum tibi habe: præſtare tributa clientes
Cogimur, et cultis augere peculia ſervis.
Quis timet, aut timuit gelida Præneste ruinam, 190
Aut poſitis nemorofa inter juga Volsiniis, aut
Simplicibus Gabiis, aut proni Tiburis arce?
Nos urbem colimus tenui tibicine fultam
Magna parte ſui: nam ſic labentibus obſtat
Villicus, et veteris rimæ contexit hiatum;
Securos pendente jubet dormire ruina.
Vivendum eſt illic, ubi nulla incendia, nulli 195

Noc-

Nocte metus. Jam poſcit aquam, jam frivola transfert
Ucalegon; tabulata tibi jam tertia fumant.
Tu nescis. Nam ſi gradibus trepidatur ab imis, 200
Ultimus ardebit, quem tegula ſola tuetur
A pluvia, molles ubi reddunt ova columbae.
Lectus erat Codro Procula minor, urceoli ſex,
Ornamentum abaci; necnon et parvulus infra
Cantharus, et recubans ſub eodem marmore Chiron:
Jamque vetus Græcos ſervabat cifta libellos, 206
Et divina Opici rodebant carmina mures.
Nil habuit Codrus: quis enim negat? et tamen illud
Perdidit infelix totum nil: ultimus autem
Ærumnæ cumulus, quod nudum, et fruſta rogañtem
Nemo cibo, nemo hofpitio, tectoque juvabit. 211
Si magna Asturici cecidit domus, horrida mater,
Pullati proceres, differt vadimonia prætor:
Tunc gemimus caſus urbis, tunc odimus ignem.
Ardet adhuc, et jam accurrit qui marmora donet;
Conferat impensas. Hic nuda, et candida ſigna; 216
Hic aliquid præclarum Euphranoris, et Polyceti,
Hic Afianorum vetera ornamenta Deorum.
Hic libros dabit, et forulos, mediampque Minervam;
Hic modium argenti: meliora, ac plura reponit 220
Perſicus orborum lautifimus, et merito jam
Suspensus, tanquam ipſe ſuas incenderit aedes.

B 4

Si

Si potes avelli Circensibus, optima Soræ,
 Aut Fabrateriæ domus, aut Frusinone paratur,
 Quanti nunc tenebras unum conducis in annum! 225
 Hortulus, hic, puteusque brevis, nec reste movendus,
 In tenues plantas facili diffunditur haustu.
 Vive bidentis amans, et culti villicus horti,
 Unde epulum possis centum dare Pythagoreis.
 Est aliquid quocunque loco, quocunque recessu, 230
 Unius sese dominum fecisse lacertæ.
 Plurimus hic æger moritur vigilando; sed illum
 Languorem peperit cibus imperfectus, et hærens
 Ardenti stomacho. Nam quæ meritaria somnum
 Admittunt? magnis opibus dormitur in urbe. 235
 Inde caput morbi: rhedarum transitus arcto
 Vicorum inflexu, et stantis convicia mandrä
 Eripient somnum Druso, vitulisque marinis.
 Si vocat officium, turba cedente vehetur
 Dives, et ingenti curret super ora Liburno, 240
 Atque obiter leget, aut scribet, vel dormiet intus:
 Namque facit somnum clausa lectica fenestra.
 Ante tamen veniet: nobis properantibus obstat
 Unda prior: magno populus premit agmine lumbos
 Qui sequitur: ferit hic cubito, ferit affere duro 245
 Alter; at hic tignum capiti incutit, ille metretam:
 Pinguia crura luto, planta mox undique magna

Cal-

Calcor, et in dígito clavus mihi militis hæret.
 Nonne vides, quanto celebretur sportula fumo?
 Centum convivæ; sequitur sua quemque culina. 251
 Corbulo vix ferret tot vasa ingentia, tot res
 Impositas capiti, quas recto vertice portat
 Servulus infelix, et cursu ventilat ignem.
 Scinduntur tunicæ fartæ; modo longa coruscat
 Sarraco veniente abies, atque altera pinum 255
 Plaustra vehunt, nutant alte, populoque minantur.
 Nam si procubuit, qui faxa Ligustica portat
 Axis, et eversum fudit super agmina montem,
 Quid supereft de corporibus? quis membra, quis offa
 Invenit? obtritum vulgi perit omne cadaver, 260
 More animæ. Domus interea secura patellas
 Jam lavat, et bucca foculum excitat, et sonat uncis
 Strigilibus, et pleno componit lintea gutto.
 Hæc inter pueros varie properantur: at ille
 Jam sedet in ripa, tetricumque novitus horret 265
 Porthmea, nec sperat cœnosi gurgitis alnum
 Infelix, nec habet, quæm porrigat, ore trientem.
 Respice nunc alia, ac diversa pericula noctis.
 Quod spatium tectis sublimibus, unde cerebrum
 Testa ferit, quoties rimosa, et curta fenestræ 270
 Vasa cadunt; quanto percussum pondere signent,
 Et lædant silicem. Possis ignavus haberet,

Et

Et subiti casus improvidus, ad cœnam si
Intestatus eas, adeo tot fata, quot illa
Nocte patent vigiles, te prætereunte, fenestræ. 275
Ergo optes, votumque feras miserabile tecum,
Ut sint contentæ patulas effundere pelves.
Ebrius ac petulans, qui nullum forte cecidit,
Dat pœnas; noctem patitur lugentis amicūm
Pelidæ, cubat in faciem, mox deinde supinus. 280
Ergo non aliter poterit dormire: quibusdam
Somnum rixa facit: sed quamvis improbus annis,
Atque mero fervens, cavet hunc, quem coccina læna
Vitari jubet, et comitum longissimus ordo;
Multum præterea flammarum, et aënea lampas: 285
Me, quem luna solet deducere vel breve lumen
Candelæ, cujus dispenso et tempero filum,
Contemnit. Miseræ cognosce procœmia rixæ:
Si rixa est, ubi tu pulsas, ego vapulo tantum.
Stat contra, starique jubet, parere necesse est. 290
Nam quid agas, cum te furiosus cogat, et idem
Fortior? unde venis? exelamat: cujus aceto,
Cujus conche tunes? quis tecum sectile porrum
Sutor et elixi vervecis labra comedit?
Nil mihi respondes? aut dic, aut accipe calcem. 295
Ede ubi confistas: in qua te quæro proseucha?
Dicere si tentes aliquid, tacitusve recedas,

Tan-

Tantudem est: feriunt pariter: vadimonia deinde
Irati faciunt. Libertas pauperis hæc est; 300
Pulsatus rogat, et pugnis concisus adorat,
Ut liceat paucis cum dentibus inde reverti.
Nec tamén hoc tantum metuas: nam qui spoliat te
Non deerit, clausis domibus, postquam omnis ubique
Fixa catenatæ filuit compago tabernæ.
Interdum et ferro subitus graffator agit rem, 305
Armato quoties tutæ custode tenentur
Et Pomptina palus, et Gallinaria pinus.
Sic inde huc omnes, tanquam ad vivaria, currunt.
Qua fornace graves, qua non incude, catenæ?
Maximus in vinclis ferri modus, ut timeas, ne 310
Vomer deficiat, ne marræ, et farcula defint.
Felices proavorum atavos, felicia dicas
Sæcula, quæ quondam sub regibus atque tribunis
Viderunt uno contentam carcere Romam.
His alias poteram, et plures subnectere causas: 315
Sed jumenta vocant, et sol inclinat; eundum est.
Nam mihi commota jamdudum mulio virga
Innuit: ergo vale nostri memor; et quoties te
Roma tuo refici properantem reddet Aquino,
Me quoque ad Elvinam Cererem, vestramque Dianam
Convelle a Cumis: Satyrarum ego, ni pudet illas, 320
Adjutor gelidos veniam caligatus in agros.

SA-

SATYRA IV.

Ecce iterum Crispinus; et est mihi s^ep^e vocandus
Ad partes, monstrum nulla virtute redemptum
A vitiis, æger, solaque libidine fortis:
Delicias viduæ tantum aspernatur adulter.
Quid refert igitur quantis jumenta fatiget
Porticibus, quanta nemorum vectetur in umbra,
Jugera quot vicina foro, quas emerit ædes?
Nemo malus felix, minime corruptor, et idem
Incestus, cum quo nuper vittata jacebat
Sanguine adhuc vivo terram subitura sacerdos.
Sed nunc de factis levioribus: et tamen alter
Si fecisset idem, caderet sub judice morum.
Nam quod turpe bonis, Titio Seioque, decebat
Crispinum. Quid agas, cum dira et fœdior omni
Crime persona est? nullum sex millibus emit,
Æquantem sane paribus festertia libris,
Ut perhibent, qui de magnis majora loquuntur.
Confilium laudo artificis, si munere tanto
Præcipuam in tabulis ceram senis abstulit orbi.
Est ratio ulterior, magnæ si misit amicæ,
Quæ vehitur clauso latis specularibus antro.
Nil tale exspectes: emit sibi. Multa videmus,
Quæ miser et frugi non fecit Apicius: hoc tu

Suc-

Succinctus patria quondam Crispine papyro.
Hoc pretium squamæ? potuit fortasse minoris
Piscator, quam pisces emi. Provincia tanti
Vendit agros; sed majores Apulia vendit.
Quales tunc epulas ipsum glutisse putemus
Induperatorem, cum tot festertia, partem
Exiguam, et modicæ sumptam de margine cœnæ,
Purpureus magni ructaret scurra Palatî;
Jam princeps equitum, magna qui voce solebat
Vendere municipes fracta de merce filuros!
Incipe Calliope, licet hic confidere: non est
Cantandum; res vera agitur, narrate puellæ
Pierides; profit mihi vos dixisse puellas.
Cum jam semianimum laceraret Flavius orbem
Ultimus, et calvo serviret Roma Neroni,
Incidit Adriaci spatum admirabile rhombi,
Ante domum Veneris, quam Dorica sustinet Ancon,
Implevitque sinus: neque enim minor hæserat illis,
Quos operit glacies Mæotica, ruptaque tandem
Solibus effundit torpentis ad ostia Ponti
Desidia tardos, et longo frigore pingues.
Destinat hoc monstrum cymbæ linique magister
Pontifici summo. Quis enim proponere tales,
Aut emere auderet, cum plena et littora multo
Delatore forent? dispersi protinus algæ

In-

Inquisitores agerent cum remige nudo;
 Non dubitatur fugitivum dicere piscem, 50
 Depastumque diu vivaria Cæsaris, inde
 Elapsum, veterem ad dominum debere reverti.
 Si quid Palphurio, si credimus Armillato,
 Quicquid conspicuum, pulchrumque ex æquore toto,
 Res fisci est, ubiunque natat: donabitur ergo, 55
 Ne pereat. Jam letifero cedente pruinis
 Autumno, jam quartanam sperantibus ægris,
 Stridebat deformis hyems, prædamque recentem
 Servabat: tamen hic properat, velut urgeat auster.
 Utque lacus superant, ubi quanquam diruta, servat 60
 Ignem Trojanum, et Vestam colit Alba minorem,
 Obsttit intranti miratrix turba parumper;
 Ut cessit, faciliter patuerunt cardine valvæ.
 Exclusi exspectant admissa obsonia patres.
 Itur ad Atridem. Tum Picens, accipe, dixit, 65
 Privatis majora focis: genialis agatur
 Iste dies; propera stomachum laxare saganis,
 Et tua servatum consume in sæcula rhombum.
 Ipse capi voluit. Quid apertius? et tamen illi
 Surgebant crista. Nihil est, quod credere de se 70
 Non possit, cum laudatur dñs æqua potestas.
 Sed deerat pisci patinæ mensura. Vocantur
 Ergo in concilium proceres, quos oderat ille;

In

In quorum facie miseræ, magnæque sedebat
 Pallor amicitiae. Primus, clamante Liburno, 75
 Currite, jam sedet, rapta properabat abolla
 Pegasus, attonitæ positus modo villicus urbi.
 Anne aliud tunc præfecti? quorum optimus, atque
 Interpres legum sanctissimus; omnia quanquam
 Temporibus diris tractanda putabat inermi 80
 Justitia. Venit et Crispi jucunda senectus,
 Cujus erant mores, qualis facundia; mite
 Ingenium. Maria, ac terras, populosque regenti
 Quis comes utilior, si clade, et peste sub illa
 Sævitiam damnare, et honestum afferre liceret 85
 Consilium? sed quid violentius aure tyranni,
 Cum quo de pluviis, aut æstibus, aut nimboſo
 Vere locuturi fatum pendebat amici?
 Ille igitur nunquam direxit brachia contra
 Torrentem; nec civis erat, qui libera posset 90
 Verba animi proferre, et vitam impendere vero.
 Sic multas hyemes, atque octogesima vidi
 Solstitia; his armis, illa quoque tutus in aula.
 Proximus ejusdem properabat Acilius ævi
 Cum juvene, indigno quem mors tam sœva maneret,
 Et domini gladiis tam festinata: sed olim 95
 Prodigio par est cum nobilitate senectus:
 Unde fit, ut malim fraterculus esse gigantis.

Pro-

Profuit ergo nihil misero, quod cominus ursos
Figebat Numidas, Albana nudus arena 100
Venator. Quis enim jam non intelligat artes
Patricias? quis priscum illud miretur acumen,
Brute tuum? facile est barbato imponere regi.
Nec melior vultu, quamvis ignobilis, ibat
Rubrius, offendæ veteris reus, atque tacendæ; 105
Et tamen improbior Satyram scribente cinædo.
Montani quoque venter adeſt abdome tardus:
Et matutino sudans Crispinus amomo,
Quantum vix redolent duo funera. Sævior illo
Pompeius tenui jugulos aperire fusurro: 110
Et qui vulturibus servabat viscera Dacis
Fuscus, marmorea meditatus prælia villa:
Et cum mortifero prudens Veiento Catullo,
Qui numquam viæ flagrabat amore puellæ:
Grande, et conspicuum nostro quoque tempore monstrum!
Cæcus, adulator, dirusque a ponte satelles, 116
Dignus Aricinos qui mendicaret ad axes,
Blandaque devexæ jactaret basia rhedæ.
Nemo magis rhombum stupuit: nam plurima dixit
In lœvum conversus: at illi dextra jacebat 120
Bellua: sic pugnas Cilicis laudabat et ictus,
Et pegma, et pueros inde ad velaria raptos.
Non cedit Veiento: sed ut fanaticus œstro

Per-

Percussus, Bellona, tuo divinat; et ingens
Omen habes, inquit, magni, clarique triumphi. 125
Regem aliquem capies, aut de temone Britanno
Excidet Arviragus: peregrina est bellua. Cernis
Erectas in terga sudes? hoc defuit unum
Fabricio, patriam ut rhombi memoraret, et annos.
Quidnam igitur censes? conciditur? absit ab illo 130
Dedecus hoc, Montanus ait; testa alta paretur,
Quæ tenui muro spatioſum colligat orbem.
Debetur magnus patinæ subitusque Prometheus.
Argillam, atque rotam citius properate: sed ex hoc
Tempore jam, Cæſar, figuli tua castra sequantur. 135
Vicit digna viro sententia: noverat ille
Luxuriam imperii veterem, noctesque Neronis
Jam medias, aliamque famem, cum pulmo Falerno
Arderet. Nulli major fuit usus edendi
Tempestate mea. Circæis nata forent, an 140
Lucrinum ad saxum, Rutupinove edita fundo
Ostrea, callebat primo deprendere morsu:
Et semel aspecti litus dicebat echini.
Surgitur, et missi proceres exire jubentur
Concilio, quos Albanam dux magnus in arcem 145
Traxerat attonitos, et festinare coactos,
Tanquam de Cattis aliquid, torvisque Sicambris
Dicturus; tanquam diversis partibus orbis

C

Anx-

Anxia præcipiti venisset epistola penna.
 Atque utinam his potius nugis tota illa dedisset 150
 Tempora sœvitiae, claras quibus abstulit urbi
 Illustresque animas, impune et vindice nullo.
 Sed periit, postquam cerdonibus esse timendus
 Cœperat ; hoc nocuit Lamiarum cæde madenti.

SATYRA V.

SI te propositi nondum pudet, atque eadem est mens,
 Ut bona summa putas aliena vivere quadra ;
 Si potes illa pati, quæ nec Sarmentus iniquas
 Cæsaris ad mensas, nec vilis Galba tulisset,
 Quamvis jurato metuam tibi credere testi. 5
 Ventre nihil novi frugalius : hoc tamen ipsum
 Defecisse puta, quod inani sufficit alvo.
 Nulla crerido vacat ? nusquam pons, et tegetis pars
 Dimidia brevior ? tantine injuria cœnæ ?
 Tam jejuna fames ; cum possis honestius illic 10
 Et tremere, et fordes farris mordere canini ?
 Primo fige loco, quod tu discumbere jussus
 Mercedem solidam veterum capis officiorum.
 Fructus amicitiae magnæ, cibus : imputat hunc rex,
 Et quamvis rarum, tamen imputat. Ergo duos post 15
 Si libuit menses neglectum adhibere clientem,

Ter-



P.S.E.

Tertia ne vacuo cessaret culcita lecto,
Una simus ait. Votorum summa : quid ultra
Quæris? habet Trebius, propter quod rumpere somnum
Debeat, et ligulas dimittere, sollicitus, ne 20
Tota salutatrix jam turba peregerit orbem
Sideribus dubiis, aut illo tempore, quo se
Frigida circumagunt pigri sarraca Boötæ.
Qualis cœna tamen ? vinum, quod succida nolit
Lana pati : de conviva Corybanta videbis. 25
Jurgia proludunt ; sed mox et pocula torques
Saucius, et rubra deterges vulnera mappa ;
Inter vos quoties, libertorumque cohortem
Pugna Saguntina fervet commissa lagenia :
Ipse capillato diffusum consule potat, 30
Calcatamque tenet bellis socialibus uvam,
Cardiaco numquam cyathum missurus amico.
Cras bibet Albanis aliquid de montibus, aut de
Setinis, cuius patriam, titulumque senectus
Delevit multa veteris fuligine testæ : 35
Quale coronati Thrasea Helvidiusque bibebant,
Brutorum, et Cafsi natalibus. Ipse capaces
Heliadum crustas et inæquales beryllo
Virro tenet phialas : tibi non committitur aurum :
Vel, si quando datur, custos affixus ibidem, 40
Qui numeret gemmas, unguesque observet acutos.

Da veniam : præclara illic laudatur iaspis :
 Nam Virro, ut multi, gemmas ad pocula transfert
 A digitis, quas in vaginæ fronte solebat
 Ponere zelotypo juvenis prælatus Hiarbæ. 45
 Tu Beneventani sutoris nomen habentem
 Siccabis calicem nasorum quatuor, ac jam
 Quassatum, et rupto poscentem sulfura vitro.
 Si stomachus domini fervet vinoque, ciboque,
 Frigidior Geticis petitur decocta pruinis. 50
 Non eadem vobis poni modo vina querebar ;
 Vos aliam potatis aquam : tibi pocula cursor
 Gætulus dabit, aut nigri manus ossea Mauri,
 Et cui per medium nolis occurrere noctem,
 Clivosæ veheris dum per monumenta Latinæ. 55
 Flos Asiæ ante ipsum, pretio majore paratus
 Quam fuit et Tulli census pugnacis, et Anci :
 Et, ne te teneam, Romanorum omnia regum
 Frivola. Quod cum ita sit, tu Gætulum Ganymedem
 Respice, cum sities : nescit tot millibus emptus 60
 Pauperibus miscere puer : sed forma, sed ætas
 Digna supercilium. Quando ad te pervenit ille ?
 Quando vocatus adest calidæ, gelidæque minister ?
 Quippe indignatur veteri parere clienti, 64
 Quodque aliquid poscas, et quod, se stante, recumbas.
 Maxima quæque domus servis est plena superbis.

Ecce

Ecce aliis quanto porrexit murmure panem
 Vix fractum, solidæ jam mucida frusta farinæ,
 Quæ genuinum agitent, non admittentia morsum. 70
 Sed tener et niveus, mollique filagine factus
 Servatur domino. Dextram cohibere memento.
 Salva sit artoptæ reverentia. Finge tamen te
 Improbulum ; supereft illic qui ponere cogat.
 Vin' tu consuetis audax conviva canistris
 Impleri, panisque tui novisse colorem ? 75
 Scilicet hoc fuerat, propter quod, saepe relicta
 Conjuge, per montem adversum, gelidasque cucurri
 Esquiliæ, fremeret saeva cum grandine vernus
 Jupiter, et multo stillaret pœnula nimbo !
 Aspice, quam longo distendat pectore lancem, 80
 Quæ fertur domino, squilla ; et quibus undique septa
 Asparagis, qua despiciat convivia cauda,
 Cum venit excelsi manibus sublata ministri.
 Sed tibi dimidio constrictus cammarus ovo
 Ponitur, exigua feralis cœna patella. 85
 Ipse Venafano pisces perfundit : at hic, qui
 Pallidus offertur misero tibi caulis, olebit
 Laternam : illud enim vestris datur alveolis, quod
 Canna Miciparum prora subvexit acuta :
 Propter quod Romæ cum Boccare nemo lavatur ; 90
 Quod tutos etiam facit a serpentibus Afros.

C 3

Mul-

Mullus erit domino, quem misit Corsica, vel quem
Tauromitanæ rupes, quando omne peractum est,
Et jam defecit nostrum mare ; dum gula sœvit,
Retibus assiduis penitus scrutante macello 95
Proxima ; nec patitur Tyrrhenum crescere piscem.
Instruit ergo focum provincia : sumitur illinc
Quod captator emat Lenas, Aurelia vendat.
Virroni muræna datur, quæ maxima venit
Gurgite de Siculo : nam, dum se continet Auster, 100
Dum sedet, et siccata madidas in carcere pennas,
Contemnunt medium temeraria lina Charybdim.
Vos anguilla manet longæ cognata colubræ,
Aut glacie aspersus maculis Tiberinus, et ipse
Vernula riparum pinguis torrente cloaca, 105
Et solitus mediæ cryptam penetrare Suburæ.
Ipsi pauca velim, facilem si præbeat aurem :
Nemo petit, modicis quæ mittebantur amicis
A Seneca ; quæ Piso bonus, quæ Cotta solebat
Largiri : namque et titulis, et fascibus olim 110
Major habebatur donandi gloria : solum
Poscimus, ut cœnes civiliter. Hoc face, et esto,
Esto, ut nunc multi, dives tibi, pauper amicis.
Anseris ante ipsum magni jecur, anseribus par
Altilis, et flavi dignus ferro Meleagri 115
Fumat aper : post hunc radentur tubera, si ver

Tunc

Tunc erit, et facient optata tonitrua cœnas
Majores : tibi habe frumentum, Alledius inquit,
O Libye ; disjunge boves, dum tubera mittas. 120
Structorem interea, ne qua indignatio desit,
Saltantem spectes, et chironomonta volanti
Cultello, donec peragat dictata magistri
Omnia : nec minimo sane discrimine refert,
Quo gestu lepores, et quo gallina fecetur.
Ducēris planta, velut ictus ab Hercule Cacus ; 125
Et ponere foris, si quid tentaveris unquam
Hiscere, tanquam habeas tria nomina. Quando propinat
Virro tibi, sumitque tuis contacta labellis
Pocula ? quis vestrū temerarius usque adeo, quis
Perditus, ut dicat regi, bibe ? plurima sunt quæ 130
Non audent homines pertusa dicere læna.
Quadringenta tibi si quis Deus, aut similis Dīs
Et melior fatis donaret homuncio ; quantus
Ex nihilo fieres, quantus Virronis amicus !
Da Trebio, pone ad Trebium : vis, frater, ab istis 135
Ilibus ? O nummi, vobis hunc præstat honorem :
Vos estis fratres. Dominus tamen, et domini rex,
Si vis tu fieri, nullus tibi parvulus aula
Luserit Æneas, nec filia dulcior illo.
Jucundum et carum sterilis facit uxor amicum. 140
Sed tua nunc Mycale pariat licet, et pueros tres

C 4

In

40 JUVENALIS SATYRA V.

In gremium patris fundat simul, ipse loquaci
Gaudebit nido, viridem thoraca jubebit
Afferri, minimasque nuces, assimque rogatum,
Ad mensam quoties parasitus venerit infans. 145
Vilibus ancipites fungi ponentur amicis,
Boletus domino ; sed qualem Claudio edit
Ante illum uxoris, post quem nil amplius edit.
Virro fibi et reliquis Virronibus illa jubebit
Poma dari, quorum solo pascaris odore ; 150
Qualia perpetuus Phæacum Autumnus habebat,
Credere quæ possis surrepta sororibus Afris.
Tu scabie frueris mali, quod in aggere rodit
Qui tegitur parma, et galea, metuensque flagelli
Discit ab hirsuta jaculum torquere capella. 155
Forsitan impensæ Virronem parcere credas :
Hoc agit ut doleas : nam quæ comœdia, mimus
Quis melior plorante gula ? ergo omnia fiunt,
Si nescis, ut per lacrymas effundere bilem
Cogaris, pressoque diu stridere molari. 160
Tu tibi liber homo, et regis conviva videris ;
Captum te nidore suæ putat ille culinæ :
Nec male conjectat : quis enim tam nudus, ut illum
Bis ferat, Etruscum puero si contigit aurum,
Vel nodus tantum, et signum de paupere loro ? 165
Spes bene cœnandi vos decipit. Ecce, dabit jam

Seme-

Semesum leporem, atque aliquid de clunibus apri.
 Ad nos jam veniet minor altilis : inde parato,
 Intactoque omnes, et stricto pane taceatis.
 Ille sapit, qui te sic utitur. Omnia ferre
 Si potes, et debes ; pulsandum vertice raso
 Præbebis quandoque caput, nec dura timebis
 Flagra pati, his epulis, et tali dignus amico.

170

SATYRA VI.

CRedo pudicitiam Saturno rege moratam
 In terris visamque diu ; cum frigida parvas
 Præberet spelunca domos, ignemque, laremque,
 Et pecus, et dominos, communi clauderet umbra :
 Silvestrem montana torum cum sterneret uxor
 Frondibus, et culmo, vicinarumque ferarum
 Pellibus : haud similis tibi, Cynthia, nec tibi, cuius
 Turbavit nitidos extinctus passer ocellos :
 Sed potanda ferens infantibus ubera magnis,
 Et saepe horridior glandem rustante marito. 10
 Quippe aliter tunc orbe novo, cœloque recenti
 Vivebant homines ; qui, rupto robore nati,
 Compositique luto nullos habuere parentes.
 Multa pudicitiae veteris vestigia forsan,
 Aut aliqua extiterint, et sub Jove; sed Jove nondum 15

Bar-



Barbato, nondum Græcis jurare paratis
 Per caput alterius, cum furem nemo timeret
 Caulibus, aut pomis; et aperto viveret horto.
 Paulatim deinde ad Superos Astræa recessit,
 Hac comite, atque duæ pariter fugere sorores. 20
 Antiquum et vetus est alienum, Posthume, lectum
 Concutere, atque sacri Genium contemnere fulcri.
 Omne aliud crimen mox ferrea protulit ætas;
 Viderunt primos argentea sœcula mœchos.
 Conventum tamen, et pactum et sponsalia, nostra 25
 Tempestate paras; jamque a tonsore magistro
 Pecteris, et digito pignus fortasse dedisti.
 Certe sanus eras! uxorem, Posthume, ducis?
 Dic, qua Tisiphone, quibus exagitare colubris?
 Ferre potes dominam, salvis tot restibus, ullam? 30
 Cum pateant altæ caligantesque fenestræ?
 Cum tibi vicinum se præbeat Æmilius pons?
 Aut si de multis nullus placet exitus, illud
 Nonne putas melius, quod tecum pusio dormit,
 Pusio, qui noctu non litigat? exigit a te 35
 Nulla jacens illic munuscula, nec queritur, quod
 Et lateri parcas, nec, quantum jussit, anheles.
 Sed placet Ursidio lex Julia: tollere dulcem
 Cogitat hæredem, cariturus turture magno,
 Mullorumque jübis, et captatore macello. 40

Quid

Quid fieri non posse putas, si jungitur ulla
 Ursidio? si mœchorum notissimus olim
 Stulta maritali jam porrigit ora capistro,
 Quem toties texit perituri cista Latini?
 Quid, quod et antiquis uxor de moribus illi 45
 Quæritur? ô medici medium pertundite venam:
 Delicias hominis! Tarpeium limen adora
 Pronus, et auratam Junoni cæde juvencam,
 Si tibi contigerit capitis matrona pudici.
 Paucæ adeo Cereris vittas contingere dignæ, 50
 Quarum non timeat pater oscula. Necte coronam
 Postibus, et densos per limina tende corymbos.
 Unus Iberinæ vir sufficit? oxyus illud
 Extorquebis, ut hæc oculo contenta sit uno.
 Magna tamen fama est cujusdam rure paterno 55
 Viventis: vivat Gabiis, ut vixit in agro,
 Vivat Fidenis, et agello cedo paterno.
 Quis tamen affirmat, nil actum in montibus, aut in
 Speluncis? adeo senuerunt Jupiter, et Mars?
 Porticibusne tibi monstratur fœmina voto 60
 Digna tuo? cuneis an habent spectacula totis
 Quod securus ames, quodque inde excerpere possis?
 Cheironomon Ledam molli saltante Bathyllo
 Tuccia vesicæ non imperat; Appula gannit,
 Sic cut in amplexu: subitum et miserabile longum 65

Atten-

Attendit Thymele; Thymele tunc rustica discit.
 Ast aliæ, quoties aulæa recondita cessant,
 Et, vacuo clausoque, sonant fora sola theatro,
 Atque a plebeis longe Megalesia, tristes
 Personam, thyrsumque tenent, et subligar Accî. 70
 Urbicus exodio risum movet Atellanæ
 Gestibus Autonoës; hunc diligit Ælia pauper.
 Solvitur his magno comœdi fibula. Sunt, quæ
 Chrysogonum cantare vident. Hispulla tragœdo
 Gaudet: an exspectas, ut Quintilianus ametur? 75
 Accipis uxorem, de qua citharœdus Echion,
 Aut Glaphyrus, fiat pater, Ambrosiusque choraules.
 Longa per angustos figamus pulpita vicos:
 Ornentur postes, et grandi janua lauro,
 Ut testudineo tibi, Lentule, conopeo 80
 Nobilis Euryalum mirmillonem exprimat infans.
 Nupta senatori comitata est Hippia ludium
 Ad Pharon, et Nilum, famosaque moenia Lagi,
 Prodigia et mores urbis damnante Canopo.
 Immemor illa domus, et conjugis atque sororis, 85
 Nil patriæ indulxit, plorantesque improba natos,
 Utque magis stupeas, ludos, Paridemque reliquit.
 Sed quanquam in magnis opibus, plumaque paterna,
 Et segmentatis dormisset parvula cunis,
 Contempsit pelagus; famam contempserat olim, 90
 Cujus

Cujus apud molles minima est jactura cathedras.
 Tyrrhenos igitur fluctus, lateque sonantem
 Pertulit Ionium constanti pectore, quamvis
 Mutandum toties esset mare. Justa pericli
 Si ratio est, et honesta, timent, pavidoque gelantur 95
 Pectore, nec tremulis possunt infistere plantis.
 Fortem animum præstant rebus, quas turpiter audent.
 Si jubeat conjux, durum est concendere navim,
 Tunc sentina gravis, tunc summus vertitur aër. 99
 Quæ mœchum sequitur, stomacho valet. Illa maritum
 Convomit: hæc inter nautas et prandet, et errat
 Per puppim, et duros gaudet tractare rudentes.
 Qua tamen exarsit forma? qua capta juventa est
 Hippia? quid vidit, propter quod ludia dici
 Sustinuit? nam Sergiolus jam radere guttur 105
 Cœperat, et secto requiem sperare lacerto.
 Præterea multa in facie deformia, sicut
 Attritus galea, mediisque in naribus ingens
 Gibbus, et acre malum semper stillantis ocelli.
 Sed gladiator erat. Facit hoc illos Hyacinthos: 110
 Hoc pueris, patriæque, hoc prætulit illa sorori,
 Atque viro. Ferrum est, quod amant. Hic Sergius idem,
 Accepta rude, cœpisset Veiento videri.
 Quid privata domus, quid fecerit Hippia, curas?
 Respice rivales Divorum; Claudio audi 115
 Quæ

Quæ tulerit: dormire virum cum fenserat uxor,
 Aufa Palatino tegetem præferre cubili,
 Sumere nocturnos meretrix Augusta cucullos,
 Linquebat comite ancilla non amplius una;
 Et, nigrum flavo crinem abscondente galero, 120
 Intravit calidum veteri centone lupanar,
 Et cellam vacuam, atque suam: tunc nuda papillis
 Constatit auratis, titulum mentita Lyciscæ,
 Ostenditque tuum, generose Britannice, ventrem.
 Excepit blanda intrantes, atque æra poposcit: 125
 Mox, lenone suas jam dimittente puellas,
 Tristis abit; sed, quod potuit, tamen ultima cellam
 Clausit, adhuc ardens rigidæ tentigine vulvæ,
 Et lassata viris, ne cum fatiata, recessit:
 Obscurisque genis turpis, fumoque lucernæ 130
 Fœda, lupanaris tulit ad pulvinar odorem.
 Hippomanes, carmenque loquar, coctumque venenum
 Privignoque datum? faciunt graviora coactæ
 Imperio sexûs, minimumque libidine peccant.
 Optima sed quare Cesennia teste marito? 135
 Bis quingenta dedit, tanti vocat ille pudicam;
 Nec Veneris pharetris macer est; aut lampade fervet:
 Inde faces ardent, veniunt a dote sagittæ.
 Libertas emitur: coram licet innuat, atque
 Rescribat, vidua est locuples, quæ nupsit avaro. 140

Cur

Cur desiderio Bibulae Sertorius ardet?
 Si verum excutias, facies, non uxor, amatur.
 Tres rugæ subeant, et se cutis arida laxet,
 Fiant obscuri dentes, oculique minores;
 Collige sarcinulas, dicet libertus, et exi; 145
 Jam gravis es nobis, et sæpe emungeris, exi
 Ocyus, et propora; sicco venit altera nafo.
 Interea calet; et regnat, poscitque maritum
 Pastores, et ovem Canusinam, ulmosque Falernas.
 Quantulum in hoc? pueros omnes, ergastula tota, 150
 Quodque domi non est, et habet vicinus, ematur.
 Mense quidem brumæ, cum jam mercator Iäson
 Clausus, et armatis obstat casa candida nautis,
 Grandia tolluntur chrystallina, maxima rursus
 Myrrhina, deinde adamas notissimus, et Berenices 155
 In digito factus pretiosior: hunc dedit olim
 Barbarus incestæ, dedit hunc Agrippa sorori,
 Observant ubi festa mero pede fabbata reges,
 Et vetus indulget senibus clementia porcis.
 Nullane de tantis gregibus tibi digna videtur? 160
 Sit formosa, decens, dives, fœcunda, vetustos
 Porticibus disponat avos, intactior omni
 Crinibus effusis bellum dirimente Sabina:
 Rara avis in terris, nigroque simillima cygno.
 Quis feret uxorem, cui constant omnia? malo, 165

Malo

Malo Venusinam, quam te, Cornelia mater
 Gracchorum, si cum magnis virtutibus affers
 Grande supercilium, et numeras in dote triumphos.
 Tolle tuum, precor, Annibalem, victumque Syphacem
 In castris; et cum tota Carthagine migra. 170
 Parce, præcor, Pæan, et tu, dea, pone sagittas:
 Nil pueri faciunt; ipsam configite matrem:
 Amphion clamat: sed Pæan contrahit arcum.
 Extulit ergo gregem natorum, ipsumque parentem,
 Dum sibi nobilior Latonæ gente videtur, 175
 Atque eadem scrofa Niobe fœcundior alba.
 Quæ tanti gravitas, quæ forma, ut se tibi semper
 Imputet? hujus enim rari summique voluptas
 Nulla boni, quoties animo corrupta superbo 179
 Plus aloës quam mellis habet. Quis deditus autem
 Usque adeo est, ut non illam, quam laudibus effert,
 Horreat, inque diem septenis oderit horis?
 Quædam parva quidem; sed non toleranda maritis.
 Nam quid rancidius, quam quod se non putat ulla
 Formosam, nisi quæ de Tusca Græcula facta est, 185
 De Sulmonensi mera Cecropis? omnia Græce,
 Cum sit turpe magis nostris nescire Latine.
 Hoc sermone pavent, hoc iram, gaudia, curas,
 Hoc cuncta effundunt animi secreta. Quid ultra?
 Concubunt Græce. Dones tamen ista puellis: 190

Tune

Tune etiam, quam sextus et octogesimus annus
 Pulsat, adhuc Græce? non est hic sermo pudicus
 In vetula, quoties lascivum intervenit illud,
 Ζωνὴ ψυχὴ, modo sub lodiœ relictis
 Uteris in turba. Quod enim non excitat inguen 195
 Vox blanda, et nequam? digitos habet: ut tamen omnes
 Subsidant pennæ; dicas hæc mollius Æmo
 Quanquam et Carpophoro, facies tua computat annos.
 Si tibi legitimis pactam junctamque tabellis
 Non es amaturus, ducendi nulla videtur 200
 Causa; nec est, quare cœnam et mustacea perdas,
 Labente officio, crudis donanda; nec illud
 Quod prima pro nocte datur, cum lance beata
 Dacicus, et scripto radiat Germanicus auro.
 Si tibi simplicitas uxoria, deditus uni 205
 Est animus: submitte caput cervice parata
 Ferre jugum: nullam invenies, quæ parcat amanti.
 Ardeat ipsa licet, tormentis gaudet amantis,
 Et spoliis. Igitur longe minus utilis illi
 Uxor, quisquis erit bonus optandusque maritus. 210
 Nil unquam invita donabis conjugé: vendes
 Hac obstante nihil, nihil, hæc si nolit, emetur.
 Hæc dabit affectus: ille excludetur amicus
 Jam senior, cuius barbam tua janua vidit.
 Testandi cum sit lenonibus atque lanistis

D

Li-

Libertas, et juris idem contingat arenæ,
Non unus tibi rivalis dictabitur hæres.
Pone crucem servò: meruit quo crimine servus
Supplicium? quis testis adest? quis detulit? audi,
Nulla unquam de morte hominis cunctatio longa est. 220
O demens, ita servus homo est? nil fecerit, esto:
Hoc volo, sic jubeo, sit pro ratione voluntas.
Imperat ergo viro: sed mox hæc regna relinquit,
Permutatque domos, et flammiea conterit: inde
Avolat, et spreti repetit vestigia lecti. 225
Ornatas paulo ante fores, pendentia linquit
Vela domus, et adhuc virides in limine ramos.
Sic crescit numerus; sic fiunt octo mariti
Quinque per autumnos: titulo res digna sepulcri.
Desperanda tibi salvā concordia focru: 230
Illa docet spoliis nudi gaudere mariti:
Illa docet missis a corruptore tabellis,
Nil rude, nil simplex, rescribere: decipit illa
Custodes, aut ære domat: tunc, corpore fano
Advocat Archigenen, onerosaque pallia jactat. 235
Abditus interea latet et secretus adulter,
Impatiensque moræ filet, et præputia dicit.
Scilicet exspectas, ut tradat mater honestos,
Aut alios mores, quam quos habet? utile porro
Filiolam turpi vetulæ producere turpem. 240

Nul-

Nulla fere causa est, in qua non fœmina litem
Moverit. Accusat Manilia, si rea non est.
Componunt ipsæ per se, formantque libellos,
Principium atque locos Celso dictare paratæ.
Endromidas Tyrias, et fœmineum ceroma. 245
Quis nescit? vel quis non vidi vulnera pali?
Quem cavat assiduis sudibus, scutoque lacefit,
Atque omnes implet numeros, dignissima prorsus
Florali matrona tuba, nisi si quid in illo
Pectore plus agitat, veraeque paratur arenæ. 250
Quem præstare potest mulier galeata pudorem,
Quæ fugit a sexu, vires amat? hæc tamen ipsa
Vir nolle fieri: nam quantula nostra voluptas!
Quale decus rerum, si conjugis austio fiat?
Balteus, et manicæ, et cristæ, crurisque finistri 255
Dimidium tegmen: vel si diversa movebit
Prælia, tu felix, ocreas vendente puella.
Hæ sunt, quæ tenui sudant in cyclade, quarum
Delicias et panniculus bombycinus urit.
Aspice quo fremitu monstratos perferat ictus; 260
Et quanto galeæ curvetur pondere; quanta
Poplitibus sedeat; quam denso fascia libro;
Et ride, scaphium positis cum sumitur armis.
Dicite vos, neptes Lepidi, cæcive Metelli,
Gurgitis aut Fabii, quæ ludia sumpserit unquam 265

D 2

Hos

Hos habitus? quando ad palum gemat uxor Asylli?
 Semper habet lites alternaque jurgia lectus,
 In quo nupta jacet: minimum dormitur in illo.
 Tunc gravis illa viro, tunc orba tigride pejor,
 Cum simulat gemitus occulti conscia facti, 270
 Aut odit pueros, aut ficta pellice plorat
 Uberibus semper lacrymis, semperque paratis
 In statione sua, atque exspectantibus illam,
 Quo jubeat manare modò: tu credis amorem,
 Tu tibi tunc, curruca places, fletumque labellis 275
 Exforbes; quæ scripta, et quas lecture tabellas,
 Si tibi zelotypæ retegantur scrinia mœchæ!
 Sed jacet in servi complexibus, aut equitis: dic,
 Dic aliquem, fodes, dic, Quintiliane, colorem.
 Hæremus: dic, ipsa. Olim convenerat, inquit, 280
 Ut faceres tu quod velles; nec non ego possem
 Indulgere mihi: clames licet, et mare cœlo
 Confundas, homo sum. Nihil est audacius illis
 Deprênsis: iram, atque animos a crimine sumunt.
 Unde hæc monstra tamen, vel quo de fonte requiris?
 Præstabat castas humilis fortuna Latinas 285
 Quondam, nec vitiis contingi parva finebat
 Tecta labor, somnique breves, et vellere Thusco
 Vexatæ duræque manus, ac proximus urbi
 Annibal, et stantes Collina in turre mariti. 290

Nunc

Nunc patimur longæ pacis mala: sævior armis
 Luxuria incubuit, victumque ulciscitur orbem.
 Nullum crimen abest, facinusque libidinis, ex quo
 Paupertas Romana perit. Hinc fluxit ad istos
 Et Sybaris, colles; hinc et Rhodos, et Miletos, 295
 Atque coronatum, et petulans, madidumque Tarentum.
 Prima preregrinos obſcœna pecunia mores
 Intulit, et turpi fregerunt fœcula luxu
 Divitiæ molles. Quid enim Venus ebria curat?
 Inguinis, et capitis quæ fint discrimina, nescit; 300
 Grandia quæ mediis jam noctibus ostrea mordet,
 Cum perfusa mero ſpumant unguenta Falerno,
 Cum bibitur concha, cum jam vertigine tectum
 Ambulat, et geminis exſurgit mensa lucernis.
 I nunc, et dubita qua forbeat aëra fanna 305
 Tullia, quid dicat notæ Collacia Mauræ;
 Maura Pudicitiae veterem cum præterit aram.
 Noctibus hic ponunt leæticas, miſturiunt hic;
 Effigiemque Deæ longis ſiphonibus implent;
 Inque vices equitant, ac luna teste moventur. 310
 Inde domos abeunt. Tu calcas, luce reverſa,
 Conjugis urinam, magnos viſurus amicos.
 Nota Bonæ ſecreta Deæ, cum tibia lumbos
 Incitat, et cornu pariter, viñoque feruntur
 Attonitæ, crinemque rotant, ululantque, Priapi 315

D 3

Mæ-

Mænades : ô quantus tunc illis mentibus ardor
Concubitus ! quæ vox, saltante libidine ! quantus
Ille meri veteris per crura madentia torrens !
Lenonum ancillas posita Laufella corona
Provocat, et tollit pendentis præmia coxæ: 320
Ipse Medullinæ frictum crissantis adorat.
Palmam inter dominas virtus natalibus æquat.
Nil ibi per ludum simulabitur; omnia fient
Ad verum, quibus incendi jam frigidus ævo
Laomedontiades, et Nestoris hernia, possit. 325
Tunc prurigo moræ impatiens : tunc fœmina simplex,
Et pariter toto repetitur clamor ab antro.
Jam fas est, admitte viros. Jam dormit adulter?
Illa jubet sumpto juvenem properare cucullo.
Si nihil est, servis incurritur : abstuleris spem 330
Servorum, veniet conductus aquarius : hic si
Quæritur, et desunt homines; mora nulla per ipsam,
Quo minus imposito clunem submittat asello.
Atque utinam ritus veteres, et publica faltem
His intacta malis agerentur facra : sed omnes 335
Noverunt Mauri, atque Indi, quæ psaltria penem
Majorem, quam sint duo Cæsar's Anticatones,
Illuc, testiculi sibi conscius unde fugit mus,
Intulerit, ubi velari pictura jubetur,
Quæcumque alterius sexûs imitata figuram est. 340

Et

Et quis tunc hominum contemptor numinis? aut quis
Sympuvium ridere Numæ, nigrumque catinum,
Et Vaticano fragiles de monte patellas
Aeus erat? sed nunc ad quas non Clodius aras? 345
Audio quid veteres olim moneatis amici.
Pone seram, cohibe. Sed quis custodiet ipsos
Custodes? cauta est, et ab illis incipit, uxori.
Jamque eadem summis, pariter, minimisque libido.
Nec melior pedibus filicem quæ conterit atrum,
Quam quæ longorum vehitur cervice Syrorum. 350
Ut spectet ludos, conductus Ogulnia vestem,
Conducit comites, sellam, cervical, amicas,
Nutricem, et flavam, cui det mandata, puellam.
Hæc tamen, argenti superest quodcumque paterni,
Lævibus athletis, ac vasa novissima, donat. 355
Multis res angusta domi est: sed nulla pudorem
Paupertatis habet; nec se metitur ad illum,
Quem dedit hæc posuitque, modum. Tamen utile quid sit,
Prospiciunt aliquando viri; frigusque, famemque,
Formica tandem quidam expavere magistra. 360
Prodiga non sentit pereuntem fœmina censum:
At, velut exhausta redivivus pullulet arca
Nummus, et e pleno semper tollatur acervo,
Non unquam reputat, quanti sibi gaudia constent.
Sunt, quas eunuchi imbelles, ac mollia semper 365

D 4

Of-

Oscula delectent, et desperatio barbæ,
Et quod abortivo non est opus. Illa voluptas
Summa tamen, quod jam calida et matura juventa
Inguina traduntur medicis, jam pectine nigro.
Ergo exspectatos ac jussos crescere primum 370
Testiculos, postquam cœperunt esse bilibres,
Tonsoris damno tantum rapit Heliodorus.
Conspicuus longe, cunctisque notabilis intrat
Balnea, nec dubie custodem vitis et horti
Provocat, a domina factus spado. Dormiat ille 375
Cum domina: sed tu jam durum, Posthume, jamque
Tondendum eunicho Bromium committere noli.
Si gaudet cantu, nullius fibula durat
Vocem vendentis Prætoribus; organa semper
In manibus; densi radiant testudine tota 380
Sardonyches: crispo numerantur pectine chordæ,
Quo tener Hedymedes operam dedit: hunc tenet, hoc se
Solatur, gratoque indulget basia plectro.
Quædam de numero Lamiarum, ac nominis Appi
Cum farre et vino Janum, Vestamque rogabat, 385
An Capitolinam deberet Pollio quercum
Sperare, et fidibus promittere. Quid faceret plus,
Ægrotante viro? medicis quid tristibus erga
Filiolum? stetit ante aram, nec turpe putavit
Pro cithara velare caput; dictataque verba 390

Pro-

Protulit, ut mos est, et aperta palluit agna.
Dic mihi nunc, quæso, dic, antiquissime Divū;
Respondes his, Jane pater? magna ocia cœlo,
Non est, ut video non est, quod agatur apud vos. 395
Hæc de comœdis te consulit: illa tragœdum
Commendare volet; varicosus fiet haruspex.
Sed cantet potius, quam totam pervolet urbem
Audax, et cœtus possit quam ferre virorum,
Cumque paludatis ducibus, præsente marito,
Ipsa loqui, recta facie, strictisque mamillis. 400
Hæc eadem novit, quid toto fiat in orbe:
Quid Seres, quid Thraces, agant: secreta novercæ,
Et pueri: quis amet; quis decipiatur adulter.
Dicet, quis viduam prægnantem fecerit, et quo 404
Mense, quibus verbis concubat quæque, modis quot.
Instantem regi Armenio, Parthoque cometem
Prima videt: famam, rumoresque illa recentes
Excipit ad portas: quosdam facit: îsse Niphatem
In populos, magnoque illic cuncta arva teneri
Diluvio: nutare urbes, subsidere terras, 410
Quocumque in trivio, cuicumque est obvia, narrat.
Nec tamen id vitium magis intolerabile, quam quod
Viciños humiles rapere, et concidere loris
Exorata solet: nam si latratibus alti
Rumpuntur somni; fustes huc ocyus, inquit, 415
Af-

Afferte, atque illis dominum jubet ante feriri,
Deinde canem : gravis occursu, tetterima vultu,
Balnea nocte subit: conchas, et castra moveri
Nocte jubet; magno gaudet sudare tumultu,
Cum laffata grayi ceciderunt brachia massa, 420
Callidus et cristæ digitos impressit aliptes,
Ac summum dominæ femur exclamare coëgit.
Convivæ miseri interea somnoque fameque
Urgentur. Tandem illa venit rubicundula, totum 425
Oenophorum sibiens, plena quod tenditur urna
Admotum pedibus, de quo sextarius alter
Ducitur ante cibum, rabidam facturus orexim,
Dum reddit, et terram loto ferit intestino.
Marmoribus rivi properant, aurata Falernum
Pelvis olet: nam sic, tanquam alta in dolia longus 430
Deciderit serpens, bibit, et vomit. Ergo maritus
Nauseat, atque oculis bilem substringit opertis.
Illa tamen gravior, quæ, cum discumbere cœpit,
Laudat Virgilium, perituræ ignoscit Elise:
Committit vates et comparat; inde Maronem, 435
Atque alia parte in trutina suspendit Homerum.
Cedunt grammatici, vincuntur rhetores, omnis
Turba tacet, nec caufidicus, nec præco loquatur,
Altera nec mulier: verborum tanta cadit vis,
Tot pariter pelves, et tintinnabula dicas 440

Pul-

Pulsari. Jam nemo tubas atque æra fatiget :
 Una laboranti poterit succurrere Lunæ.
 Imponit finem sapiens et rebus honestis.
 Nam quæ docta nimis cupid et facunda videri,
 Crure tenuis medio tunicas succingere debet, 445
 Cædere Sylvano porcum, quadrante lavari.
 Non habeat matrona, tibi quæ juncta recumbit,
 Dicendi genus, aut curtum fermone rotato
 Torqueat enthymema, nec historias sciat omnes :
 Sed quædam ex libris et non intelligat. Odi 450
 Hanc ego, quæ repetit volvitque Palæmonis artem,
 Servata semper lege, et ratione loquendi,
 Ignotosque mihi tenet antiquaria versus,
 Nec curanda viris opicæ castigat amicæ
 Verba. Solœciſſum liceat fecisse marito. 455
 Nil non permittit mulier fibi : turpe putat nil,
 Cum virides gemmas collo circumdedit, et cum
 Auribus extensis magnos commisit elenchos.
 Intolerabilius nihil est quam fœmina dives.
 Interea, fœda aspectu ridendaque, multo 460
 Pane tumet facies, aut pinguia Poppæana
 Spirat, et hinc miseri viscantur labra mariti.
 Ad mœchum lota veniet cute : quando videri
 Vult formosa domi? mœchis foliata parantur.
 His emitur quicquid graciles huc mittitis Indi. 465
 Tan-



Tandem aperit vultum, et te^ctoria prima reponit;
 Incipit agnoscⁱ, atque illo lacte fove^tur,
 Propter quod secum comites educit asellas,
 Exul Hyperboreum si dimittatur ad axem.
 Sed quæ mutatis inducitur, atque fove^tur 470
 Tot medicaminibus, co^ttæque filiginis offas
 Accipit et madidæ, facies dicetur, an ulcus?
 Est operæ pretium penitus cognoscere, toto
Quid facient agitentque die. Si nocte maritus
 Aversus jacuit, periit libraria, ponunt 475
 Cosmetæ tunicas, tarde venisse Liburnus
 Dicitur, et pœnas alieni pendere somni
 Cogitur: hic frangit ferulas, rubet ille flagellis,
 Hic scutica; sunt quæ tortoribus annua præstent.
 Verberat, atque obiter faciem linit; audit amicas, 480
 Aut latum pictæ vestis considerat aurum;
 Et cædens longi relegit transfacta diurni,
 Et cædit, donec lassis cædentiibus, exi,
 Intonet horrendum, jam cognitione peracta.
 Præfectura domus Sicula non mitior aula. 485
 Nam si constituit, solitoque decentius optat
 Ornari; et properat, jamque exspectatur in hortis,
 Aut apud I^siacæ potius sacraria lenæ;
 Componit crinem, laceratis ipsa capillis,
 Nuda humeros P^fecas infelix, nudisque mamillis. 490

Al-

Altior hic quare cincinnus? taurea punit
 Continuo flexi crimen facinusque capilli.
 Quid P^fecas admisit? quænam est hic culpa puellæ,
 Si tibi displicuit nasus tuus? altera lævum
 Extendit, pectitque comas, et volvit in orbem. 495
 Est in consilio matrona, admotaque lanis
 Emerita quæ cessat acu: sententia prima
 Hujus erit; post hanc ætate, atque arte minores
 Censebunt, tanquam famæ discrimin^e agatur,
 Aut animæ: tanta est quærendi cura decoris. 500
 Tot premit ordinibus, tot adhuc compagibus, altum
 Ædificat caput, Andromachen a fronte videbis,
 Post minor est: credas aliam. Cedo, si breve parvi
 Sortita est lateris spatum, breviorque videtur
 Virgine Pygmæa; nullis adjuta cothurnis; 505
 Et levis erecta consurgit ad oscula planta.
 Nulla viri cura interea, nec mentio fiet
 Damnorum: vivit tanquam vicina mariti;
 Hoc solo propior, quod amicos conjugis odit,
 Et servos; gravis est rationibus. Ecce furentis 510
 Bellonæ, matriisque Deûm chorus intrat; et ingens
 Semivir, obsceno facies reverenda minori,
 Mollia qui rupta secuit genitalia testa
 Jampridem, cui rauca cohors, cui tympana cedunt
 Plebeia, et Phrygia vestitur bucca tiara. 515

Grande

Grande sonat, metuique jubet septembris, et austri
Adventum, nisi se centum lustraverit ovis,
Et xerampelinas veteres donaverit ipsi;
Ut quicquid subiti et magni discriminis instat,
In tunicas eat, et totum semel expiet annum. 520
Hybernum fracta glacie descendet in amnem,
Ter matutino Tiberi mergetur, et ipsis
Vorticibus timidum caput abluet: inde superbi
Totum regis agrum, nuda, ac tremebunda cruentis
Erepet genibus. Si candida jussferit Iō, 525
Ibit ad Ægypti finem, calidaque petitas
A Meroë portabit aquas, ut spargat in æde
Isidis, antiquo quæ proxima surgit ovili:
Credit enim ipsius dominæ se voce moneri. 529
En animam, et mentem, cum qua Dī nocte loquantur!
Ergo hic præcipuum summumque meretur honorem,
Qui grege linigero circumdatus, et grege calvo
Plangentis populi currit derisor Anubis.
Ille petit veniam, quoties non abstinet uxor
Concubitu sacris observandisque diebus; 535
Magnaue debetur violato pœna cadurco;
Et movisse caput visa est argentea serpens.
Illius lacrymæ meditataque murmura præstant,
Ut veniam culpæ non abnuat, ansere magno
Scilicet et tenui popano corruptus Osiris. 540

Cum

Cum dedit ille locum, cophino fœnoque relicto,
Arcanam Judæa tremens mendicat in aurem,
Interpres legum Solymarum, et magna sacerdos
Arboris, ac summi fida internuntia cœli.
Implet et illa manum, sed parcus, ære minuto. 545
Qualiacumque voles, Judæi somnia vendunt.
Spondet amatorem tenerum, vel divitis orbi
Testamentum ingens, calidæ pulmone columbae
Tractato, Armenius, vel Commagenus haruspex.
Pectora pullorum rimatur, et exta catelli, 550
Interdum et pueri. Faciet quod deferat ipse:
Chaldæis sed major erit fiducia: quicquid
Dixerit Astrologus, credent a fonte relatum
Ammonis; quoniam Delphis oracula cessant,
Et genus humanum damnat caligo futuri. 555
Præcipiuus tamen est horum, qui saepius exul,
Cujus amicitia, conducendaque tabella,
Magnus civis obit, et formidatus Othoni.
Inde fides arti, sonuit si dextera ferro,
Lævaque, si longo castrorum in carcere manit. 560
Nemo mathematicus genium indemnatus habebit:
Sed qui pene perit, cui vix in Cyclada mitti
Contigit, et parva tandem caruisse Seriphos.
Consulit ictericæ lento de funere matris,
Ante tamen de te, Tanaquil tua; quando fororem 565
Ef-

Efferat, et patruos: an sit victurus adulter
Post ipsam: quid enim majus dare Numina possunt?
Hæc tamen ignorat, quid sidus triste minetur
Saturni; quo læta Venus se proferat astro;
Qui mensis damno, quæ dentur tempora lucro. 570
Illiū occursus etiam vitare memento,
In cujus manibus, ceu pinguia succina, tritas
Cernis ephemeridas; quæ nullum consulit, et jam
Consulitur; quæ, castra viro patriamque petente,
Non ibit pariter, numeris revocata Thrasylli. 575
Ad primum lapidem vectari cum placet, hora
Sumitur ex libro: si prurit frictus ocelli
Angulus, inspecta genesi collyria poscit.
Ægra licet jaceat, capiendo nulla videtur
Aptior hora cibo, nisi quam dederit Petosiris. 580
Si mediocris erit, spatium lustrabit utrumque
Metarum, et fortes ducet; frontemque manumque
Præbebit vati crebrum poppysma roganti.
Divitibus responsa dabit Phryx augur, et Indus
Conductus, dabit astrorum mundique peritus, 585
Atque aliquis senior, qui publica fulgura condit.
Plebeium in circo positum est et in aggere fatum.
Quæ nudis longum ostendit cervicibus aurum,
Consulit ante phalas, delphinorumque columnas;
An saga vendenti nubat, caupone relicto. 590

Hæ

Hæ tamen et partus subeunt discrimen, et omnes
Nutricis tolerant, fortuna urgente, labores.
Sed jacet aurato vix ulla puerpera lecto.
Tantum artes hujus, tantum medicamina, possunt,
Quæ steriles facit, atque homines in ventre necandos
Conducit. Gaude infelix, atque ipse bibendum 596
Porridge quidquid erit: nam si distendere vellet,
Et vexare uterus pueris salientibus, esſes
Æthiopis fortasse pater: mox decolor hæres
Impleret tabulas, nunquam tibi mane videndus. 600
Tranſeo ſuppositos, et gaudia, votaque ſæpe
Ad ſpurcos decepta lacus, atque inde petitos
Pontifices Salios, Scaurorum nomina falſo
Corpoſe laturos. Stat fortuna improba noctu,
Arridens nudis infantibus. Hos fovet omnes, 605
Involvitque ſinu: domibus tunc porrigit altis,
Secretumque ſibi mimum parat: hos amat, his ſe
Ingerit, atque ſuos ridens producit alumnos.
Hic magicos affert cantus, hic Theſſala vendit
Philtra, quibus valeat mentem vexare mariti, 610
Et ſolea pulsare nates. Quod defipis, inde eſt,
Inde animi caligo, et magna oblivio rerum,
Quas modo geſſisti. Tamen hoc tolerabile, ſi non
Et furere incipiās, ut avunculus ille Neronis,
Cui totam tremuli frontem Cæſonia pulli 615

E

In-

Infudit. Quæ non faciet, quod principis uxor?
 Ardebat cuncta, et fracta compage ruebant,
 Non aliter, quam si fecisset Juno maritum
 Insanum. Minus ergo nocens erit Agrippinæ
 Boletus; siquidem unius præcordia pressit 620
 Ille senis, tremulumque caput descendere jussit
 In cœlum, et longa manantia labra saliva.
 Hæc poscit ferrum atque ignes, hæc potio torquet;
 Hæc lacerat mistos equitum cum sanguine patres.
 Tanti partus equæ! quanti una venefica constat! 625
 Oderunt natos de pellice: nemo repugnet,
 Nemo vetet. Jam jam privignum occidere fas est.
 Vos ego, pupilli, moneo, quibus amplior est res,
 Custodite animas, et nulli credite mensæ.
 Livida materno fervent adipata veneno. 630
 Mordeat ante aliquis, quicquid porrexerit illa,
 Quæ peperit: timidus prægustet pocula papas.
 Fingimus hæc, altum satyra sumente cothurnum,
 Scilicet, et, finem egressi legemque priorum,
 Grande Sophocleo carmen bacchamur hiatu, 635
 Montibus ignotum Rutulis, cœloque Latino.
 Nos utinam vani: sed clamat Pontia, feci,
 Confiteor, puerisque meis aconita paravi,
 Quæ deprensæ patent; facinus tamen ipsa peregri.
 Tune duos una, sævissima vipera, cœna? 640

Tunc

Tune duos? septem, si septem forte fuissent.
 Credamus tragicis, quicquid de Colchide torva
 Dicitur, et Progne. Nil contra conor: et illæ
 Grandia monstra suis audebant temporibus; sed
 Non propter nummos. Minor admiratio summis 645
 Debetur monstris, quoties facit ira nocentem
 Hunc sexum; et rabie jecur incendente feruntur
 Præcipites, ut faxa jugis abrupta, quibus mons
 Subtrahitur, clivoque latus pendente recedit.
 Illam ego non tulerim, quæ computat, et scelus ingens
 Sana facit. Spectant subeuntem fata mariti 651
 Alcestim; et similis si permutatio detur,
 Morte viri cupiant animam servare catellæ.
 Occurrunt multæ tibi Belides, atque Eriphylæ.
 Mane Clytemnestram nullus non vicus habebit. 655
 Hoc tantum refert, quod Tyndaris illa bipennem
 Insulsam et fatuam dextra lævaque tenebat:
 At nunc res agitur tenui pulmone rubetæ:
 Sed tamen et ferro, si prægustarit Atrides
 Pontica ter vieti cautus medicamina Regis. 660

SATYRA VII.

ET spes, et ratio studiorum in Cæsare tantum:
 Solus enim tristes hac tempestate camœnas
 Respexit, cum jam celebres notique poëtæ
 Balneolum Gabiis, Romæ conducere furnos
 Tentarent; nec fœdum alii nec turpe putarent 5
 Præcones fieri; cum, desertis Aganippes
 Vallibus, esuriens migraret in atria Clio.
 Nam si Pieria quadrans tibi nullus in umbra
 Ostendatur, ames nomen victumque Machæræ,
 Et vendas potius, commissa quod auëtio vendit 10
 Stantibus, œnophorum, tripodes, armaria, cistas,
 Alcithoen Pacci, Thebas et Terea Fausti.
 Hoc satius, quam si dicas, sub judice, vidi,
 Quod non vidisti. Faciant equites Asiani,
 Quanquam et Cappadoci faciant, equitesque Bithyni,
 Altera quos nudo traducit Gallia talo. 16
 Nemo tamen studiis indignum ferre laborem
 Cogetur posthac, nectit quicumque canoris
 Eloquium vocale modis, laurumque momordit.
 Hoc agite, ô juvenes: circumspicit, et stimulat vos,
 Materiamque sibi ducis indulgentia quærit. 21
 Si qua aliunde putas rerum exspectanda tuarum

Præ-



P.S. Lamborn sculp. Cantab.

Præsidia, atque ideo croceæ membrana tabellæ
Impletur; lignorum aliquid posce ocyus, et quæ
Componis, dona Veneris, Telesine, marito; 25
Aut clude, et positos tinea pertunde libellos,
Frange miser calamos, vigilataque prælia dele,
Qui facis in parva sublimia carmina cella,
Ut dignus venias hederis, et imagine macra.
Spes nulla ulterior: didicit jam dives avarus 30
Tantum admirari, tantum laudare disertos,
Ut pueri Junonis avem. Sed defluit ætas,
Et pelagi patiens, et cassidis, atque ligonis.
Tædia tunc subeunt animos, tunc seque, suamque
Terpfichoren odit facunda et nuda senectus. 35
Accipe nunc artes, ne quid tibi conferat iste,
Quem colis, et Musarum et Apollinis æde relicta;
Ipse facit versus, atque uni cedit Homero
Propter mille annos. At, si dulcedine famæ
Suçcensus recites, Maculonus commodat ædes; 40
Ac longe ferrata domus servire jubetur,
In qua follicitas imitatur janua portas.
Scit dare libertos extrema in parte sedentes
Ordinis, et magnas comitum disponere voces.
Nemo dabit regum, quanti subsellia constent, 45
Et quæ conducto pendent anabathra tigillo,
Quæque reportandis posita est orchestra cathedris.

Nos tamen hoc agimus, tenuique in pulvere fulcos
Ducimus, et litus sterili versamus aratro.
Nam si discedas, laqueo tenet ambitiosi 50
Consuetudo mali; tenet insanabile multos
Scribendi cacoëthes, et ægro in corde senescit.
Sed vatem egregium, cui non sit publica vena,
Qui nihil expositum soleat deducere, nec qui
Communi feriat carmen triviale moneta; 55
Hunc, qualem nequeo monstrare, et sentio tantum,
Anxietate carens animus facit, omnis acerbi
Impatiens, cupidus silvarum, aptusque bibendis
Fontibus Aonidum: neque enim cantare sub antro
Pierio, thyrsumve potest contingere sana 60
Paupertas, atque æris inops, quo nocte, dieque
Corpus eget. Satur est, cum dicit Horatius, Euhœ.
Quis locus ingenio, nisi cum se carmine solo
Vexant, et dominis Cirrhæ Nisæque feruntur,
Pectora nostra duas non admittentia curas? 65
Magnæ mentis opus, nec de lodice paranda
Attonitæ, currus, et equos, faciesque Deorum
Aspicere, et qualis Rutulum confundat Erynnis.
Nam si Virgilio puer et tolerabile desit
Hospitium, caderent omnes a crinibus hydri: 70
Surda nihil gerneret grave buccina. Poscimus, ut fit
Non minor antiquo Rubrenus Lappa cothurno,

Cujus

Cujus et alveolos et lænam pignerat Atreus.
Non habet infelix Numitor quod mittat amico;
Quintillæ quod donet, habet: nec defuit illi 75
Unde emeret multa pascendum carne leonem
Jam domitum: constat leviori bellua sumptu
Nimirum, et capiunt plus intestina poëtæ.
Contentus fama jaceat Lucanus in hortis
Marmoreis: at Serrano, tenuique Saleio 80
Gloria quantalibet, quid erit, si gloria tantum est?
Curritur ad vocem jucundam, et carmen amicæ
Thebaïdos, lætam fecit cum Statius urbem,
Promisitque diem; tanta dulcedine captos
Afficit ille animos, tantaque libidine vulgi 85
Auditur: sed, cum fregit subsellia versu,
Esurit, intactam Paridi nisi vendat Agaven.
Ille et militiæ multis largitur honorem,
Semestri vatuum digitos circumligat auro.
Quod non dant proceres, dabit histrio. Tu Camerinos,
Et Bareas, tu nobilium magna atria curas? 91
Præfectos Pelopea facit, Philomela Tribunos.
Haud tamen invideas vati, quem pulpita pascunt.
Quis tibi Mæcenas? quis nunc erit aut Proculeius,
Aut Fabius? quis Cotta iterum? quis Lentulus alter?
Tunc par ingenio pretium: nunc utile multis 96
Pallere, et vinum toto nescire decembri.

E 4

Vester

Vester porro labor fœcundior, historiarum
 Scriptores : petit hic plus temporis, atque olei plus :
 Namque oblitera modi millesima pagina surgit 100
 Omnibus, et crescit multa damnoſa papyro.
 Sic ingens rerum numerus jubet, atque operum lex.
Quæ tamen inde ſeges? terræ quis fructus apertæ?
Quis dabit historico quantum daret acta legenti?
 Sed genus ignavum, quod lecto gaudet et umbra. 105
 Dic igitur, quid caufidicis civilia præſtent
 Officia, et magno comites in fasce libelli?
 Ipsi magna ſonant; ſed tunc, cum creditor audit,
 Præcipue, vel ſi tetigit latus acrior illo,
Qui venit ad dubium grandi cum codice nomen: 110
 Tunc immensa cavi ſpirant mendacia folles,
 Conſpuiturque finus. Veram deprendere meſſem
 Si libet, hinc centum patrimonia caufidicorum,
 Parte alia ſolum Russati pone Lacernæ.
 Confedere duces: ſurgis tu pallidus Ajax, 115
 Dicturus dubia pro libertate, Bubulco
 Judice. Rumpe miser tensum jecur, ut tibi laſſo
 Figantur virides, ſcalarum gloria, palmæ.
Quod vocis pretium? ſiccus petasunculus, et vas
 Pelamydum, aut veteres, Afrorum epimenia, bulbi;
 Aut vinum Tiberi devectum, quinque lagenæ. 120
 Si quater egisti, ſi contigit aureus unus,

Inde

Inde cadunt partes, ex fœdere pragmaticorum.
 Æmilio dabitus, quantum petet; et melius nos
 Egimus: hujus enim ſtat currus aheneus, alti 125
 Quadrijuges in vestibulis, atque ipſe feroci
 Bellatore ſedens curvatum haſtile minatur
 Eminus, et ſtata meditatur prælia lufca.
 Sic Pedo conturbat, Matho deficit; exitus hic eſt
 Tongilli, magno cum rhinocerote lavari 130
Qui folet, et vexat lutulenta balnea turba,
 Perque forum juvenes longo premit affere Medos,
 Empturus pueros, argentum, myrrhina, villas:
 Spondet enim Tyrio ſtlataria purpura filo.
 Et tamen hoc iſpis eſt utile: purpura vendit 135
 Caufidicum, vendunt amethystina: convenit illis
 Et ſtrepitū, et facie majoris vivere census.
 Sed finem impensæ non ſervat prodiga Roma.
 Ut redeant veteres, Ciceroni nemo ducentos
 Nunc dederit nummos, niſi fulferit annulus ingens.
 Respicit hoc primum qui litigat, an tibi servi 140
 Octo, decem comites, poſt te an ſit ſella, togati
 Ante pedes: ideo conducta Paulus agebat
 Sardonyche, atque ideo pluris, quam Cofſius agebat,
Quam Basilus. Rara in tenui facundia panno. 145
Quando licet flentem Basilo producere matrem?
Quis bene dicentem Basilum ferat? accipiat te

Gal-

Gallia, vel potius nutricula causidicorum
 Africa, si placuit mercedem imponere linguae.
 Declamare doces, ô ferrea pectora, Vecti, 150
 Cum perimit fævos classis numerosa tyrannos.
 Nam quæcumque sedens modo legerat, hæc eadem stans
 Proferet, atque eadem cantabit versibus isdem.
 Occidit miseros crambe repetita magistros.
Quis color, et quod sit causæ genus, atque ubi summa
Quæstio, quæ veniant diversa parte sagittæ, 156
 Scire volunt omnes, mercedem solvere nemo.
 Mercedem appellas? quid enim scio? culpa docentis
 Scilicet arguitur, quod læva in parte mamillæ
 Nil salit Arcadico juveni, cuius mihi sexta 160
Quaque die miserum dirus caput Annibal implet.
Quicquid id est, de quo deliberat, an petat urbem
 A Cannis; an post nimbos et fulmina cautus
 Circumagat madidas a tempestate cohortes.
Quantum vis stipulare, et protinus accipe, quod do,
 Ut toties illum pater audiat. Hæc alii sex 166
 Et plures uno conclamant ore sophistæ,
 Et veras agitant lites, raptore relicto:
 Fusa venena silent, malus ingratusque maritus,
 Et quæ jam veteres sanant mortaria cœcos. 170
 Ergo sibi dabit ipse rudem, si nostra movebunt
 Confilia, et vitæ diversum iter ingredietur,

Ad

Ad pugnam qui rhetorica descendit ab umbra,
 Summula ne pereat, qua vilis tessera vœnit
 Frumenti: quippe hæc merces lautissima. Tenta
 Chrysogonus quanti doceat, vel Pollio quanti, 176
 Lautorum pueros, artem scindens Theodori.
 Balnea sexcentis, et pluris porticus, in qua
 Gestetur dominus quoties pluit; anne serenum
 Exspectet, spargatque luto jumenta recenti? 180
 Hic potius: namque hic mundæ nitet ungula mulæ.
 Parte alia longis Numidarum fulta columnis
 Surgat, et algentem rapiat cœnatio solem.
Quanticumque domus, veniet, qui fercula doce
 Componit, veniet, qui pulmentaria condit. 185
 Hos inter sumptus festertia Quintiliano,
 Ut multum, duo sufficient: res nulla minoris
 Constat pati, quam filius. Unde igitur tot
Quintilianus habet saltus? exempla novorum
 Fatorum transi: felix, et pulcher, et acer, 190
 Felix, et sapiens, et nobilis, et generosus
 Appositam nigræ lunam subtexit alutæ:
 Felix, orator quoque maximus, et jaculator,
 Et si perfixit, cantat bene. Distat enim, quæ
 Sidera te excipient modo primos incipientem 195
 Edere vagitus, et adhuc a matre rubentem.
 Si fortuna volet, fies de rhetore consul:

Si

Si volet hæc eadem, fies de consule rhetor.
 Ventidius quid enim? quid Tullius? anne aliud quam
 Sidus, et occulti miranda potentia fati? 200
 Servis regna dabunt, captivis fata triumphos.
 Felix ille tamen, corvo quoque rarius albo.
 Pœnituit multos vanæ sterilisque cathedræ,
 Sicut Thrasymachi probat exitus, atque Secundi
 Carrinatis: et hunc inopem vidistis, Athenæ, 205
 Nil præter gelidas ausæ conferre cicutas.
 Dî majorum umbris tenuem et fine pondere terram,
 Spirantesque crocos, et in urna perpetuum ver,
 Qui præceptorem sancti voluere parentis
 Esse loco. Metuens virgæ jam grandis Achilles 210
 Cantabat patriis in montibus; et cui non tunc
 Eliceret risum citharœdi cauda magistri?
 Sed Ruffum atque alios cædit sua quæque juventus:
 Ruffum, qui toties Ciceronem Allobroga dixit.
Quis gremio Enceladi, doctique Palæmonis affert, 215
 Quantum grammaticus meruit labor? et tamen ex hoc,
 Quodcumque est, minus est autem quam rhetoris æra,
 Discipuli custos præmordet Accenitus ipse,
 Et qui dispensat, frangit sibi. Cede, Palæmon,
 Et patere inde aliquid decrescere, non aliter, quam
 Institor hybernæ tegetis, niveique cadurci: 220
 Dummodo non pereat, mediæ quod noctis ab hora

Se-

Sedisti, qua nemo faber, qua nemo federet,
Qui docet obliquo lanam deducere ferro:
 Dummodo non pereat totidem olfecisse lucernas, 225
Quot stabant pueri, cum totus decolor esset
 Flaccus, et hæreret nigro fuligo Maroni.
 Rara tamen merces, quæ cognitione tribuni
 Non egeat. Sed vos sœvas imponite leges,
 Ut præceptoris verborum regula constet; 230
 Ut legat historias, autores noverit omnes,
 Tanquam unguis digitosque suos; ut forte rogatus
 Dum petit aut Thermas aut Phœbi balnea, dicat
 Nutricem Anchisæ, nomen patriamque novercæ
 Archemori; dicat quot Acestes vixerit annos, 235
Quot Siculus Phrygibus vini donaverit urnas.
 Exigite, ut mores teneros ceu pollice ducat,
 Ut si quis cera vultum facit: exigite, ut fit
 Et pater ipsius coetus, ne turpia ludant,
 Ne faciant vicibus. Non est leve tot puerorum 240
 Observare manus, oculosque in fine trementes.
 Hæc, inquit, cura, sed, cum se verterit annus,
 Accipe, viatori populus quod postulat, aurum.

SA-

SATYRA VIII.

STemmata quid faciunt? quid prodest, Pontice, longo
 Sanguine censeri, pictosque ostendere vultus
 Majorum; et stantes in curribus Æmilianos,
 Et Curios jam dimidios, humerosque minorem
 Corvinum, et Galbam auriculis nasoque carentem? 5
 Quis fructus generis tabula jactare capaci
 Corvinum, posthac multa deducere virga
 Fumosos equitum cum dictatore magistros,
 Si coram Lepidis male vivitur? effigies quo
 Tot bellatorum, si luditur alea pernox, 10
 Ante Numantinos? si dormire incipis ortu
 Luciferi, quo signa duces et castra movebant?
 Cur Allobrogicis et magna gaudeat ara
 Natus in Herculeo Fabius lare, si cupidus, si
 Vanus, et Euganea quantumvis mollior agna: 15
 Si tenerum attritus Catinensi pumice lumbum
 Squallentes traducit avos, emptorque veneni
 Frangenda miseram funestat imagine gentem?
 Tota licet veteres exornent undique ceræ
 Atria, nobilitas sola est atque unica virtus. 20
 Paulus, vel Cossus, vel Drusus, moribus esto:
 Hos ante effigies majorum pone tuorum:

Præ-



Præcedant ipsas illi, te consule, virgas.
Prima mihi debes animi bona. Sanctus haberi, 25
Justitiæque tenax factis dictisque mereris ?
Agnosco procerem. Salve, Getulice, seu tu
Silanus, quocumque alio de sanguine rarus
Civis, et egregius patriæ contingis ovanti.
Exclamare libet, populus quod clamat, Osiri 30
Invento. Quis enim generosum dixerit hunc, qui
Indignus genere, et præclaro nomine tantum
Insignis ? nanum cujusdam Atlanta vocamus :
Æthiopem cygnum ; pravam extortamque puellam,
Europen : canibus pigris, scabieque vetusta 35
Levibus, et siccæ lambentibus ora lucernæ,
Nomen erit pardus, tigris, leo ; si quid adhuc est,
Quod fremat in terris violentius. Ergo cavebis,
Et metues, ne tu sic Creticus, aut Camerinus.
His ego quem monui ? tecum est mihi sermo, Rubelli
Plance. Tumes alto Drusorum sanguine, tanquam 41
Feceris ipse aliquid, propter quod nobilis es ;
Ut te conciperet, quæ sanguine fulget Iüli,
Non quæ ventoso conducta sub aggere texit.
Vos humiles, inquis, vulgi pars ultima nostri, 45
Quorum nemo queat patriam monstrare parentis :
Ast ego Cecropides. Vivas, et originis hujus
Gaudia longa feras : tamen ima plebe Quiritem

Facundum invenies. Solet hic defendere causas
 Nobilis indocti. Veniet de plebe togata 50
Qui juris nodos, et legum ænigmata solvat.
 Hic petit Euphraten juvenis, domitique Batavi
 Custodes aquilas, armis industrius: at tu
 Nil nisi Cecropides, truncoque simillimus Hermæ.
 Nullo quippe alio vincis discrimine, quam quod 55
 Illi marmoreum caput est, tua vivit imago.
 Dic mihi, Teucrorum proles, animalia muta
Quis generosa putet, nisi fortia? nempe volucrem
 Sic laudamus equum, facili cui plurima palma
 Fervet, et exsultat rauco victoria circo. 60
 Nobilis hic, quo cumque venit de gramine, cuius
 Clara fuga ante alios, et primus in æquore pulvis.
 Sed venale pecus Corinthæ, posteritas et
 Hirpini, si rara jugo victoria sedit.
 Nil ibi majorum respectus, gratia nulla 65
 Umbrarum: dominos pretiis mutare jubentur
 Exiguis, tritoque trahunt ephirhedia collo
 Segnipedes, dignique molam versare Nepotis.
 Ergo, ut miremur te, non tua, primum aliquid da,
Quod possim titulis incidere præter honores, 70
 Quos illis damus, et dedimus, quibus omnia debes.
 Hæc satis ad juvenem, quem nobis fama superbum
 Tradit, et inflatum, plenumque Nerone propinquo.

Rarus

Rarus enim ferme sensus communis in illa
 Fortuna: sed te censeri laude tuorum,
 Pontice, noluerim, sic ut nihil ipse futuræ 75
 Laudis agas. Miserum est aliorum incumbere famæ,
 Ne collapsa ruant subductis tecta columnis.
 Stratus humi palmes viduas desiderat ulmos.
 Esto bonus miles, tutor bonus, arbiter idem
 Integer: ambiguæ si quando citabere testis 80
 Incertæque rei, Phalaris licet imperet ut sis
 Falsus, et admoto dicit perjuria tauro,
 Summum crede nefas animam præferre pudori,
 Et propter vitam vivendi perdere causas.
 Dignus morte perit, cœnet licet ostrea centum 85
 Gaurana, et Cosmi toto mergatur aheno.
 Exspectata diu tandem provincia cum te
 Rectorem accipiet, pone iræ fræna modumque,
 Pone et avaritiæ; miserere inopum sociorum.
 Offa vides regum vacuis exsucta medullis. 90
 Respice, quid moneant leges, quid curia mandet;
 Præmia quanta bonos maneant; quam fulmine justo
 Et Capito et Numitor ruerint, damnante senatu,
 Piratæ Cilicum. Sed quid damnatio confert,
 Cum Pansa eripiat quicquid tibi Natta reliquit? 95
 Præconem, Chæruppe, tuis circumspice pannis,
 Jamque tace. Furor est post omnia perdere naulum.

F

Non

Non idem gemitus olim, neque vulnus erat par
Damnorum, sociis florentibus, et modo victis.
Plena domus tunc omnis, et ingens stabat acervus 100
Nummorum, Spartana chlamys, conchylia Coa,
Et cum Parrhasii tabulis signisque Myronis
Phidiacum vivebat ebur, necnon Polycleti
Multus ubique labor; rarae sine Mentore mensæ.
Inde Dolabella est, atque hinc Antonius, inde 105
Sacrilegus Verres. Referebant navibus altis
Occulta spolia, et plures de pace triumphos.
Nunc sociis juga pauca boum, et grex parvus equarum,
Et pater armenti capto eripietur agello:
Ipsi deinde lares, si quod spectabile signum; 110
Si quis in ædicula Deus unicus; haec etenim sunt
Pro summis: nam sunt haec maxima. Despicias tu
Forfitan imbellies Rhodios, uncontamque Corinthum;
Despicias merito. Quid resinata juventus,
Cruraque totius facient tibi levia gentis? 115
Horrida vitanda est Hispania, Gallicus axis,
Illyricumque latus. Parce et messoribus illis,
Qui saturant urbem, circo, scenæque vacantem.
Quanta autem inde feres tam diræ præmia culpæ,
Cum tenues nuper Marius discinxerit Afros? 120
Curandum in primis, ne magna injuria fiat
Fortibus et miseris: tollas licet omne quod usquam est

Auri

Auri atque argenti; scutum gladiumque relinques,
Et jaculum, et galeam. Spoliatis arma supersunt.
Quod modo proposui non est sententia: verum 125
Credite me vobis folium recitare Sibyllæ.
Si tibi sancta cohors comitum; si nemo tribunal
Vendit acersecomes; si nullum in conjugé crimen;
Nec per conventus, nec cuncta per oppida, curvis
Unguis ire parat nummos raptura Celæno: 130
Tunc licet a Pico numeres genus, altaque si te
Nomina delectant, omnem Titanida pugnam
Inter majores, ipsumque Promethea, ponas;
De quounque voles proavum tibi sumito libro.
Quod si præcipitem rapit ambitus, atque libido; 135
Si frangis virgas sociorum in sanguine; si te
Delectant hebetes lasso lictore secures:
Incipit ipsorum contra te stare parentum
Nobilitas, claramque facem præferre pudendis.
Omne animi vitium tanto conspectius in se 140
Crimen habet, quanto major, qui peccat, habetur.
Quo mihi te, solitum falsas signare tabellas
In templis, quæ fecit avus, statuamque parentis
Ante triumphalem? quo, si nocturnus adulter
Tempora Santonico velas adoperta cucullo? 145
Præter majorum cineres atque offa volucri
Carpento rapitur pinguis Damasippus; et ipse,

F 2

Ipse

Ipse rotam stringit multo sufflamine consul :
 Nocte quidem ; sed luna videt ; sed sidera testes
 Intendunt oculos. Finitum tempus honoris 150
 Cum fuerit, clara Damasippus luce flagellum
 Sumet, et occursum nusquam trepidabit amici
 Jam senis, ac virga prior innuet, atque maniplos
 Solvet, et infundet jumentis hordea laffis.
 Interea, dum lanatas, torvumque juvencum, 155
 More Numæ, cædit Jovis ante altaria, jurat
 Solam Eponam, et facies olida ad præsepio pictas.
 Sed cum pervigiles placet instaurare popinas,
 Obvius assiduo Syrophœnix uodus amomo
 Currit, Idumææ Syrophœnix incola portæ, 160
 Hospitis affectu dominum, regemque salutat,
 Et cum venali Cyane succincta lagena.
 Defensor culpæ dicet mihi : fecimus et nos
 Hæc juvenes. Esto; desisti nempe, nec ultra
 Fovisti errorem. Breve fit quod turpiter audes. 165
 Quædam cum prima reſecentur crimina barba ;
 Indulge veniam pueris. Damasippus ad illos
 Thermarum calices, inscriptaque lintea vadit,
 Maturus bello Armeniæ, Syriaeque tuendis
 Amnibus, et Rheno, atque Istro. Præſtare Neronem
 Securum valet hæc ætas. Mitte Ostia, Cæſar, 171
 Mitte ; sed in magna legatum quære popina.

In-

Invenies aliquo cùm percussore jacentem,
 Permistum nautis, et furibus, ac fugitivis ;
 Inter carnifices et fabros sandapilarum, 175
 Et resupinati cessantia tympana Galli.
 Æqua ibi libertas, communia pocula, lectus
 Non aliis cuiquam, nec mensa remotior ulli.
Quid facias talem fortitus, Pontice, servum ?
 Nempe in Lucanos, aut Thusca ergastula mittas. 180
 At vos, Trojungenæ, vobis ignoscitis, et quæ
 Turpia cerdoni, Volefos Brutosque decebunt.
Quid, si nunquam adeo fœdis adeoque pudendis
 Utimur exemplis, ut non pejora supersint ?
 Consumptis opibus, vocem, Damasippe, locasti 185
 Sipario, clamosum ageres ut Phasma Catulli.
 Laureolum velox etiam bene Lentulus egit,
 Judice me, dignus vera cruce. Nec tamen ipsi
 Ignoscas populo : populi frons durior hujus,
Qui sedet, et spectat triscurria patriciorum; 190
 Planipedes audit Fabios, ridere potest qui
 Mamercorum alapas. Quanti sua funera vendant,
Quid refert ? vendunt nullo cogente Nerone,
 Nec dubitant Celsi prætoris vendere ludis.
 Finge tamen gladios inde, atque hinc pulpita pone :
Quid satius ? Mortem sic quisquam exhorruit, ut sit 196
 Zelotypus Thymelæ, stupidi collega Corinthi ?

F 3

Res.

Res haud mira tamen, citharcœdo principe, mimus
 Nobilis: hæc ultra, quid erit nisi ludus? et illic
 Dedecus urbis habes: nec mirmillonis in armis 200
 Nec clypeo Gracchum pugnantem, aut falce supina;
 Damnat enim tales habitus, et damnat et odit,
 Nec galea frontem abscondit: movet, ecce, tridentem,
 Postquam vibrata pendentia retia dextra
 Nequicquam effudit, nudum ad spectacula vultum
 Erigit, et tota fugit agnoscendus arena. 206
 Credamus tunicæ, de fauibus aurea cum se
 Porrigat, et longo jactetur spira galero.
 Ergo ignominiam graviorem pertulit omni
 Vulnere, cum Graccho iussus pugnare fecutor. 210
 Libera si dentur populo suffragia, quis tam
 Perditus, ut dubitet Senecam præferre Neroni;
 Cujus suppicio non debuit una parari
 Simia, nec serpens unus, nec culeus unus?
 Par Agamemnonidæ crimen; sed causa facit rem 215
 Dissimilem: quippe ille, Deis auctoribus, ulti
 Patris erat cæsi media inter pocula: sed nec
 Electræ jugulo se polluit, aut Spartani
 Sanguine conjugii, nullis aconita propinquis
 Miscuit; in scena nunquam cantavit Orestes, 220
 Troïca non scripsit. Quid enim Virginius armis
 Debuit ulcisci magis, aut cum Vindice Galba?

Quid

Quid Nero tam sœva crudaque tyrannide fecit?
 Hæc opera, atque hæc sunt generosi principis artes,
 Gaudentis fœdo peregrina ad pulpita cantu 225
 Prostitui, Graiæque apium meruisse coronæ.
 Majorum effigies habeant insignia vocis,
 Ante pedes Domitî longum tu pone Thyestæ
 Syrma, vel Antigones, seu personam Menalippes,
 Et de marmoreo citharam suspende colosso. 230
 Quis, Catilina, tuis natalibus atque Cethegi
 Inveniet quicquam sublimius? arma tamen vos
 Nocturna, et flamas domibus templisque parâstis,
 Ut Braccatorum pueri, Senonumque minores,
 Aufi quod liceat tunica punire molesta: 235
 Sed vigilat consul, vexillaque vestra coërcet.
 Hic novus, Arpinas ignobilis, et modo Romæ
 Municipalis eques, galeatum ponit ubique
 Præsidium attonitis, et in omni gente laborat.
 Tantum igitur muros intra toga contulit illi 240
 Nominis et tituli, quantum non Leucade, quantum
 Thessaliæ campis, Octavius abstulit udo
 Cædibus assiduis gladio. Sed Roma parentem,
 Roma patrem patriæ Ciceronem libera dixit.
 Arpinas alias Volscorum in monte solebat 245
 Poscere mercedes alieno laffus aratro;
 Nodosam post hæc frangebat vertice vitem,

F 4

Si

Si lensus pigra muniret castra dolabra.
Hic tamen et Cimbros, et summa pericula rerum
Excipit, et solus trepidantem protegit urbem. 250
Atque ideo, postquam ad Cimbros stragemque volabant,
Qui nunquam attigerant majora cadavera, corvi,
Nobilis ornatur lauro collega secunda.
Plebeiae Deciorum animae, plebeia fuerunt
Nomina: pro totis legionibus hi tamen, et pro 255
Omnibus auxiliis, atque omni pube Latina
Sufficiunt Dⁱs infernis, Terraque parenti.
Pluris enim Decii, quam qui servantur ab illis.
Ancilla natus trabeam, et diadema Quirini,
Et fasces, meruit regum ultimus ille bonorum. 260
Prodita laxabant portarum claustra tyrannis
Exulibus juvenes ipsius consulis, et quos
Magnum aliquid dubia pro libertate deceret,
Quod miraretur cum Coclite Mutius, et quæ
Imperii fines Tiberinum virgo natavit. 265
Occulta ad patres produxit crimina servus
Matronis lugendus: at illos verbera justis
Afficiunt pœnis, et legum prima securis.
Malo pater tibi sit Thersites, dummodo tu sis
Æacidæ similis, Vulcaniaque arma capebas, 270
Quam te Thersitæ similem producat Achilles.
Et tamen ut longe repetas, longeque revolvas

Nomen, ab infami gentem deducis asylo.
Majorum primus quisquis fuit ille tuorum,
Aut pastor fuit, aut illud quod dicere nolo. 275



SATYRA IX.

SCire velim quare toties mihi, Nævole, tristis
Occurras fronte obducta, ceu Marsya victus.
Quid tibi cum vultu, qualem deprensus habebat
Ravola, dum Rhodopes uda terit inguina barba?
Nos colaphum incutimus lambenti crustula servo. 5
Non erat hac facie miserabilior Crepereius
Pollio, qui triplicem usuram præstare paratus
Circuit, et fatuos non invenit. Unde repente
Tot rugæ? certe modico contentus agebas
Vernam equitem, conviva joco mordente facetus, 10
Et salibus vehemens intra pomœria natis.
Omnia nunc contra: vultus gravis, horrida siccæ
Sylva comæ, nullus tota nitor in cute, qualem
Præstabat calidi circumlita fascia visci;
Sed fruticante pilo neglecta, et squallida crura. 15
Quid macies ægri veteris, quem tempore longo
Torret quarta dies, olimque domestica febris?
Deprendas animi tormenta latentis in ægro
Corpore, deprendas et gaudia: sumit utrumque

In-

Inde habitum facies: igitur flexisse videris
Propositum, et vitæ contrarius ire priori. 20
Nuper enim, ut repeto, fanum Isidis, et Ganymedem
Pacis, et adiectæ secreta palatia matris,
Et Cererem, nam quo non prostat fœmina templo?
Notior Aufidio mœchus scelerare solebas, 25
Quodque taces, ipsos etiam inclinare maritos.
Utile et hoc multis vitæ genus: at mihi nullum
Inde operæ pretium. Pingues aliquando lacernas,
Mumenta togæ, duri crassique coloris,
Et male percussas textoris pectine Galli 30
Accipimus, tenue argentum venæque secundæ.
Fata regunt homines: fatum est et partibus illis,
Quas sinus abscondit. Nam si tibi sidera cœstant,
Nil faciet longi mensura incognita nervi;
Quamvis te nudum spumanti Virro labello 35
Viderit, et blandæ, affiduæ, densæque tabellæ
Sollicitent; *αὐτὸς γὰρ ἐφέλκεται αὐδρα κίνασθος.*
Quod tamen ulterius monstrum, quam mollis avarus?
Hæc tribui, deinde illa dedi, mox plura tulisti.
Computat, ac cevet. Ponatur calculus; adsint 40
Cum tabula pueri: numera sextertia quinque
Omnibus in rebus; numerentur deinde labores.
An facile et primum est agere intra viscera penem
Legitimum, atque illic hesternæ occurrere cœnæ?

Ser-

Servus erit minus ille miser, qui foderit agrum, 45
Quam dominum: sed tu sane tener, et puerum te,
Et pulchrum, et dignum cyatho, cœloque, putabas.
Vos humili asseclæ, vos indulgebitis unquam
Cultori, jam nec morbo donare parati?
En cui tu viridem umbellam, cui succina mittas 50
Grandia, natalis quoties reddit, aut madidum ver
Incipit; et strata positus longaque cathedra
Munera fœmineis tractas secreta Kalendis.
Dic, passer, cui tot montes, tot prædia servas
Appula, tot milvos intra tua pascua laffos? 55
Te Trifolinus ager fœcundis vitibus implet,
Suspectumque jugum Cumis, et Gaurus inanis:
Nam quis plura linit victuro dolia musto?
Quantum erat exhausti lumbos donare clientis
Jugeribus paucis? meliusne hic rusticus infans 60
Cum matre, et casulis, et collusore catello
Cymbala pulsantis legatum fiet amici?
Improbus es, cum poscis, ait; sed pensio clamat,
Posce: sed appellat puer unicus, ut Polyphemi
Lata acies, per quam solers evasit Ulysses: 65
Alter emendus erit; namque hic non sufficit; ambo
Pascendi. Quid agam bruma spirante? quid, oro,
Quid dicam scapulis servorum mense decembri,
Et pedibus? durate, atque exspectate cicadas?

Ve-

Verum ut dissimules, ut mittas cætera, quanto 70
 Metiris pretio, quod ni tibi deditus essem
 Devotusque cliens, uxor tua virgo maneret?
 Scis certe quibus ista modis, quam sæpe rogaris,
 Et quæ pollicitus. Fugientem sæpe puellam
 Amplexu rapui: tabulas quoque ruperat; et jam 75
 Signabat. Tota vix hoc ego nocte redemi,
 Te plorante foris. Testis mihi lectulus, et tu,
 Ad quem pervenit lecti sonus, et dominæ vox.
 Instabile, ac dirimi cœptum, et jam pene solutum,
 Conjugium in multis domibus servavit adulter. 80
Quo te circumagas? quæ prima, aut ultima, ponas?
 Nullum ergo meritum est, ingrate ac perfide, nullum,
Quod tibi filiolus, vel filia nascitur ex me?
 Tollis enim, et libris actorum spargere gaudes
 Argumenta viri. Foribus suspende coronas: 85
 Jam pater es: dedimus quod famæ opponere possis:
 Jura parentis habes; propter me scriberis hæres.
 Legatum omne capis, nec non et dulce caducum.
 Commoda præterea jungentur multa caducis,
 Si numerum, si tres, implevero. Justa doloris, 90
 Nævole, causa tui: contra tamen ille quid affert?
 Negligit, atque alium bipedem sibi quærit asellum.
 Hæc soli commissa tibi celare memento,
 Et tacitus nostras intra te fige querelas.

Nam

Nam res mortifera est inimicus pumice levis. 95
Qui modo secretum commiserat, ardet, et odit;
 Tanquam prodiderim quicquid scio. Sumere ferrum,
 Fuste aperire caput, candelam apponere valvis
 Non dubitat. Nec contemnas, aut despicias, quod
 His opibus nunquam cara est annona veneni. 100
 Ergo occulta teges; ut curia Martis Athenis.
 O Corydon, Corydon, secretum divitis ullum
 Esse putas? servi ut taceant, jumenta loquentur,
 Et canis, et postes, et marmora: claude fenebras,
 Vela tegant rimas, junge ostia, tollito lumen 105
 E medio, clament omnes, prope nemo recumbat;
Quod tamen ad cantum galli facit ille secundi,
 Proximus ante diem caupo sciet, audiet et quæ
 Finixerunt pariter librarius, archimagiri,
 Carptores. Quod enim dubitant componere crimen
 In dominos, quoties rumoribus ulciscuntur 111
 Baltea? nec deerit qui te per compita quærat
 Nolentem, et miseram vinosus inebriet aurem.
 Illos ergo roges, quicquid paulo ante petebas
 A nobis. Taceant illi; sed prodere malunt 115
 Arcanum, quam subrepti potare Falerni,
 Pro populo faciens quantum Laufella bibebat.
 Vivendum recte est cum propter plurima, tum de his
 Præcipue causis, ut linguas mancipiorum

Con-

Contemnas : nam lingua mali pars pessima servi. 120
 Deterior tamen hic, qui liber non erit, illis,
Quorum animas et farre suo custodit, et ære.
 Idcirco ut possim linguam contemnere servi,
 Utile consilium modo, sed commune, dedisti :
 Nunc mihi quid suades post damnum temporis, et spes
 Deceptas ? festinat enim decurrere velox 126
Flosculus angustæ miseræque brevissima vitæ
 Portio ; dum bibimus, dum ferta, unguenta, puellas
 Poscimus, obrepit non intellecta senectus.
 Ne trepida : nunquam pathicus tibi deerit amicus, 130
 Stantibus et salvis his collibus. Undique ad illos
 Conveniunt, et carpentis et navibus, omnes,
Qui digito scalpunt uno caput. Altera major
 Spes supereft : tu tantum erucis imprime dentem.
 Hæc exempla para felicibus : at mea Clotho 135
 Et Lachesis gaudent, si pascitur inguine venter.
O parvi, nostrique lares, quos thure minuto,
 Aut farre, et tenui soleo exorare corona,
Quando ego figam aliquid, quo sit mihi tuta senectus,
 A tegete et baculo ? viginti millia fœnus, 140
 Pignoribus positis, argenti vascula puri,
 Sed quæ Fabricius censor notet, et duo fortis
 De grege Mœforum, qui me cervice locata
 Securum jubeant clamoso insistere Circo ?

Sit

Sit mihi præterea curvus cælator, et alter, 145
Qui multas facies fingat cito ; sufficient hæc,
Quando ego pauper ero ; votum miserabile, nec spes
 His saltem : nam cum pro me fortuna rogatur,
 Affigit ceras illa de nave petitas,
Quæ Siculos cantus effugit remige surdo. 150

SATYRA X.

O Mnibus in terris, quæ sunt a Gadibus usque
 Auroram et Gangem, pauci dignoscere possunt
 Vera bona, atque illis multum diversa, remota
 Erroris nebula : quid enim ratione timemus,
 Aut cupimus ? quid tam dextro pede concipis, ut te 5
 Conatus non pœniteat, votique peracti ?
 Evertere domos totas optantibus ipsis
 Dî faciles. Nocitura toga, nocitura petuntur
 Militia. Torrens dicendi copia multis,
 Et sua mortifera est facundia. Viribus ille 10
 Confisus periit, admirandisque lacertis.
 Sed plures nimia congesta pecunia cura
 Strangulat, et cuncta exsuperans patrimonia census,
Quanto delphinis balæna Britannica major.
 Temporibus diris igitur, jussuque Neronis, 15
 Longinum et magnos Senecæ prædivitis hortos

Clau-

Clausit, et egregias Lateranorum obsidet aedes
 Tota cohors. Rarus venit in cœnacula miles.
 Pauca licet portes argenti vascula puri,
 Nocte iter ingressus, gladium, contumque timebis; 20
 Et motæ ad Lunam trepidabis arundinis umbram:
 Cantabit vacuus coram latrone viator.
 Prima fere vota, et cunctis notissima templis
 Divitiæ, crescant ut opes, ut maxima toto
 Nostra sit arca foro. Sed nulla aconita bibuntur 25
 Fictilibus. Tunc illa time cum pocula sumes
 Gemmata, et lato Setinum ardebit in auro.
 Jamne igitur laudas, quod de sapientibus alter
 Ridebat, quoties a limine moverat unum
 Protuleratque pedem; flebat contrarius alter? 30
 Sed facilis rigidi cuivis censura cachinni.
 Mirandum est unde ille oculis sufficerit humor.
 Perpetuo risu pulmonem agitare solebat
 Democritus, quamquam non essent urbibus illis
 Prætexta, et trabeæ, fasces, lectica, tribunal. 35
 Quid si vidisset prætorem in curribus altis
 Exstantem, et medio sublimem in pulvere circi
 In tunica Jovis, et pictæ Sarrana ferentem
 Ex humeris aulæa togæ, magnæque coronæ
 Tantum orbem quanto cervix non sufficit ulla? 40
 Quippe tenet sudans hanc publicus, et sibi Consul

Ne

Ne placeat, curru servus portatur eodem.
 Da nunc et volucrem, sceptro quæ surgit eburno;
 Illinc cornicines, hinc præcedentia longi
 Agminis officia, et niveos ad frena Quirites, 45
 Defossa in loculis quos sportula fecit amicos.
 Tunc quoque materiam risus invenit ad omnes
 Occursus hominum, cujus prudentia monstrat
 Summos posse viros, et magna exempla datus
 Vervicum in patria, crassoque sub aëre nasci. 50
 Ridebat curas, nec non et gaudia vulgi;
 Interdum et lacrymas, cum fortunæ ipse minaci
 Mandaret laqueum, mediumque ostenderet unguem.
 Ergo supervacua hæc aut perniciofa petuntur,
 Propter quæ fas est genua incerare Deorum. 55
 Quosdam præcipitat subiecta potentia magnæ
 Invidiæ, mergit longa, atque insignis honorum
 Pagina; descendunt statuæ, restemque sequuntur.
 Ipsas deinde rotas bigarum impacta securis
 Cædit, et immeritis franguntur crura caballis. 60
 Jam stridunt ignes, jam follibus atque caminis
 Ardet adoratum populo caput, et crepat ingens
 Sejanus: deinde ex facie toto orbe secunda
 Fiunt urceoli, pelves, fartago, patellæ.
 Pone domi lauros, duc in Capitolia magnum 65
 Cretatumque bovem; Sejanus ducitur unco

G

Spec-

Spectandus : gaudent omnes : Quæ labra? quis illi
 Vultus erat? Nunquam, si quid mihi credis, amavi
 Hunc hominem : sed quo cecidit sub crimine? quisnam
 Delator? quibus indicibus, quo teste probavit? 70
 Nil horum : verbosa et grandis epistola venit
 A Capreis: bene habet, nil plus interrogo. Sed quid
 Turba Remi? sequitur fortunam, ut semper, et odit
 Damnatos: idem populus, si Nurscia Thusco
 Favisset, si oppressa foret secura senectus 75
 Principis, hac ipsa Sejanum diceret hora
 Augustum. Jampridem, ex quo suffragia nulli
 Vendimus, effugit curas. Nam qui dabat olim
 Imperium, fasces, legiones, omnia, nunc se
 Continet, atque duas tantum res anxius optat, 80
 Panem, et Circenses. Perituros audio multos:
 Nil dubium : magna est fornacula: pallidulus m̄
 Brutidius meus ad Martis fuit obvius aram.
 Quam timeo, vicitus ne pœnas exigat Ajax,
 Ut male defensus! curramus præcipites, et 85
 Dum jacet in ripa, calcemus Cæsaris hostem.
 Sed videant servi, ne quis neget, et pavidum in jus
 Cervice obstricta dominum trahat. Hi sermones
 Tunc de Sejano, secreta hæc murmura vulgi.
 Visne salutari sicut Sejanus? habere 90
 Tantundem? atque illi sellas donare curules?

Illum

Illum exercitibus præponere? tutor haberi
 Principis, Augusta Caprearum in rupe sedentis
 Cum grege Chaldæo? vis certe pila, cohortes,
 Egregios equites, et castra domestica. Quidni 95
 Hæc cupias? et qui nolunt occidere quemquam,
 Posse volunt. Sed quæ præclara et prospera tanti,
 Ut rebus lœtis par sit mensura malorum?
 Hujus qui trahitur prætextam sumere mavis;
 An Fidenarum, Gabiorumque esse potestas, 100
 Et de mensura jus dicere, vasa minora
 Frangere, pannosus vacuis Ædilis Ulubris?
 Ergo quid optandum foret, ignorasse fateris
 Sejanum. Nam qui nimios optabat honores,
 Et nimias poscebat opes, numerosa parabat 105
 Excelſæ turris tabulata, unde altior esset
 Casus, et impulsæ præceps immane ruinæ.
 Quid Crassos, quid Pompeios evertit, et illum
 Ad sua qui domitos deduxit flagra Quirites?
 Summus nempe locus nulla non arte petitus, 110
 Magnaque numinibus vota exaudita malignis.
 Ad generum Cereris fine cæde et vulnere pauci
 Descendunt reges, et sicca morte tyranni.
 Eloquium ac famam Demosthenis, aut Ciceronis
 Incipit optare, et totis Quinquatribus optat, 115
 Quisquis adhuc uno partam colit affe Minervam,

G 2

Quem

Quem sequitur custos angusta vernula capsæ.
Eloquio sed uterque perit orator; utrumque
Largus et exundans letho dedit ingenii fons.
Ingenio manus est, et cervix cæsa; nec unquam 120
Sanguine caufidici maduerunt rostra pusilli.
O fortunatam natam, me consule, Romam!
Antonî gladios potuit contemnere, si sic
Omnia dixisset. Ridenda poëmata malo,
Quam te conspicuæ divina Philippica famæ, 125
Volveris a prima quæ proxima. Sævus et illum
Exitus eripuit, quem mirabantur Athenæ
Torrentem, et pleni moderantem fræna theatri.
Dîs ille adversis genitus, fatoque sinistro,
Quem pater ardantis mæffæ fuligine lippus 130
A carbone, et forcipibus, gladiosque parante
Incude, et luteo Vulcano ad rhetora misit.
Bellorum exuviae, truncis affixa trophæis
Lorica, et fracta de casside buccula pendens,
Et curtum temone jugum, viæque triremis 135
Aplustre, et summo tristis captivus in arcu,
Humanis majora bonis creduntur: ad hæc se
Romanus, Graiusque, ac Barbarus induperator
Erexit: causas discriminis atque laboris
Inde habuit; tanto major famæ sitis est, quam 140
Virtutis. Quis enim virtutem amplectitur ipsam,

Præ-

Præmia si tollis? patriam tamen obruit olim
Gloria paucorum, et laudis, titulique cupido
Hæfuri faxiñ cinerum custodibus; ad quæ
Discutienda valent steriles mala robora ficus: 145
Quandoquidem data sunt ipfis quoque fatæ sepulcris.
Expende Annibalem: quot libras in duce summo
Invenies? hic est, quem non capit Africa Mauro
Perfusa Oceano, Niloque admota tepenti.
Rursus ad Æthiopum populos, aliosque elephantes
Additur imperiis Hispania: Pyrenæum 151
Transfilit. Opposuit natura Alpemque, nivemque:
Diducit scopulos, et montem rumpit acetum.
Jam tenet Italiam: tamen ultra pergere tendit.
Actum, inquit, nihil est, nisi Pœno milite portas 155
Frangimus, et media vexillum pono Subura.
O qualis facies, et quali digna tabella,
Cum Gætula ducem portaret belluæ luscum!
Exitus ergo quis est? O gloria! vincitur idem
Nempe, et in exilium præceps fugit, atque ibi magnus
Mirandusque cliens sedet ad prætoria regis, 161
Donec Bithyno libeat vigilare tyranno.
Finem animæ, quæ res humanas miscuit olim,
Non gladii, non saxa dabunt, non tela; sed ille
Cannarum vindex, ac tanti sanguinis ultor 165
Annulus. I, demens, et sævas curre per Alpes,

G 3

Ut

Ut pueris placeas, et declamatio fias.
 Unus Pellæo juveni non sufficit orbis :
 Æstuat infelix angusto limite mundi,
 Ut Gyaræ clausus scopulis, parvaque Seriphæ. 170
 Cum tamen a figulis munitam intraverit urbem,
 Sarcophago contentus erit. Mors sola fatetur
 Quantula fint hominum corpuscula. Creditur olim
 Velificatus Athos, et (quicquid Græcia mendax
 Audet in historia) constratum clasibus îsdem, 175
 Suppositumque rotis solidum mare. Credimus altos
 Defecisse amnes, epotaque flumina Medo
 Prandente, et madidis cantat quæ Sostratus alis.
 Ille tamen qualis rediit, Salamine relicta,
 In corum atque eurum solitus fævire flagellis 180
 Barbarus, Æolio nunquam hoc in carcere passos,
 Ipsum compedibus qui vinxerat Ennosigæum ?
 Mitius id sane, quod non et stigmata dignum
 Credidit; huic quisquam vellet servire Deorum ?
 Sed qualis rediit ? nempe una nave, cruentis 185
 Fluctibus, ac tarda per densa cadavera prora.
 Has toties optata exegit gloria pœnas.
 Da spatum vitæ, multos da Jupiter annos :
 Hoc recto vultu solum, hoc et pallidus, optas.
 Sed quam continuis et quantis longa senectus 190
 Plena malis ! Deformem, et tetrum ante omnia vultum

Dif-

Diffimilemque sui, deformem pro cute pellem,
 Pendentesque genas, et tales aspice rugas,
 Quales, umbriferos ubi pandit Tabraca saltus, 195
 In vetula scalpit jam mater simia bucca.
 Plurima sunt juvenum discrimina ; pulchrior ille
 Hoc, atque ille alio ; multum hic robustior illo.
 Una senum facies, cum voce trementia membra,
 Et jam leve caput, madidique infantia nasi.
 Frangendus misero gingiva panis inermi : 200
 Usque adeo gravis uxori, natisque, fibique,
 Ut captatori moveat fastidia Cocco.
 Non eadem vini, atque cibi, torpente palato,
 Gaudia. Nam coitus jam longa oblivio : vel si
 Coneris, jacet exiguis cum ramice nervus, 205
 Et quamvis tota palpetur nocte, jacebit.
 Anne aliquid sperare potest hæc inguinis ægri
 Canities ? quid, quod merito suspecta libido est,
 Quæ venerem affectat sine viribus ? aspice partis
 Nunc damnum alterius : nam quæ cantante voluptas,
 Sit licet eximus citharœdus, sitve Seleucus, 210
 Et quibus aurata mos est fulgere lacerna ?
 Quid refert magni sedeat qua parte theatri,
 Qui vix cornicines exaudiet, atque tubarum
 Concentus ? clamore opus est, ut sentiat auris,
 Quem dicat venisse puer, quot nuntiet horas. 215

G 4

Præ-

Præterea minimus gelido jam in corpore sanguis
 Febre calet sola; circumfilit agmine facto
 Morborum omne genus, quorum si nomina quæras,
 Promptius expediam, quot amaverit Hippia mœchos;
Quot Themison ægros autumno occideret uno; 221
Quot Basilus socios, quot circumscriperit Hirrus
 Pupillos; quot longa viros exforbeat uno
 Maura die; quot discipulos inclinet Hamillus.
 Percurram citius, quot villas possideat nunc, 225
Quo tondente gravis juveni mihi barba sonabat.
 Ille humero, hic lumbis, hic coxa debilis; ambos
 Perdidit ille oculos, et luscis invidet: hujus
 Pallida labra cibum capiunt digitis alienis:
 Ipse, ad conspectum cœnæ diducere rictum 230
 Suetus, hiat tantum, ceu pullus hirundinis, ad quem
 Ore volat pleno mater jejuna. Sed omni
 Membrorum damno major dementia, quæ nec
 Nomina servorum, nec vultum agnoscit amici,
 Cum quo præterita cœnavit nocte, nec illos, 235
Quos genuit, quos eduxit: nam codice fævo
 Hæredes vetat esse suos; bona tota feruntur
 Ad Phialen. Tantum artificis valet halitus oris,
Quod steterat multis in carcere fornicis annis.
 Ut vigeant sensus animi, ducenda tamen sunt 241
 Funera natorum, rogos aspiciendus amatæ

Con-

Conjugis, et fratri, plenæque sororibus urnæ.
 Hæc data poena diu viventibus, ut renovata
 Semper clade domus, multis in luctibus, inque
 Perpetuo mœrore, et nigra veste senescant. 245
 Rex Pylius, magno si quicquam credis Homero,
 Exemplum vitæ fuit a cornice secundæ.
 Felix nimirum, qui tot per sæcula mortem
 Distulit, atque suos jam dextra computat annos,
Quique novum toties mustum bibt: oro, parumper
 Attendas, quantum de legibus ipse queratur 251
 Fatorum, et nimio de stamine, cum videt acris
 Antilochi barbam ardentem: nam quærit ab omni
Quisquis adest socio, cur hæc in tempora duret;
Quod facinus dignum tam longo admiserit ævo. 255
 Hæc eadem Peleus, raptum cum luget Achillem,
 Atque alias, cui fas Ithacum lugere natantem.
 Incolumi Troja Priamus venisset ad umbras
 Affaraci magnis solennibus, Hectore funus
 Portante, ac reliquis fratrum cervicibus, inter 260
 Iliadum lacrymas, ut primos edere planctus
 Cassandra inciperet, scissaque Polyxena palla:
 Si foret extinctus diverso tempore, quo jam
 Cœperat audaces Paris ædificare carinas.
 Longa dies igitur quid contulit? omnia vidit 265
 Eversa, et flammis Asiam ferroque cadentem.

Tunc

Tunc miles tremulus posita tulit arma tiara,
 Et ruit ante aram summi Jovis, ut vetulus bos,
Qui domini cultris tenue et miserable collum
Præbet, ab ingrato jam fastiditus aratro. 270
 Exitus ille utcunque hominis : sed torva canino
 Latravit rictu, quæ post hunc vixerat, uxor.
 Festino ad nostros, et regem transeo Ponti,
 Et Crœsum, quem vox justi facunda Solonis
 Respiceret ad longæ jussit spatia ultima vitæ. 275
 Exilium, et carcer, Minturnarumque paludes,
 Et mendicatus victa Carthagine panis,
 Hinc causas habuere. Quid illo cive tulisset
 Natura in terris, quid Roma, beatius unquam,
 Si circumducto captivorum agmine, et omni 280
 Bellorum pompa, animam exhalâsse opimam,
 Cum de Teutonico vellet descendere curru ?
 Provida Pompeio dederat Campania febres
 Optandas : sed multæ urbes, et publica vota
 Vicerunt ; igitur fortuna ipsius et urbis 285
 Servatum victo caput abstulit. Hoc cruciatu
 Lentulus, hac pœna caruit, ceciditque Cethagus
 Integer, et jacuit Catilina cadavere toto.
 Formam optat modico pueris, majore puellis
 Murmure, cum Veneris fanum videt anxia mater,
 Usque ad delicias votorum. Cur tamen, inquit, 291

Cor-

Corripias ? pulcra gaudet Latona Diana.
 Set vetat optari faciem Lucretia, qualem
 Ipſa habuit. Cuperet Rutilæ Virginia gibbum
 Accipere, atque suam Rutilæ dare. Filius autem
 Corporis egregii miseros trepidosque parentes 296
 Semper habet. Rara est adeo concordia formæ
 Atque pudicitiae ! sanctos licet horrida mores
 Tradiderit domus, ac veteres imitata Sabinas.
 Præterea castum ingenium, vultumque modesto 300
 Sanguine ferventem tribuat natura benigna
 Larga manu, (quid enim puero conferre potest plus
 Custode, et cura natura potentior omni ?)
 Non licet esse viros : nam prodiga corruptoris
 Improbitas ipfos audet tentare parentes. 305
 Tanta in muneribus fiducia. Nullus ephebum
 Deformem faeva castravit in arce tyrannus ;
 Nec prætextatum rapuit Nero loripedem, vel
 Strumosum, atque utero pariter, gibboque tumentem.
 In nunc, et juvenis specie lætare tui, quem 310
 Majora exspectant discrimina. Fiet adulter
 Publicus, et pœnas metuet quascunque maritus
 Exigit iratus : nec erit felicior astro
 Martis, ut in laqueos nunquam incidat. Exigit autem
 Interdum ille dolor plus, quam lex ulla dolori 315
 Concessit. Necat hic ferro, secat ille cruentis

Ver-

Verberibus, quosdam mœchos et mugilis intrat.
 Sed tuus Endymion dilectæ fiet adulter
 Matronæ. Mox cum dederit Servilia nummos,
 Fiet et illius, quam non amat: exuet omnem 320
 Corporis ornatum. Quid enim ulla negaverit udis
 Inguinibus, sive est hæc Hippia, sive Catulla?
 Deterior totos habet illic fœmina mores.
 Sed casto quid forma nocet? quid profuit olim
 Hippolyto grave propositum? quid Bellerophonti?
 Erubuit nempe hæc, seu fastidita repulsa: 326
 Nec Sthenobœa minus, quam Cressa, excanduit, et se
 Concussere ambæ. Mulier fævissima tunc est,
 Cum stimulos odio pudor admovet. Elige quidnam
 Suadendum esse putas, cui nubere Cæsar is uxor 330
 Destinat. Optimus hic et formosissimus idem
 Gentis patriciæ rapitur miser extinguendus
 Messalinæ oculis. Dudum sedet illa parato
 Flammeolo; Tyriusque palam genialis in hortis
 Sternitur, et ritu decies centena dabuntur 335
 Antiquo: veniet cum signatoribus auspex.
 Hæc tu secreta, et paucis commissa putabas?
 Non nisi legitime vult nubere. Quid placeat, dic:
 Ni parere velis, pereundum est ante lucernas;
 Si scelus admittas, dabitur mora parvula, dum res
 Nota urbi, et populo, contingat principis aures. 341

De-

Dedecus ille domus sciet ultimus. Interea tu
 Obsequere imperio, si tanti est vita dierum
 Paucorum. Quicquid levius meliusque putaris,
 Præbenda est gladio pulcra hæc et candida cervix.
 Nil ergo optabunt homines? si consilium vis, 346
 Permittes ipsis expendere numinibus, quid
 Conveniat nobis, rebusque sit utile nostris.
 Nam pro jucundis aptissima quæque dabunt Dī.
 Carior est illis homo, quam sibi. Nos, animorum
 Impulsu, et cæca magnaque cupidine ducti, 351
 Conjugium petimus, partumque uxoris: at illis
 Notum, qui pueri, qualisque futura sit uxor.
 Ut tamen et poscas aliquid, voveasque facellis
 Exta, et candiduli divina tomacula porci; 355
 Orandum est, ut sit mens fana in corpore fano.
 Fortem posce animum, et mortis terrore carentem;
 Qui spatium vitæ extremum inter munera ponat
 Naturæ, qui ferre queat quoscunque labores;
 Nesciat irasci, cupiat nihil; et potiores 360
 Herculis ærumnas credat, fævosque labores,
 Et Venere, et coenis, et plumis Sardanapali.
 Monstro quod ipse tibi possis dare; semita certe
 Tranquillæ per virtutem patet unica vitæ.
 Nullum numen habes, si sit prudentia; sed te 365
 Nos facimus, Fortuna, Deam, cæloque locamus.

SA-

SATYRA XI.

ATicus eximie si cœnat, laetus habetur,
Si Rutilus, demens: quid enim majore cachinno
Excipitur vulgi, quam pauper Apicius? omnis
Convictus, thermæ, stationes, omne theatrum
De Rutilo. Nam dum valida, ac juvenilia membra 5
Sufficiunt galeæ, dumque ardent sanguine, fertur,
Non cogente quidem, sed nec prohibente Tribuno
Scripturus leges, et regia verba lanistæ.
Multos porro vides, quos sœpe elusus ad ipsum
Creditor introitum solet exspectare macelli, 10
Et quibus in solo vivendi causa palato est.
Egregius cœnat meliusque miserrimus horum,
Et cito casurus jam perlucente ruina.
Interea gustus elementa per omnia quærunt,
Nunquam animo pretiis obstantibus: interius si 15
Attendas, magis illa juvant quæ pluris emuntur.
Ergo haud difficile est perituram arcessere summam,
Lancibus oppositis, vel matris imagine fracta,
Et quadringentis nummis condire gulosum
Fictile: sic veniunt ad miscellanea ludî. 20
Refert ergo quis hæc eadem paret: in Rutilo nam
Luxuria est, in Ventidio laudabile nomen

Sumit,

Sumit, et a censu famam trahit. Illum ego jure
Despiciam, qui scit quanto sublimior Atlas
Omnibus in Libya sit montibus, hic tamen idem 25
Ignoret quantum ferrata distet ab arca
Sacculus. E cœlo descendit, γνῶσι σεαυτὸν,
Figendum et memori tractandum pectore, five
Conjugium quæras, vel sacri in parte senatus
Esse velis. Nec enim loricam poscit Achillis 30
Thersites, in qua se traducebat Ulysses.
Ancipitem seu tu magno discrimine causam
Protegere affectas, te consule, dic tibi quis sis:
Orator vehemens, an Curtius, an Matho. Buccæ
Noscenda est mensura tuæ; spectandaque rebus 35
In summis, minimisque; etiam cum piscis emetur.
Nec nullum cupias, cum sit tibi gobio tantum
In loculis: quis enim te, deficiente crumena,
Et crescente gula, manet exitus; ære paterno,
Ac rebus mersis in ventrem, fœnoris, atque 40
Argenti gravis, et pecorum, agrorumque capacem?
Talibus a dominis post cuncta novissimus exit
Annulus, et digito mendicat Pollio nudo.
Non præmaturi cineres, nec funus acerbum
Luxuriæ, sed morte magis metuenda senectus. 45
Hi plerumque gradus; conducta pecunia Romæ,
Et coram dominis consumitur. Inde ubi paullum
Nescio.

Nescio quid supereft, et pallet fœnoris auctor,
 Qui vertere solum, Baias, et ad Ostia currunt.
 Cedere namque foro jam non est deterius, quam 50
 Esquiliæ a ferventi migrare Subura.
 Ille dolor solus patriam fugientibus, illa
 Mœstitia est, caruisse anno Circensibus uno.
 Sanguinis in facie non hæret gutta; morantur
 Pauci ridiculum, et fugientem ex urbe pudorem. 55
 Experiere hodie numquid pulcerrima dictu,
 Perfice, non præstem vita, vel moribus, et re;
 Sed laudem filiuas occultus ganeo, pultes
 Coram aliis dictem puer, sed in aure placentas.
 Nam, cum sis conviva mihi promissus, habebis 60
 Evandrum, venies Tirynthius, aut minor illo
 Hospes, et ipse tamen contingens sanguine cœlum;
 Alter aquis, alter flammis, ad fidera missus.
 Fercula nunc audi nullis ornata macellis.
 De Tiburtino veniet pinguisimus agro 65
 Hœdulus, et toto grege mollior, inscius herbæ,
 Nec dum ausus virgas humilis mordere salicti,
 Qui plus lactis habet quam sanguinis, et montani
 Asparagi, posito quos legit villica fuso.
 Grandia præterea, tortoque calentia fœno 70
 Ova adsunt ipsis cum matribus, et servatæ
 Parte anni, quales fuerant in vitibus, uvæ:

Sig-

Signinum Syriumque pyrum: de coribus 1ſdem
 Æmula Picenis, et odoris mala recentis,
 Nec metuenda tibi, ficcatum frigore postquam 75
 Autumnum, et crudi posuere pericula succi.
 Hæc olim nostri jam luxuriosa senatus
 Cœna fuit. Curius, parvo quæ legerat horto,
 Ipſe focis brevibus ponebat oluscula, quæ nunc
 Squallidus in magna fastidit compede fossor, 80
 Qui meminit, calidæ sapiat quid vulva popinæ.
 Sicci terga suis, rara pendentia crate,
 Moris erat quondam festis servare diebus,
 Et natalitium cognatis ponere lardum,
 Accedente nova, si quam dabat hostia, carne. 85
 Cognatorum aliquis titulo ter consulis, atque
 Castrorum imperiis, et dictatoris honore
 Functus, ad has epulas solito maturius ibat,
 Erectum domito referens a monte ligonem.
 Cum tremerent autem Fabios, durumque Catonem,
 Et Scauros, et Fabricios, rigidique severos 91
 Censoris mores etiam collega timeret;
 Nemo inter curas, et seria duxit habendum,
 Qualis in Oceani fluctu testudo nataret,
 Clarum Trojagenis factura ac nobile fulcrum: 95
 Sed nudo latere, et parvis frons ærea lectis
 Vile coronati caput ostendebat aselli,

H

Ad.

Ad quod lascivi ludebant ruris alumni.
 Tales ergo cibi, qualis domus, atque supellex.
 Tunc, rudis, et Graias mirari nescius artes, 100
 Urbibus eversis, prædarum in parte reperta,
 Magnorum artificum frangebat pocula miles,
 Ut phaleris gauderet equus, cælataque cassis
 Romuleæ simulacra feræ mansuescere jussæ
 Imperii fato, et geminos sub rupe Quirinos, 105
 Ac nudam effigiem clypeo fulgentis et hasta,
 Pendentisque Dei perituro ostenderet hosti.
 Argenti quod erat solis fulgebat in armis.
 Ponebant igitur Thusco farrata catino
 Omnia tunc; quibus invideas, si lividulus sis. 110
 Templorum quoque majestas præsentior, et vox
 Nocte fere media, mediamque audita per urbem,
 Litore ab Oceani Gallis venientibus, et Dîs
 Officium vatis peragentibus; his monuit nos,
 Hanc rebus Latiis curam præstare solebat 115
 Fictilis, et nullo violatus Jupiter auro.
 Illa domi natas, nostraque ex arbore, mensas
 Tempora viderunt; hos lignum stabat in usus,
 Annosam si forte nucem dejecerat eurus.
 At nunc divitibus cœnandi nulla voluptas, 120
 Nil rhombus, nil dama sapis; putere videntur
 Unguenta, atque rosæ, latos nisi sustinet orbes

Grande ebur, et magno sublimis pardus hiatu,
 Dentibus ex illis, quos mittit porta Syenes,
 Et Mauri celeres, et Mauro obscurior Indus, 125
 Et quos depositus Nabathæo bellua saltu,
 Jam nimios, capitique graves. Hinc surgit orexis,
 Hinc stomacho vires. Nam pes argenteus illis,
 Annulus in digito quod ferreus. Ergo superbum
 Convivam caveo, qui me sibi comparat, et res 130
 Despicit exiguae; adeo nulla uncia nobis
 Est eboris, nec tessellæ, nec calculus ex hac
 Materia; quin ipsa manubria cultellorum
 Ossea: non tamen his ulla unquam obsonia fiunt
 Rancidula, aut ideo pejor gallina secatur. 135
 Sed nec structor erit, cui cedere debeat omnis
 Pergula, discipulus Trypheri doctoris, apud quem
 Sumine cum magno lepus, atque aper, et pygargus,
 Et Scythicæ volucres, et phœnicopterus ingens,
 Et Gætulus oryx, hebeti lautissima ferro 140
 Cæditur, et tota sonat ulmea cœna Subura.
 Nec frustum capreæ subducere, nec latus Afræ
 Novit avis noster tirunculus, ac rudis omni
 Tempore, et exiguae frustis imbutus ofellæ.
 Plebeios calices et paucis assibus emptos 145
 Porriget incultus puer, atque a frigore tutus;
 Non Phyrx, aut Lycius, non a mangone petitus

Quisquam erit, et magno. Cum posces, posce Latine.
 Idem habitus cunctis, tonsi, rectique capilli,
 Atque hodie tantum propter convivia pexi. 150
 Pastoris duri est hic filius, ille bubulci :
 Suspirat longo non visam tempore matrem,
 Et casulam, et notos tristis desiderat hædos :
 Ingenui vultus puer ingenuique pudoris,
 Quales esse decet, quos ardens purpura vestit. 155
 Nec pugillares defert in balnea raucus
 Testiculos, nec vellendas jam præbuit alas :
 Crassa nec opposito pavidus tegit inguina gutto.
 Hic tibi vina dabit diffusa in montibus illis
 A quibus ipse venit, quorum sub vertice lusit: 160
 Namque una atque eadem vini patria, atque ministri.
 Forsan exspectes, ut Gaditana canoro
 Incipiat prurire choro, plausuque probatae
 Ad terram tremulo descendant clune puellæ;
 Irritamentum veneris languentis, et acres 165
 Divitis urticæ : major tamen ista voluptas
 Alterius sexus; magis ille extenditur; et mox
 Auribus atque oculis concepta urina movetur.
 Non capit has nugas humiliis domus : audiat ille
 Testarum crepitus cum verbis, nudum oido stans 170
 Fornice mancipium quibus abstinet : ille fruatur
 Vocibus obscenis, omnique libidinis arte,

Qui

Qui Lacedæmonium pytismate lubricat orbem.
 Namque ibi fortunæ veniam damus. Alea turpis,
 Turpe et adulterium mediocribus : hæc eadem illi
 Omnia cum faciant, hilares nitidique vocantur. 176
 Nostra dabunt alios hodie convivia ludos.
 Conditor Iliados cantabitur, atque Maronis
 Altisoni dubiam facientia carmina palmam.
 Quid refert tales versus qua voce legantur? 180
 Sed nunc dilatis averte negotia curis,
 Et gratam requiem dona tibi, quando licebit
 Per totam cessare diem : non fœnoris ullæ
 Mentio ; nec, prima si luce egressa reverti
 Nocte solet, tacito bilem tibi contrahat uxor, 185
 Humida suspectis referens multitia rugis,
 Vexatasque comas, et vultum auremque calentem.
 Protinus ante meum, quicquid dolet, exue limen.
 Pone domum, et servos, et quicquid frangitur illis,
 Aut perit : ingratos ante omnia pone fodales. 190
 Interea Megalefiacæ spectacula mappæ
 Idæum solenne colunt, similisque triumpho
 Prædo caballorum prætor sedet : ac mihi pace
 Immensa nimiaque licet si dicere plebis,
 Totam hodie Romam circus capit ; et fragor aurem
 Percutit, eventum viridis quo colligo panni. 196
 Nam si deficeret, mœstam attonitamque videres

H 3

Hanc

Hanc urbem, veluti Cannarum in pulvere vicitis
 Consulibus. Spectent juvenes, quos clamor, et audax
 Sponsio, quos cultæ decet assedisse puellæ. 200
 Spectent hoc nuptæ, juxta recubante marito,
 Quod pudeat narrasse aliquem præsentibus ipsis.
 Nostra bibat vernum contracta cuticula solem,
 Effugiatque togam. Jam nunc in balnea salva
 Fronto licet vadas, quanquam solida hora superfit 205
 Ad sextam. Facere hoc non possis quinque diebus
 Continuis, quia sunt talis quoque tædia vitæ
 Magna. Voluptates commendat rarior usus.

SATYRA XII.

NAtali, Corvine, die mihi dulcior hæc lux,
 Qua festus promissa Deis animalia cespes
 Exspectat; niveam reginæ cædimus agnam:
 Par vellus dabitur pugnanti Gorgone Maura.
 Sed procul extensum petulans quatit hostia funem, 5
 Tarpeio servata Jovi, frontemque coruscat.
 Quippe ferox vitulus templis maturus et aræ,
 Spargendusque mero, quem jam pudet ubera matris
 Ducere, qui vexat nascenti robora cornu.
 Si res ampla domi, similisque affectibus, esset, 10
 Pinguior Hispulla traheretur taurus, et ipsa

Mole

Mole piger, nec finitima nutritus in herba;
 Læta sed ostendens Clitumni pascua sanguis
 Iret, et a grandi cervix ferienda ministro,
 Ob redditum trepidantis adhuc, horrendaque passi 15
 Nuper, et incolumem sese mirantis, amici.
 Nam præter pelagi casus, et fulgoris ictum
 Evasi, densæ cœlum abscondere tenebræ
 Nube una, subitusque antennas impulit ignis;
 Cum se quisque illo percussum crederet, et mox 20
 Attonitus nullum conferri posse putaret
 Naufragium velis ardentibus. Omnia fiunt
 Talia, tam graviter, si quando poëtica surgit
 Tempestas. Genus ecce aliud discriminis: audi,
 Et miserere iterum, quanquam sint cætera fortis 25
 Ejusdem; pars dira quidem, sed cognita multis,
 Et quam votiva testantur fana tabella
 Plurima. Pictores quis nescit ab Iside pasci?
 Accidit et nostro similis fortuna Catullo,
 Cum plenus fluctu medius foret alveus, et jam, 30
 Alternum puppis latus evertentibus undis
 Arboris incertæ, nullam prudentia cani
 Rectoris conferret opem; decidere jaætu
 Cœpit cum ventis, imitatus castora, qui se
 Eunuchum ipse facit, cupiens evadere damno 35
 Testiculorum: adeo medicatum intelligit inguen.

H 4

Fun-

Fundite quæ mea sunt, dicebat, cuncta, Catullus,
 Præcipitare volens etiam pulcerrima, vestem
 Purpuream, teneris quoque Mæcenatibus aptam,
 Atque alias, quarum generosi graminis ipsum 40
 Infecit natura pècus, sed et egregius fons,
 Viribus occultis et Bæticus adjuvat aër.
 Ille nec argentum dubitabat mittere, lances
 Parthenio factas, urnæ cratera capacem,
 Et dignum fitiente Pholo, vel conjugे Fisci. 45
 Adde et bascaudas, et mille escaria, multum
 Cælati, biberat quo callidus emptor Olynthi.
 Sed quis nunc aliis, qua mundi parte quis, audet
 Argento præferre caput, rebusque salutem ?
 Non propter vitam faciunt patrimonia quidam, 50
 Sed vitio cæci propter patrimonia vivunt.
 Jactatur rerum utilium pars maxima; sed nec
 Damna levant. Tunc, adversis urgentibus, illuc
 Recidit, ut malum ferro summitteret, ac se
 Explicat angustum, discriminis ultima quando 55
 Præsidia afferimus, navem factura minorem.
 I nunc, et ventis animam committe, dolato
 Confisus ligno, digitis a morte remotus
 Quatuor, ac septem, si sit latissima tæda.
 Mox cum reticulis, et pane, et ventre lagenæ, 60
 Aspice sumendas in tempestate secures.

Sed

Sed postquam jacuit planum mare, tempora postquam
 Prospera, vectoris fatumque valentius euro
 Et pelago, postquam Parcæ meliora benigna 65
 Pensa manu ducunt hilares, et staminis albi
 Lanificæ; modica nec multo fortior aura
 Ventus adest; inopi miserabilis arte cucurrit
 Vestibus extensis, et quod superaverat unum,
 Velo prora suo: jam, deficientibus austris,
 Spes vitæ cum sole redit. Tum gratus Iülo, 70
 Atque novocali sedes prælata Lavino,
 Conspicitur sublimis apex, cui candida nomen
 Scrofa dedit, lætis Phrygibus mirabile sumen,
 Et nunquam visis triginta clara mamillis.
 Tandem intrat positas inclusa per æquora moles, 75
 Tyrrhenamque Pharon, porrectaque brachia rursum
 Quæ pelago occurunt medio, longeque relinquunt
 Italiam. Non sic igitur mirabere portus
 Quos natura dedit: sed truncæ puppe magister
 Interiora petit Baianæ pervia cymbæ 80
 Tuti stagna sinus. Gaudent ibi vertice raso
 Garrula securi narrare pericula nautæ.
 Ite igitur, pueri, linguis animisque faventes,
 Sertaque delubris et farra imponite cultris,
 Ac molles ornate focos, glebamque virentem. 85
 Jam sequar; et sacro, quod præstat, rite peracto,

Inde

Inde domum repetam, graciles ubi parva coronas
 Accipiunt fragili simulacra nitentia cera.
 Hic nostrum placabo Jovem, latibusque paternis
 Thura dabo, atque omnes violæ jactabo colores. 90
 Cuncta nitent; longos erexit janua ramos,
 Et matutinis operitur festa lucernis.
 Nec suspecta tibi sint hæc, Corvine: Catullus,
 Pro cuius reditu tot pono altaria, parvos
 Tres habet hæredes. Libet exspectare, quis ægram
 Et claudentem oculos gallinam impendat amico 96
 Tam stefili. Verum hæc nimia est impensa: coturnix
 Nulla unquam pro patre cadet. Sentire calorem
 Si cœpit locuples Gallita et Paccius, orbi,
 Legitime fixis vestitur tota tabellis 100
 Porticus. Existunt, qui promittant hecatomben:
 Quatenus hic non sunt nec venales elephanti,
 Nec Latio, aut usquam nostro sub fidere, talis
 Bellua concipitur: sed furva gente petita,
 Arboribus Rutulis et Turni pascitur agro. 105
 Cæsaris armentum, nulli servire paratum
 Privato: siquidem Tyrio parere solebant
 Hannibali, et nostris ducibus, regique Moloffo:
 Horum majores, ac dorso ferre cohortes, 109
 Partem aliquam belli, et euntem in prælia turrim.
 Nulla igitur mora per Novium, mora nulla per Istrum

Pacuvium, quin illud ebur ducatur ad aras,
 Et cadat ante lares Gallitæ victima sacra,
 Tantis digna Deis, et captatoribus horum.
 Alter enim, si concedas maestare, vovebit 115
 De grege servorum magna, et pulcherrima quæque
 Corpora; vel pueris, et frontibus ancillarum
 Imponet vittas; et si qua est nubilis illi
 Iphigenia domi, dabit hanc altaribus, et si
 Non sperat tragicæ furtiva piacula cervæ. 120
 Laudo meum civem, nec comparo testamento
 Mille rates: nam si Libitinam evaserit æger,
 Delebit tabulas, inclusus carcere nassæ,
 Post meritum sane mirandum, atque omnia soli
 Forsan Pacuvio breviter dabit. Ille superbus 125
 Incedet victis rivalibus. Ergo vides, quam
 Grande operæ pretium faciat jugulata Mycenis.
 Vivat Pacuvius, quæso, vel Nestora totum:
 Possideat quantum rapuit Nero: montibus aurum 129
 Exæquet: nec amet quemquam, nec ametur ab ullo.

SATYRA XIII.

Exemplo quodcumque malo committitur, ipsi
Dispicet auctori. Prima est hæc ultio, quod se
Judice, nemo nocens absolvitur, improba quamvis
Gratia fallaci prætoris vicerit urna.
Quid sentire putas omnes, Calvine, recenti
De scelere, et fidei violatæ crimine? sed nec
Tam tenuis census tibi contigit, ut mediocris
Jacturæ te mergat onus: nec rara videmus
Quæ pateris; casus multis hic cognitus, ac jam
Tritus, et e medio fortunæ ductus acervo.
Ponamus nimios gemitus; flagrantior æquo
Non debet dolor esse viri, nec vulnere major.
Tu quamvis levium minimam exiguamque malorum
Particulam vix ferre potes, spumantibus ardens
Visceribus, sacrum tibi quod non reddat amicus
Depositum. Stupet hæc, qui jam post terga reliquit
Sexaginta annos, Fonteio consule natus?
An nihil in melius tot rerum proficis usu?
Magna quidem, sacris quæ dat præcepta libellis,
Viætrix Fortunæ sapientia. Dicimus autem
Hos quoque felices, qui ferre incommoda vitæ,
Nec jaçtare jugum vita didicere magistra.

Quæ

Quæ tam festa dies, ut cesset prodere furem,
Perfidiam, fraudes, atque omni ex crimine lucrum
Quæsitum, et partos gladio vel pyxide nummos? 25
Rari quippe boni; numero vix sunt totidem, quot
Thebarum portæ, vel divitis ostia Nili.
Nona ætas agitur, pejoraque fæcula ferri
Temporibus; quorum sceleri non invenit ipsa
Nomen, et a nullo posuit natura metallo. 30
Nos hominum Divumque fidem clamore ciemus,
Quanto Fessidum laudat vocalis agentem
Sportula. Dic senior bulla dignissime, nescis
Quas habeat veneres aliena pecunia? nescis,
Quem tua simplicitas risum vulgo moveat, cum 35
Exigis a quoquam ne pejeret, et putet ullis
Esse aliquod numen templis, aræque rubenti?
Quondam hoc indigenæ vivebant more, prius quam
Sumeret agrestem, posito diademate, falcem
Saturnus fugiens: tunc, cum virguncula Juno, 40
Et privatus adhuc Idæis Jupiter antris.
Nulla super nubes convivia Cœlicolarum,
Nec puer Iliacus, formosa nec Herculis uxor
Ad cyathos; et jam siccato nectare tergens
Brachia Vulcanus Liparæa nigra taberna. 45
Prandebat sibi quisque Deus, nec turba Deorum
Talis, ut est hodie; contentaque sidera paucis

Nu-

Numinibus miserum urgebant Atlanta minori
Pondere. Nondum aliquis sortitus triste profundi
Imperium, aut Sicula torvus cum conjugè Pluton. 50
Nec rota, nec Furiæ, nec saxum, aut vulturis atri
Poena; sed infernis hilares sine regibus umbræ.
Improbitas illo fuit admirabilis ævo.
Credebant hoc grande nefas et morte piandum,
Si juvenis vetulo non assurrexerat, et si 55
Barbato cuicunque puer; licet ipse videret
Plura domi fraga, et maiores glandis acervos.
Tam venerabile erat præcedere quatuor annis,
Primaque par adeo sacræ lanugo senectæ.
Nunc, si depositum non inficietur amicus, 60
Si reddit veterem cum tota ærugine follem,
Prodigiosa fides, et Thuscī digna libellis,
Quæque coronata lustrari debeat agna.
Egregium sanctumque virum si cerno, bimembri
Hoc monstrum puero, vel mirandis sub aratro 65
Piscibus inventis, et foetæ comparo mulæ;
Sollicitus, tanquam lapides effuderit imber,
Examenque apium longa confederit uva
Culmine delubri, tanquam in mare fluxerit amnis
Gurgitibus miris, et lactis vortice torrens. 70
Intercepta decem quereris festertia fraude
Sacrilega: quid si bis centum perdidit alter

Hoc

Hoc arcana modo? majorem tertius illa
Summam, quam patulæ vix ceperat angulus arcæ?
Tam facile et prouum est superos contemnere testes,
Si mortalis idem nemo sciat. Aspice quanta 76
Voce neget, quæ sit facti constantia vultus.
Per Solis radios, Tarpeiaque fulmina jurat,
Et Martis frameam, et Cirrhæi spicula vatis;
Per calamos venatricis, pharetramque puellæ, 80
Perque tuum, pater Ægæi Neptune, tridentem.
Addit et Herculeos arcus, hastamque Minervæ,
Quicquid habent telorum armamentaria cœli.
Si vero et pater est, comedam, inquit, flebile nati
Sinciput elixi, Pharioque madentis aceto. 85
Sunt, in fortunæ qui casibus omnia ponant,
Et nullo credant mundum rectore moveri,
Natura volente vices et lucis, et anni, genes et annos
Atque ideo intrepidi quæcunque altaria tangunt.
Est aliis metuens ne crimen poena sequatur: 90
Hic putat esse Deos, et pejerat, atque ita secum;
Decernat quodcumque volet de corpore nostro
Isis, et irato feriat mea lumina fistro,
Dummodo vel cæcus teneam, quos abnego, nummos.
Et phthisis, et vomicæ putres, et dimidium crus 95
Sunt tanti? pauper locupletem optare podagram
Ne dubitet Ladas, si non eget Anticyra, nec

Arch-

Archigene. Quid enim velocis gloria plantæ
Præstat, et esuriens Pisææ ramus olivæ?
Ut sit magna, tamen certe lenta ira Deorum est. 100
Si curant igitur cunctos punire nocentes,
Quando ad me venient? sed et exorable numen
Fortasse experiar: solet his ignoscere. Multi
Committunt eadem diverso crima fato;
Ille crucem pretium sceleris tulit, hic diadema. 105
Sic animum diræ trepidum formidine culpæ
Confirmant. Tunc te sacra ad delubra vocantem
Præcedit, trahere imo ultiro, ac vexare paratus.
Nam, cum magna malæ supereft audacia causæ,
Creditur a multis fiducia. Mimum agit ille, 110
Urbani qualem fugitivus scurra Catulli.
Tu miser exclamas, ut Stentora vincere possis,
Vel potius quantum Gradius Homericus: audis,
Jupiter, hæc, nec labra moves, cum mittere vocem
Debueras, vel marmoreus, vel aheneus? aut cur 115
In carbone tuo charta pia thura soluta
Ponimus, et sectum vituli jecur, albaque porci
Omenta? ut video, nullum discrimen habendum est
Effigies inter vestras, statuamque Bathylli.
Accipe quæ contra valeat solatia ferre, 120
Et qui nec Cynicos, nec Stoïca dogmata legit
A Cynicis tunica distantia; non Epicurum

Suspicit exigui lætum plantaribus horti.
Curentur dubii medicis majoribus ægri:
Tu venam vel discipulo committe Philippi. 125
Si nullum in terris tam detestabile factum
Ostendis, taceo, nec pugnis cædere pectus
Te veto, nec plana faciem contundere palma:
Quandoquidem accepto claudenda est janua damno,
Et majore domus gemitu, majore tumultu 130
Planguntur nummi, quam funera. Nemo dolorem
Fingit in hoc casu, vestem diducere summam
Contentus, vexare oculos humore coacto.
Ploratur lacrymis amissa pecunia veris.
Sed si cuncta vides simili fora plena querela; 135
Si decies lectis diversa in parte tabellis,
Vana supervacui dicunt chirographa ligni,
Arguit ipsorum quos litera, gemmaque princeps
Sardonychum, loculis quæ custoditur eburnis:
Ten' ô delicias extra communia censes 140
Ponendum; quia tu gallinæ filius albæ,
Nos viles pulli, nati infelicibus ovis?
Rem pateris modicam, et mediocri bile ferendam,
Si flectas oculos majora ad crimina: confer
Conductum latronem, incendia sulphure cœpta, 145
Atque dolo, primos cum janua colligit ignes:
Confer et hos, veteris qui tollunt grandia templi

Pocula adorandæ rubiginis, et populorum
Dona, vel antiquo positas a rege coronas.
Hæc ibi si non sunt, minor exstat sacrilegus, qui 150
Radat inaurati femur Herculis, et faciem ipsam
Neptuni; qui bracteolam de Castore ducat.
An dubitet, solitus totum conflare Tonantem?
Confer et artifices, mercatoremque veneni,
Et deducendum corio bovis in mare, cum quo 155
Clauditur adversis innoxia simia fatis.
Hæc quota pars scelerum, quæ custos Gallicus urbis,
Usque a Lucifero donec lux occidat, audit?
Humani generis mores tibi nosse volenti
Sufficit una domus. Paucos consume dies, et 160
Dicere te miserum, postquam illinc veneris, aude.
Quis tumidum guttur miratur in Alpibus? aut quis
In Meroë crasso majorem infante mamillam?
Cœrula quis stupuit Germani lumina, flavam
Cæsariem, et madido torquentem cornua cirro? 165
Nempe quod hæc illis natura est omnibus una.
Ad subitas Thracum volucres, nubemque sonoram
Pygmæus parvis currat bellator in armis;
Mox impar hosti, raptusque, per aëra curvis
Unguis a sœva fertur grue. Si videoas hoc 170
Gentibus in nostris, risu quatire: sed illic,
Quanquam eadem affidue spectentur prælia, ridet

Nemo,

Nemo, ubi tota cohors pede non est altior uno.
Nullane perjuri capit is, fraudisque nefandæ
Pœna erit? abreptum crede hunc graviore catena 175
Protinus, et nostro, quid plus velit ira? necari
Arbitrio. Manet illa tamen jactura, nec unquam
Depositum tibi sospes erit: sed corpore truncō
Invidiosa dabit minimus solatia sanguis.
At vindicta bonum vita jucundius ipsa. 180
Nempe hoc indocti, quorum pœcordia nullis
Interdum, aut levibus videoas flagrantia causis.
Quantulacunque adeo est occasio, sufficit iræ.
Chrysippus non dicet idem, nec mite Thaletis
Ingenium, dulcique senex vicinus Hymetto, 185
Qui partem acceptæ sœva inter vincla cicutæ
Accusatori nollet dare. Plurima felix
Paulatim vitia, atque errores exuit omnes
Prima docens rectum sapientia. Quippe minutæ
Semper et infirmi est animi exiguique voluptas 190
Ultio: continuo sic collige, quod vindicta
Nemo magis gaudet, quam fœmina. Cur tamen hos tu
Evasisse putas, quos diri conscia facti
Mens habet attonitos, et surdo verbere cœdit,
Occultum quatiente animo tortore flagellum? 195
Pœna autem vehemens, ac multo sœvior illis,
Quas et Cœditius gravis invenit et Rhadamanthus,

I 2

Nocte

Nocte dieque suum gestare in pectore testem.
 Spartano cuidam respondit Pythia vates;
 Haud impunitum quondam fore, quod dubitaret 200
 Depositum retinere, et fraudem jure tueri
 Jurando: quærebat enim quæ numinis esset
 Mens; et an hoc illi facinus suaderet Apollo.
 Reddidit ergo metu, non moribus; et tamen omnem
 Vocem adyti dignam templo veramque probavit, 205
 Extinctus tota pariter cum prole, domoque,
 Et quamvis longa deductis gente propinquis.
 Has patitur pœnas peccandi sola voluntas.
 Nam, scelus intra se tacitum qui cogitat ullum,
 Facti crimen habet. Cedo, si conata peregit? 210
 Perpetua anxietas, nec mensæ tempore cessat;
 Faucibus ut morbo siccis, interque molares
 Difficili crescente cibo. Sed vina misellus
 Exspuit: Albani veteris pretiosa senectus
 Displacet. Ostendas melius, denissima ruga 215
 Cogitur in frontem, velut acri ducta Falerno.
 Nocte brevem si forte indulxit cura soporem,
 Et toto versata toro jam membra quiescunt,
 Continuo templum, et violati numinis aras,
 Et, quod præcipuis mentem sudoribus urget, 220
 Te videt in somnis. Tua sacra et major imago
 Humana turbat pavidum, cogitque fateri.

Hi sunt qui trepidant, et ad omnia fulgura pallent,
 Cum tonat, exanimes primo quoque murmure cœli;
 Non quasi fortuitus, nec ventorum rabie, sed 225
 Iratus, cadat in terras, et vindicet ignis.
 Illa nihil nocuit, cura graviore timetur
 Proxima tempesta, velut hoc dilata sereno.
 Præterea lateris vigili cum febre dolorem
 Si cœpere pati, missum ad sua corpora morbum 230
 Infesto credunt a numine; saxa Deorum
 Hæc, et tela putant. Pecudem spondere facello
 Balantem, et laribus cristam promittere galli
 Non audent. Quid enim sperare nocentibus ægris
 Concessum? vel quæ non dignior hostiæ vita? 235
 Mobilis et varia est ferme natura malorum.
 Cum scelus admittunt, superest constantia; quid fas
 Atque nefas tandem incipiunt sentire, peractis
 Criminibus. Tamen ad mores natura recurrit
 Damnatos, fixa et mutari nescia. Nam quis 240
 Peccandi finem posuit sibi? quando recepit
 Ejectum semel attrita de fronte ruborem?
 Quisnam hominum est, quem tu contentum videris uno
 Flagitio? dabit in laqueum vestigia noster
 Perfidus, et nigri patietur carceris uncum, 245
 Aut maris Ægæi rupem, scopulosque frequentes
 Exulibus magnis. Pœna gaudebis amara

Nominis invisi; tandemque fatebere latus
Nec surdum, nec Tiresiam, quenquam esse Deorum.

SATYRA XIV.

Plurima sunt, Fuscine, et fama digna sinistra,
Et nitidis maculam ac rugam figentia rebus,
Quæ monstrant ipsis pueris traduntque parentes.
Si damnosa senem juvat alea, ludit et hæres
Bullatus, parvoque eadem movet arma fritillo. 5
Nec de se melius cuiquam sperare propinquo
Concedet juvenis, qui radere tubera terræ,
Boletum condire, et eodem jure natantes
Mergere ficedulas didicit, nebulone parente,
Et cana monstrante gula. Cum septimus annus 10
Transferit puerum, nondum omni dente renato,
Barbatos licet admoveas mille inde magistros,
Hinc totidem, cupiet lauto cœnare paratu
Semper, et a magna non degenerare culina.
Mitem animum, et mores modicis erroribus æquos 15
Præcipit, atque animos servorum, et corpora nostra
Materia constare putat, paribusque elementis;
An sœvire docet Rutilus, qui gaudet acerbo
Plagarum strepitu, et nullam Sirena flagellis
Comparat, Antiphates trepidi laris, ac Polyphemus? 20

Tum

Tum felix, quoties aliquis, tortore vocato,
Uritur ardenti duo propter lintea ferro.
Quid suadet juveni latus stridore catenæ,
Quem mire afficiunt inscripta ergastula, carcer
Rusticus? exspectas ut non sit adultera Largæ 25
Filia, quæ nunquam maternos dicere mœchos
Tam cito, nec tanto poterit contexere cursu,
Ut non ter decies respiret? conscia matri
Virgo fuit: ceras nunc, hac dictante, pusillas
Implet, et ad mœchum dat eisdem ferre cinœdis; 30
Sic natura jubet, Velocius et citius nos
Corrumpunt vitiorum exempla domestica, magnis
Cum subeunt animos auctoribus. Unus et alter
Forsitan hæc spernant juvenes, quibus arte benigna,
E meliore luto finxit præcordia Titan. 35
Sed reliquos fugienda patrum vestigia ducunt,
Et monstrata diu veteris trahit orbita culpæ.
Abstineas igitur damnandis; hujus enim vel
Una potens ratio est, ne crimina nostra sequantur
Ex nobis geniti: quoniam dociles imitandis 40
Turpibus ac pravis omnes sumus; et Catilinam
Quocunque in populo videoas, quocunque sub axe:
Sed nec Brutus erit, Bruti nec avunculus usquam.
Nil dictu fœdum visuque hæc limina tangat,
Intra quæ puer est. Procul hinc, procul inde puellæ

I 4

Le-

Lenonum, et cantus pernoctantis parasiti. 46
 Maxima debetur puerō reverentia. Si quid
 Turpe paras, nec tu pueri contempseris annos:
 Sed peccaturo obſistat tibi filius infans.
 Nam si quid dignum censoris fecerit ira, 50
Quandoquidem similem tibi ſe non corpore tantum
 Nec vultu dederit, morum quoque filius, et cum
 Omnia deterius tua per veſtigia peccet,
 Corripies nimirum, et caſtigabis acerbo
 Clamore, ac post hæc tabulas mutare parabis. 55
 Unde tibi frontem libertatemque parentis,
 Cum facias pejora ſenex, vacuumque cerebro
 Jampridem caput hoc ventoſa cucurbita quærat?
 Hospite venturo, ceſſabit nemo tuorum:
 Verre pavimentum; nitidas oſtende columnas; 60
 Arida cum tota deſcendat aranea tela:
 Hic leve argento, vafa aspera tergeat alter:
 Vox domini fremit instantis, virgamque tenentis.
 Ergo miſer trepidas, ne ſtercore foeda canino
 Atria diſpliceant oculis venientis amici, 65
 Ne perfuſa luto ſit porticus; et tamen uno
 Semodio ſcobis hæc emendaſt fervulus unus.
 Illud non agitas, ut ſanctam filius omni
 Afſpiciat ſine labe domum, vitioque carentem?
 Gratum eſt, quod patriæ civem populoque dediſti, 70

Si

Si facis, ut patriæ fit idoneus, utilis agris,
 Utilis et bellorum, et pacis rebus agendis.
 Plurimum enim intererit quibus artibus, et quibus hunc tu
 Moribus instituas. Serpente ciconia pullos
 Nutrit, et inventa per devia rura lacerta: 75
 Illi eadem ſumptis querunt animalia pennis.
 Vultur, jumento, et canibus, crucibusque relictis,
 Ad foetus properat, partemque cadaveris affert.
 Hic eſt ergo cibus magni quoque vulturis, et ſe
 Pascentis, propria cum jam facit arbore nidos. 80
 Sed leporem, aut capream, famulæ Jovis, et generofæ
 In ſaltu venantur aves, hinc præda cubili
 Ponitur; inde autem, cum ſe matura levarit
 Progenies, stimulante fame, festinat ad illam,
 Quam primum rupto prædam guſtaverat ovo. 85
 Ædificator erat Centronius, et modo curvo
 Litore Caietæ, ſumma nunc Tiburis arce,
 Nunc Prænestinis in montibus, alta parabat
 Culmina villarum, Græcis longeque petitis
 Marmoribus vincens Fortunæ atque Herculis ædem; 90
 Ut ſpadò vincebat Capitolia noſtra Posides.
 Dum ſic ergo habitat Centronius, imminuit rem,
 Fregit opes, nec parva tamen mensura relictæ
 Partis erat; totam hanc turbavit filius amens,
 Dum meliore novas attollit marmore villas. 95

Qui-

Quidam, fortiti metuentem sabbata patrem,
Nil præter nubes, et cœli numen adorant;
Nec distare putant humana carne suillam,
Qua pater abstinuit: mox et præputia ponunt:
Romanas autem soliti contemnere leges, 100
Judaicum ediscunt, et servant, ac metuunt jus,
Tradidit arcano quodcunque volumine Moses;
Non monstrare vias, eadem nisi sacra colent;
Quæsitum ad fontem solos deducere verpos.
Sed pater in causa, cui septima quæque fuit lux 105
Ignava, et partem vitæ non attigit ullam.
Sponte tamen juvenes imitantur cætera: solam
Inviti quoque avaritiam exercere jubentur.
Fallet enim vitium specie virtutis et umbra,
Cum sit triste habitu, vultuque et ueste severum, 110
Nec dubie tanquam frugi laudetur avarus,
Tanquam parcus homo, et rerum tutela suarum
Certa magis, quam si fortunas servet easdem
Hesperidum serpens, aut Ponticus. Adde, quod hunc, de
Quo loquor, egregium populus putat, atque verendum
Artificem; quippe his crescunt patrimonia fabris. 116
Sed crescunt quocunque modo, majoraque fiunt
Incude assidua, semperque ardente camino.
Et pater ergo animi felices credit avaros,
Qui miratur opes, qui nulla exempla beati 120

Pauperis esse putat; juvenes hortatur, ut illam
Ire viam pergant, et eidem incumbere sectæ.
Sunt quædam vitiorum elementa: his protinus illos
Imbuit, et cogit minimas ediscere fordes:
Mox acquirendi docet infatiabile votum. 125
Servorum ventres modio castigat iniquo,
Ipse quoque esuriens: neque enim omnia sustinet un-
Mucida cœrulei panis consumere frusta, [quam
Hesternum solitus medio servare minutal
Septembri, nec non differre in tempora cœnæ 130
Alterius, conchem æstivi cum parte lacerti
Signatam, vel dimidio putrique filuro,
Filaque sectivi numerata includere porri.
Invitaturus ad hæc aliquis de ponte negabit.
Sed quo divitias hæc per tormenta coactas; 135
Cum furor haud dubius, cum sit manifesta phrenesis,
Ut locuples moriaris, egenti vivere fato?
Interea pleno cum turget facculus ore,
Crescit amor nummi, quantum ipsa pecunia crescit:
Et minus hanc optat, qui non habet. Ergo paratur
Altera villa tibi, cum rus non sufficit unum, 141
Et proferre libet fines; majorque videtur
Et melior vicina seges. Mercaris et hanc, et
Arbusta, et densa montem qui canet oliva:
Quorum si pretio dominus non vincitur ullo, 145
Nocte

Nocte boves macri, laffoque famelica collo
 Armenta ad virides hujus mittentur aristas;
 Nec prius inde domum, quam tota novalia s̄evos
 In ventres abeant, ut credas falcibus actum.
 Dicere vix possis, quam multi talia plorent, 150
 Et quot venales injuria fecerit agros.
 Sed qui sermones? quam fœdæ buccina famæ?
Quid nocet hæc, inquit. Tunicam mihi malo lupini,
Quam si me toto laudet vicinia pago
 Exigui ruris paucissima farra secantem. 155
 Scilicet et morbis et debilitate carebis,
 Et luctum et curam effugies, et tempora vitæ
 Longa tibi post hæc fato meliore dabuntur;
 Si tantum culti solus possederis agri,
Quantum sub Tatio populus Romanus arabat. 160
 Mox etiam fractis ætate, ac Punica passis
 Prælia, vel Pyrrhum immanem, gladiosque Molossos,
 Tandem pro multis vix jugera bina dabantur
 Vulneribus. Merces ea sanguinis atque laboris
 Nullis visa unquam meritis minor, aut ingratæ 165
 Curta fides patriæ. Saturabat glebula talis
 Patrem ipsum, turbamque casæ, qua fœta jacebat
 Uxor, et infantes ludebant quatuor, unus
 Vernula, tres domini: sed magnis fratribus horum
 A scrobe vel fulco redeuntibus, altera cœna 170

Am-

Amplior, et grandes fumabant pulibus ollæ.
 Nunc modus hic agri nostro non sufficit horto.
 Inde fere scelerum causæ, nec plura venena
 Miscuit, aut ferro graffatur s̄apius ullum
 Humanæ mentis vitium, quam s̄eva cupidio 175
 Immodici census: nam dives qui fieri vult,
 Et cito vult fieri. Sed quæ reverentia legum;
Quis metus, aut pudor est unquam properantis avari?
 Vivite contenti casulis, et collibus istis,
 O pueri, Marsus dicebat et Hernicus olim, 180
 Vestinusque senex: panem quæramus aratro,
Qui satis est mensis: laudant hoc numina ruris,
Quorum ope et auxilio, gratæ post munus aristæ,
 Contingunt homini veteris fastidia quercus.
 Nil vetitum fecisse volet, quem non pudet alto 185
 Per glaciem perone tegi, qui summovet euros
 Pellibus inversis. Peregrina ignotaque nobis
 Ad scelus atque nefas, quæcumque est, putpura dicit.
 Hæc illi veteres præcepta minoribus: at nunc
 Post finem autumni media de nocte supinum 190
 Clamosus juvenem pater excitat; accipe ceras,
 Scribe puer, vigila, causas age, perlege rubras
 Majorum leges, aut vitem posce libello.
 Sed caput intactum buxo, naresque pilosas
 Adnotet, et grandes miretur Lælius alas. 195

Dirue

Dirue Maurorum attegias, castella Brigantum,
 Ut locupletem aquilam tibi sexagesimus annus
 Afferat: aut, longos castrorum ferre labores
 Si piget, et trepidum solvunt tibi cornua ventrem
 Cum lituis audita, pares quod vendere possis 200
 Pluris dimidio, nec te fastidia mercis
 Ullius s̄ubeant ablegandæ Tiberim ultra:
 Neu credas ponendum aliquid discriminis inter
 Unguenta et corium. Lucri bonus est odor ex re
 Qualibet. Illa tuo sententia semper in ore 205
 Versetur, D̄is atque ipso Jove digna, poëtæ.
 Unde habeas quærit nemo; sed oportet habere.
 Hoc monstrant vetulæ pueris poscentibus assēm;
 Hoc discunt omnes ante alpha et beta puellæ.
 Talibus instantem monitis, quemcunque parentem
 Sic possem affari: dic, ô vanissime, quis te 210
 Festinare jubet? meliorem præsto magistro
 Discipulum. Securus abi; vinceris, ut Ajax
 Præteriit Telamonem, ut Pelea vicit Achilles.
 Parcendum est teneris; nondum implevere medullas
 Nativæ mala nequitiæ. Cum peccere barbam 215
 Cœperit, et longi mucronem admittere cultri,
 Falsus erit testis, vendet perjuria summa
 Exigua, et Cereris tangens aramque pedemque.
 Elatam jam crede nurum, si limina vestra 220

Mor-

Mortifera cum dote subit. Quibus illa premetur
 Per somnum digitis! nam, quæ terraque marique
 Acquirenda putas, brevior via conferet illi.
 Nullus enim magni sceleris labor. Hæc ego nunquam
 Mandavi, dices olim, nec talia suasi: 225
 Mentis causa malæ tamen est et origo penes te.
 Nam quisquis magni censuſ præcepit amorem,
 Et lævo monitu pueros producit avaros,
 Et qui per fraudes patrimonia conduplicare
 Dat libertatem, et totas effundit habenas 230
 Curriculo; quem si revokes, subfistere nescit,
 Et te contempto rapitur, metisque relictis.
 Nemo satis credit tantum delinquere, quantum
 Permittas: adeo indulgent fibi latius ipsi.
 Cum dicis juveni stultum, qui donet amico, 235
 Qui paupertatem levet attollatque propinqui;
 Et spoliare doces, et circumscribere, et omni
 Crimine divitias acquirere, quarum amor in te est,
 Quantus erat patriæ Deciorum in pectore, quantum
 Dilexit Thebas, si Græcia vera, Menœceus; 240
 In quarum fulcis legiones dentibus anguis
 Cum clypeis nascuntur, et horrida bella capeſſunt
 Continuo, tanquam et tubicen surrexerit una.
 Ergo ignem, cuius scintillas ipſe dedisti,
 Flagrantem late, et rapientem cuncta videbis:

Nec

Nec tibi parcerit misero, trepidumque magistrum
In cavea magno fremitu leo tollet alumnus.
Nota mathematicis genesis tua: sed grave tardas
Exspectare colos. Morieris, stamine nondum
Abrupto. Jam nunc obstas, et vota moraris; 250
Jam torquet juvenem longa et cervina senectus.
Ocyus Archigenem quare, atque eme quod Mithridates
Composuit, si vis aliam decerpere ficum,
Atque alias tractare rosas. Medicamen habendum est,
Sorbere ante cibum quod debeat et pater, et rex. 255
Monstro voluptatem egregiam, cui nulla theatra,
Nulla æquare queas prætoris pulpita lauti,
Si spectes quanto capitibus discriminis constent
Incrementa domus, ærata multus in arca
Fiscus, et ad vigilem ponendi Castora nummi, 260
Ex quo Mars Ultor galeam quoque perdidit, et res
Non potuit servare suas. Ergo omnia Floræ,
Et Cereris licet, et Cybeles aulæa relinquas;
Tanto majores humana negotia ludi.
An magis oblectant animum jactata petauro 265
Corpora, quique solent rectum descendere funem,
Quam tu, Corycia semper qui puppe moraris
Atque habitas, coro semper tollendus et austro,
Perditus, ac vilis facci mercator olentis;
Qui gaudes pingue antiquæ de littore Cretæ 270

A. PERSII FLACCI
VIT A.

AULUS Persius Flaccus natus est Volaterris in Hetruria, Fab. Persico, et L. Vitellio Cos. circa vicesimum Imperii Tiberii Cæsaris annum, a Christo passo fere secundum, patre Flacco Equite Romano, quem sexennis amisit, matre Fulvia Sennia, in quam pietate fuit insigni, quemadmodum et erga sorores; illud initio Satyræ sextæ fuius declaratur, ad v. 6. verba hæc, *mibi nunc Ligus ora intepet*. Cum annorum esset duodecim venit Romam, ubi Remmum Palæmonem Grammaticum audivit, Rhetorem vero Virginium Flavium, aliis Flaccum. Annos natus sexdecim operam dedit Annæo Cornuto Stoicæ Philosophiæ antesignano, quem etiam mirifice coluit, ab ipso pariter amatus, ut patet ex Satyra quinta. *Quin* et ei legavit non mediocrem nummorum copiam, nimirum festertia centum, aut sicut alii volunt, argenti facti pondo viginti, præter Bibliothecam suam, in qua numerant aliqui libros Chrysippi septingentos. At Cornutus hos quidem accepit, pecuniam autem reliquit Persi sororibus, quas hæredes ille fecerat. Obiit ex stomachi vitio, in ipso ætatis flore, anno scilicet vigesimo octavo, aut non multo secus, et imperii Neronis circiter octavo, quicquid alii dicant, ipseque Hieronymus quod egregie, ut omnia, Casaubonus observat. Fuisse revera Persium, ut Probus refert, verecundia virginali,

ginali, animo sincero, impense eruditio, acri certe et vitiorum impatienti, et Lucilii et Horatii imitatem affiduum, probant satis ejus Satyræ doctrina refertæ et Stoam sapientes. De his porro id notandum, in antiquis membranis sine ulla distinctione aliquando reperiri, quasi liber esset unus et continuus, quod et agnoscunt Priscianus, Quintilianus, aliique, dum non quidem Satyras Persii, sed librum appellant. In quibusdam tamen, Satyræ duntaxat quinque numerantur, quarta ad tertiam adjuncta. Scripsérat juvenis, inquit, Praetextam fabulam, ὄδοιποριῶν, librum unum, et alia quæpiam, ut aiunt veteres Glossæ: sed abolevit ea Fulvia mater, ex confilio Cornuti Præceptoris, qui etiam Satyras, antequam ederentur, recensuit.

Ceterum quanquam videtur Persius noluisse intelligi atque adeo debere negligi, ut aiebat D. Ambrosius, at quod ait magnus Scaliger, jam a nobis intelligitur, neque proinde negligendus a quanquam. Ecce enim ita laudatus fuisset a summis viris ille, si nec legi dignus esset? Testes sint Euseb. D. Hieron. S. August. Lactant. Quintilian. et alii prope innumeri; ex Poetis autem Lucanus qui pariter, ut Persius, Cornuti auditor fuit, ejus autem Poemata nunquam sine admiratione et præconiis recitari audiebat, ut affirmat vetus interpres, quin exclamaret, hæc vera esse Poemata. Martialis autem posteritati consignavit Persii memoriam his versibus:

*Sæpius in libro memoratur Persius uno,
Quam levis in tota Marsus Amazonide.*

A U L I

P E R S I I F L A C C I

S A T Y R A E S E X .

P R O L O G U S .

N EC fonte labra prolui caballino:
Nec in bicipiti somniaffe Parnasso
Memini, ut repente sic Poëta prodirem.
Heliconiadasque, pallidamque Pirenæ
Illis remitto, quorum imagines lambunt
Hederæ sequaces. Ipse semipaganus
Ad sacra vatuum carmen affero nostrum.
Quis expedivit psittaco suum XAIPE,
Picasque docuit nostra verba conari?
Magister artis ingenîque largitor
Venter, negatas artifex sequi voces.
Quod si dolosi spes refulserit nummi,
Corvos poëtas et poëtrias picas
Cantare credas Pegaseum melos.

5

10

SATYRA I.

O Curas hominum! ô quantum est in rebus inane!
 Quis leget hæc? min' tu istud ais? nemo hercule.
 Nemo?
 Vel duo, vel nemo. Turpe, et miserabile. quare?
 Ne mihi Polydamas, et Troïades Labeonem
 Prætulerint. Nugæ. Non, si quid turbida Roma 5
 Elevet, accedas: examenve improbum in illa
 Castiges trutina: nec te quæsiveris extra.
 Nam Romæ quis non? ah, si fas dicere! sed fas
 Tunc cum ad canitatem nostrum istud vivere triste
 Aspexi, et nucibus facimus quæcumque relictis 10
 Cum sapimus patruos, tunc, tunc ignoscite. Nolo.
Quid faciam? sed sum petulant splene cachinno.
 Scribimus inclusi, numeros ille, hic pede liber,
 Grande aliquid, quod pulmo animæ prælargus anhelet.
 Scilicet hæc populo, pexusque, togaque recenti, 15
 Et natalitia tandem cum sardonyche albus,
 Sede leges celsa, liquido cum plasmate guttur
 Mobile collueris, patranti fractus ocello.
 Hic neque more probo videoas, neque voce serena
 Ingentes trepidare Titos, cum carmina lumbum 20
 Intrant, et tremulo scalpuntur ubi intima versu.
 Tun', vetule, auriculis alienis colligis escas?

Auriculis,



P.S.I.J.

Auriculis, quibus et dicas cute perditus, ohe!
 Quo didicisse, nisi hoc fermentum, et quæ semel intus
 Innata est, rupto jecore exierit caprificus? 25
 En pallor, seniumque! o mores! usque adeone
 Scire tuum nihil est, nisi te scire hoc sciat alter?
 At pulcrum est digito monstrari, et dicier hic est.
 Ten' cirratorum centum dictata fuisse,
 Pro nihilo pendas? ecce inter pocula querunt 30
 Romulidae saturi, quid dia poemata narrent.
 Hic aliquis, cui circum humeros hyacinthina læna est,
 Rancidulum quiddam balba de nare locutus;
 Phylidas, Hypsipylas, vatum et plorable si quid,
 Eliquat, et tenero supplantat verba palato. 35
 Affensere viri: nunc non cinis ille poëtae
 Felix? non levior cippus nunc imprimit ossa?
 Laudant convivæ: nunc non e manibus illis,
 Nunc non e tumulo fortunataque favilla
 Nascentur violæ? rides, ait, et nimis uncis 40
 Naribus indulges. An erit, qui velle recuset
 Os populi meruisse: et cedro digna locutus,
 Linquere nec scombros metuentia carmina nec thus?
 Quisquis es ô, modo quem ex adverso dicere feci,
 Non ego, cum scribo, si forte quid aptius exit, 45
 Quando hæc rara avis est, si quid tamen aptius exit,
 Laudari metuam: neque enim mihi cornea fibra est.

Sed recti finemque extremumque esse recuso
 Euge tuum, et belle: nam belle hoc excute totum,
Quid non intus habet? non hic est Ilias Acci 50
 Ebria veratro: non, si qua elegidia crudi
 Dictarunt proceres; non quicquid denique lectis
 Sribitur in citreis. Calidum scis ponere sumen:
 Scis comitem horridulum trita donare lacerna:
 Et verum, inquis, amo; verum mihi dicite de me. 55
Qui pote? vis dicam? nugaris, cum tibi, calve,
 Pinguis aqualiculus propenso fesquipedē exstet.
O Jane, a tergo quem nulla ciconia pinxit,
 Nec manus auriculas imitata est mobilis albas;
 Nec linguae, quantum fitiat canis Appula, tantum. 60
 Vos ô patricius sanguis, quos vivere fas est
 Occipi coeco, posticæ occurrite fannæ.
Quis populi sermo est? quis enim, nisi carmina molli
 Nunc demum numero fluere, ut per leve severos
 Effundat junctura unguis? scit tendere versum 65
 Non secus, ac si oculo rubricam dirigat uno:
 Sive opus in mores, in luxum, et prandia regum,
 Dicere, res grandes nostro dat musa poëtæ.
 Ecce modo heroas sensus afferre videmus
 Nugari solitos Græce, nec ponere lucum 70
 Artifices, nec rus saturum laudare, ubi corbes,
 Et focus, et porci, et fumosa Palilia fœno:

Unde

Unde Remus, fulcoque terens dentalia, Quinti,
 Cum trepida ante boves Dictatorem induit uxor,
 Et tua aratra domum lictor tulit. Euge poëta; 75
 Est nunc, Briseï quem venosus liber Acci,
 Sunt, quos Pacuviusque, et verrucosa moretur
 Antiopa, ærumnis cot luctificabile fulta.
 Hos pueris monitus patres infundere lippos
 Cum videas, quærifne, unde hæc fartago loquendi 80
 Venerit in linguas? unde istud dedecus, in quo
 Troffulus exultat tibi per subsellia levis?
 Nilne pudet capiti non posse pericula cano
 Pellere, quin tepidum hoc optes audire, decenter?
 Fur es, ait Pedio. Pedius quid? crimina rasis 85
 Librat in antithetis: doctus posuisse figuræ
 Laudatur. Bellum hoc: hoc bellum? an Romule ceves?
 Men' moveat? quippe et cantet si naufragus, assēm
 Protulerim? cantas, cum fracta te in trabe pictum
 Ex humero portes? verum, nec nocte paratum, 90
 Plorabit, qui me volet incurvasse querela.
 Sed numeris decor est, et junctura addita crudis.
 Claudere sic versum didicit; Berecynthius Atys,
 Et qui cœruleum dirimebat Nerea delphin.
 Sic costam longo subduximus Appennino. 95
 Arma virum: nonne hoc spumosum, et cortice pingui?
 Ut ramale vetus prægrandi subere coctum.

L 4

Quidnam

Quidnam igitur tenerum, et laxa cervice legendum?
 Torva Mimalloneis implerunt cornua bombis,
 Et raptum vitulo caput ablatura superbo 100
 Bassaris, et lyncem Mænas flexura corymbis,
 Evion ingeminat: reparabilis adsonat echo.
 Hæc fierent, si testiculi vena ulla paterni
 Viveret in nobis? summa delumbe saliva
 Hoc natat in labris; et in udo est Mænas, et Atys: 105
 Nec pluteum cædit, nec demorsos sapit unguis.
 Sed quid opus teneras mordaci radere vero
 Auriculas? vide sis, ne majorum tibi forte
 Limina frigescant; sonat hic de nare canina
 Litera. Per me equidem sint omnia protinus alba. 110
 Nil moror: euge, omnes, omnes, bene miræ eritis res,
 Hoc juvat: hic, inquis, veto quisquam faxit oletum.
 Pingue duos angues: pueri, facer est locus, extra
 Mejite. Discedo. Secuit Lucilius urbem,
 Te Lupe, te Muti, et genuinum fregit in illis. 115
 Omne vafer vitium ridenti Flaccus amico
 Tangit; et admissus circum præcordia ludit,
 Callidus excusso populum suspendere naso.
 Men' mutire nefas, nec clam, nec cum scrobe, nusquam?
 Hic tamen infodiam: vidi, vidi ipse, libelle: 120
 Auriculas asini quis non habet? hoc ego opertum,
 Hoc ridere meum tam nil, nulla tibi vendo

Iliade,

Iliade. Audaci quicunque afflate Cratino,
 Iratum Eupolidem prægrandi cum sene palles,
 Aspice et hæc, si forte aliquid decoctius audis: 125
 Inde vaporata lector mihi ferreat aure.
 Non hic, qui in crepidas Graiorum ludere gestit,
 Sordidus; et lusco qui possit dicere, lusce;
 Seſe aliquem credens, Italo quod honore supinus,
 Fregerit heminas Areti Ædilis iniquas: 130
 Nec qui abaco numeros, et secto in pulvere metas
 Scit risisse vafer, multum gaudere paratus,
 Si Cynico barbam petulans Nonaria vellat.
 His mane edictum, post prandia Callirhoen do.

SATYRA II.

HUNC, Macrine, diem numera meliore lapillo,
 Qui tibi labentes apponit candidus annos.
 Funde merum genio: non tu prece poscis emaci,
 Quæ nisi seductis nequeas committere Divis.
 At bona pars procerum tacita libabit acerra. 5
 Haud cuivis promptum est, murmurque humilesque
 Tollere de templis, et aperto vivere voto. [fusurros
 Mens bona, fama, fides, hæc clare, et ut audiat hospes;
 Illa sibi introrsum, et sub lingua immurmurat: ô si
 Ebullit patrui præclarum funus! et ô si 10
 Sub

Sub rastro crepet argenti mihi seria, dextro
 Hercule! pupillumve utinam, quem proximus hæres
 Impello, expungam! namque est scabiosus, et acri
 Bile tumet. Nerio jam tertia ducitur uxor:
 Hæc sancte ut poscas, Tyberino in gurgite mergis 15
 Mane caput bis terve, et noctem flumine purgas.
 Heus, age responde: minimum est quod scire laboro.
 De Jove quid sentis? estne, ut præponere cures
 Hunc cuiquam? cuinam? vis Staio? an scilicet hæres,
 Quis potior judex, puerisve quis aptior orbis? 20
 Hoc igitur, quo tu Jovis aurem impellere tentas,
 Dic agendum Staio. Proh Jupiter! ô bone, clamet,
 Jupiter! at fese non clamet Jupiter ipse?
 Ignovisse putas, quia cum tonat, ocyus ilex
 Sulphure discutitur sacro, quam tuque domusque? 25
 An quia non, fibris ovium Ergennaque jubente,
 Triste jaces lucis, evitandumque bidental,
 Idcirco stolidam præbet tibi vellere barbam
 Jupiter? aut quidnam est, qua tu mercede Deorum
 Emeris auriculas? pulmone, et lactibus unctis? 30
 Ecce avia, aut metuens Divum matertera, cunis
 Exemit puerum, frontemque atque uda labella
 Infami digito, et lustralibus ante salivis
 Expiat, urentes oculos inhibere perita.
 Tunc manibus quatit, et spem macram supplice voto, 35

Nunc

Nunc Licini in campos, nunc Craffi mittit in ædes.
 Hunc optent generum rex et regina: puellæ
 Hunc rapiant: quicquid calcaverit hic, rosa fiat.
 Ast ego nutrici non mando vota; negato
 Jupiter hæc illi, quamvis te albata rogarit. 40
 Poscis opem nervis, corpusque fidele senectæ:
 Esto, age: sed grandes patinæ, tucetaque craffa
 Annuere his superos vetuere, Jovemque morantur.
 Rem struere exoptas cæso bove, Mercuriumque
 Arcessis fibra. Da fortunare penates, 45
 Da pecus, et gregibus foetum. Quo, pessime, pacto,
 Tot tibi cum in flammis junicum omenta liquecant?
 Attamen hic extis et opimo vincere farto
 Intendit. Jam crescit ager, jam crescit ovile,
 Jam dabitur, jam jam; donec deceptus, et exspes 50
 Nequicquam fundo suspireret nummus in imo.
 Si tibi crateras argenti, incusaque pingui
 Auro dona feram, fudes, et pectore lævo
 Executias guttas, lætari prætrepidum cor;
 Hinc illud fubiit, auro sacras quod ovato 55
 Perducis facies: nam fratres inter ahenos,
 Somnia pituita qui purgatissima mittunt,
 Præcipui sunto, fitque illis aurea barba.
 Aurum vase Numæ, Saturniaque impulit æra,
 Vestalesque urnas, et Thuscum fictile mutat. 60

O

O curvæ in terras animæ, et cœlestium inanes!
 Quid juvat hoc, templis nostros immittere mores,
 Et bona Dîs ex hac scelerata ducere pulpa?
 Hæc fibi corrupto casiam dissolvit olivo;
 Hæc Calabrum coxit vitiato murice vellus; 65
 Hæc baccam conchæ rafisse, et stringere venas
 Ferventis massæ crudo de pulvere, jusfit.
 Peccat et hæc, peccat; vitio tamen utitur. At vos,
 Dicite pontifices, in sacris quid facit aurum?
 Nempe hoc, quod Veneri donatæ a virginе puppæ. 70
 Quin damus id superis, de magna quod dare lance
 Non possit magni Messalæ lippa propago;
 Compositum jus, fasque animi, sanctosque recessus
 Mentis, et incoctum generoso pectus honesto?
 Hæc cedo ut admoveam templis, et farre litabo. 75

SATYRA III.

NEMPE hoc assidue? jam clarum mane fenestras
 Intrat, et angustas extendit lumine rimas.
 Stertimus, indomitum quod despumare Falernum
 Sufficiat, quinta dum linea tangitur umbra.
 En quid agis? siccias infana canicula messes 5
 Jamdudum coquit, et patula pecus omne sub ulmo est,
 Unus ait comitum. Verumne? itane? ocyus adsit

Huc

Huc aliquis. nemon? turgescit vitrea bilis:
 Finditur: Arcadiæ pecuaria rudere credas.
 Jam liber, et bicolor positis membrana capillis, 10
 Inque manus chartæ, nodosaque venit arundo.
 Tum queritur, crassus calamo quod pendeat humor;
 Nigra quod infusa vanescat sepia lympha;
 Dilutas queritur geminet quod fistula guttas.
 O miser! inque dies ultra miser! huicce rerum 15
 Venimus? at cur non potius, teneroque columbo
 Et similis regum pueris, pappare minutum
 Poscis, et iratus mammæ lallare recusas?
 An tali studeam calamo? cui verba? quid istas
 Succinis ambages? tibi luditur. Effluis amens; 20
 Contemnere. Sonat vitium percussa, maligne
 Respondet, viridi non cocta fidelia limo.
 Udum et mollelutum es; nunc nunc properandus, et acri
 Fingendus fine fine rota. Sed rure paterno
 Est tibi far modicum, purum et fine labe salinum. 25
 Quid metuas? cultrixque foci secura patella est.
 Hoc satis? an deceat pulmonem rumpere ventis,
 Stemmate quod Thusco ramum millesime ducis;
 Censoremve tuum vel quod trabeate salutas?
 Ad populum phaleras: ego te intus et in cute novi. 30
 Non pudet ad morem discincti vivere Nattæ?
 Sed stupet hic vitio, et fibris increvit opimum

Pingue;

Pingue; caret culpa; nescit quid perdat, et alto
Demersus, summa rursus non bullit in unda.

Magne pater divum fævos punire tyrannos 35

Haud alia ratione velis, cum dira libido

Moverit ingenium, ferventi tincta veneno:

Virtutem videant, intabescantque relicta.

Anne magis Siculi gemuerunt æra juvenci?

Aut magis auratis pendens laquearibus ensis 40

Purpureas subter cervices terruit; imus,

Imus præcipites, quam si sibi dicat, et intus

Palleat infelix, quod proxima nesciat uxor?

Sæpe oculos, memini, tangebam parvus olivo,

Grandia si nollem morituri verba Catonis 45

Discere, ab insano multum laudanda magistro,

Quæ pater adductis sudans audiret amicis.

Jure etenim id summum, quid dexter senio ferret,

Scire erat in votis, damnosa canicula quantum

Raderet, angustæ collo non fallier orcæ;

50

Neu quis callidior buxum torquere flagello.

Haud tibi inexpertum curvos deprendere mores,

Quæque docet sapiens braccatis illita Medis

Porticus, insomnis quibus et detonsa juventus

Invigilat, filiquis et grandi pasta polenta.

55

Et tibi quæ Samios diduxit litera ramos,

Surgentem dextro monstravit limite callem.

Stertis

Stertis adhuc? laxumque caput, compage soluta,
Oscitat hesternum, dissutis undique malis?

Est aliquid quo tendis, et in quod dirigis arcum? 60

An passim sequeris corvos testaque lutoque,

Securus quo pes ferat, atque ex tempore vivis?

Helleborum frustra, cum jam cutis ægra tumebit,

Poscentes videas. Venienti occurrite morbo:

Et quid opus Cratero magnos promittere montes? 65

Discite, ô miseri, et causas cognoscite rerum,

Quid sumus, et quidnam viæturi gignimur; ordo

Quis datus; aut metæ qua mollis flexus, et unde;

Quis modus argento; quid fas optare; quid asper

Utile nummus habet; patriæ, charisque propinquis 70

Quantum elargiri deceat; quem te Deus esse

Jus sit, et humana qua parte locatus es in re

Disce; neque invideas, quod multa fidelia putet

In locuplete penu, defensis pinguibus Umbris;

Et piper, et pernæ, Marsi monumenta clientis,

75

Mœnaque, quod prima nondum defecerit orca.

Hic aliquis de gente hircosa centurionum

Dicat: quod satis est, sapio mihi; non ego curo

Esse quod Arcefidas, ærumnosique Solones,

Obstipo capite, et figentes lumine terram,

80

Murmura cum secum et rabiosa silentia rodunt,

Atque exorrecto trutinantur verba labello,

Ægroti

Ægroti veteris meditantes somnia : gigni
 De nihilo nihil, in nihilum nil posse reverti.
 Hoc est quod palles? cur quis non prandeat, hoc est? 85
 His populus ridet; multumque torosa juventus
 Ingeminat tremulos naso crispante cachinnos.
 Inspice; nescio quid trepidat mihi pectus, et ægris
 Faucibus exspirat gravis halitus; inspice fodes,
 Qui dicit medico, jussus requiescere, postquam 90
 Tertia compositas vidit nox currere venas,
 De majore domo modicum fitiente lagena,
 Lenia loturo sibi Surrentina rogavit.
 Heus bone, tu palles. Nihil est. Videas tamen istud,
 Quicquid id est: surgit tacite tibi lutea pellis. 95
 At tu deterius palles: ne sis mihi tutor:
 Jampridem hunc sepeli: tu restas. Perge, tacebo.
 Turgidus hic epulis, atque albo ventre lavatur,
 Guttura sulfureas lente exhalante Mephites.
 Sed tremor inter vina subit, calidumque trientem 100
 Excutit e manibus: dentes crepuere retecti:
 Uncta cadunt laxis tunc pulmentaria labris.
 Hinc tuba, candelæ: tandemque beatulus alto
 Compositus lecto, crassisque lutatus amomis,
 In portam rigidos calces extendit: at illum 105
 Hesterni capite induito subiere Quirites.
 Tange miser, venas, et pone in pectori dextram:

Nil

Passum, et municipes Jovis advexisse lagenas?
 Hic tamen ancipi figens vestigia planta
 Victum illa mercede parat, brumamque, famemque
 Illa restat: tu propter mille talenta, 275
 Et centum villas temerarius. Aspice portus,
 Et plenum magnis trabibus mare: plus hominum est jam
 In pelago. Veniet classis, quounque vocârit
 Spes lucri; nec Carpathium, Gætulaque tantum
 Æquora transfiliet: sed longe Calpe relicta, 280
 Audiet Herculeo stridentem gurgite solem.
 Grande operæ pretium est, ut tenso folle reverti
 Inde domum possis, tumidaque superbus aluta
 Oceani monstra, et juvenes vidisse marinos.
 Non unus mentes agitat furor. Ille fororis
 In manibus vultu Eumenidum terretur et igni; 285
 Hic, bove percusso, mugire Agamemnona credit,
 Aut Ithacum. Parcat tunicis licet atque lacernis,
 Curatoris eget, qui navem mercibus implet
 Ad summum latus, et tabula distinguitur unda;
 Cum sit causa malii tanti et discriminis hujus, 290
 Concisum argentum in titulos faciesque minutus.
 Occurrunt nubes et fulgura; solvite funem,
 Frumenti dominus clamat, piperisque coëmpti.
 Nil color hic cœli, nil fascia nigra, minatur:
 Æstivum tonat. Infelix, hac forsitan ipsa 295

K

Nocte

146 JUVENALIS SATYRA XIV.

Nocte cadet fractis trabibus, fluctuque premetur
Obrutus, et zonam læva morsuque tenebit.
Sed cuius votis modo non sufficerat aurum,
Quod Tagus et rutila volvit Paetolus arena,
Frigida sufficient velantes inguina panni, 300
Exiguusque cibus, mersa rate naufragus assēm
Dum rogat, et picta se tempestate tuetur.
Tantis parta malis, cura majore metuque
Servantur. Misera est magni custodia census.
Dispositis prædives hamis vigilare cohortem 305
Servorum noctu Licinus jubet, attonitus pro
Electro, signisque suis, Phrygiaque columna,
Atque ebore, et lata testudine. Dolia nudi
Non ardent Cynici: si fregeris, altera fiet
Cras domus; aut eadem plumbo commissa manebit. 310
Censit Alexander, testa cum vidi in illa
Magnum habitatorem, quanto felicior hic qui
Nil cuperet, quam qui totum sibi posceret orbem,
Passurus gestis æquanda pericula rebus.
Nullum numen habes, si sit prudentia; sed te 315
Nos facimus, Fortuna, Deam. Mensura tamen quæ
Sufficiat census, si quis me consulat, edam:
In quantum fitis, atque fames, et frigora poscunt:
Quantum, Epicure, tibi parvis suffecit in hortis:
Quantum Socratici ceperunt ante penates. 320

Nunquam

JUVENALIS SATYRA XV.

147

Nunquam aliud natura, aliud sapientia, dicit.
Acribus exemplis videor te cludere: misce
Ergo aliquid nostris de moribus: effice summam
Bis septem ordinibus, quam lex dignatur Othonis.
Hæc quoque si rugam trahit, extenditque labellum; 325
Sume duos equites, fac tertia quadringenta.
Si nondum implevi gremium, si panditur ultra:
Nec Crœsi fortuna unquam, nec Persica regna
Sufficient animo, nec divitiæ Narcissi,
Indulxit Cæsar cui Claudius omnia, cuius 330
Paruit imperiis uxorem occidere jussus.

SATYRA XV.

QUIS nescit, Volusi Bithynice, qualia demens
Ægyptus portenta colat? Crocodilon adorat
Pars hæc: illa pavet saturam serpentibus Ibis.
Effigies sacri nitet aurea cercopitheci,
Dimidio magicæ resonant ubi Memnone chordæ, 5
Atque vetus Thebe centum jacet obruta portis.
Illic cœruleos, hic piscem fluminis, illic
Oppida tota canem venerantur, nemo Dianam.
Porrum et cepe nefas violare, ac frangere morsu.
O sanctas gentes, quibus hæc nascuntur in hortis 10
Numina! lanatis animalibus abstinet omnis

K 2

Mensa.

Mensa. Nefas illic fœtum jugulare capellæ;
 Carnibus humanis vesci licet. Attonito cum
 Tale super cœnam facinus narraret Ulysses
 Alcinoo, bilem aut risum fortasse quibusdam 15
 Moverat, ut mendax areatalogus. In mare nemo
 Hunc abicit, sœva dignum veraque Charybdi,
 Fingentem immanes Læstrygonas atque Cyclopas?
 Nam citius Scyllam, vel concurrentia saxa
 Cyanæ, plenos et tempestatibus utres 20
 Crediderim, aut tenui percussum verbere Circes,
 Et cum remigibus grunnisse Elpenora porcis.
 Tam vacui capitï populum Phæaca putavit?
 Sic aliquis merito nondum ebrius, et minimum qui
 De Corcyrae temetum duxerat urna. 25
 Solus enim hoc Ithacus nullo sub teste canebat.
 Nos miranda quidem, sed nuper, consule Junio
 Gestæ, super calidæ referemus mœnia Copti;
 Nos vulgi scelus et cunctis graviora cothurnis. 29
 Nam scelus a Pyrrha, quanquam omnia syrmata volvas,
 Nullus apud Tragicos populus facit. Accipe nostro
 Dira quod exemplum feritas produxerit ævo.
 Inter finitimos vetus atque antiqua simultas,
 Immortale odium, et nunquam sanabile vulnus
 Ardet adhuc, Ombos et Tentyra. Summus utrinque 35
 Inde furor vulgo, quod numina vicinorum

Odit

Odit uterque locus; cum solos credat habendos
 Esse Deos, quos ipse colit. Sed tempore festo
 Alterius populi rapienda occasio cunctis
 Visa inimicorum primoribus ac ducibus; ne 40
 Lætum hilaremque diem, ne magnæ gaudia cœnæ
 Sentirent, positis ad templa et compita mensis,
 Pervigilique toro, quem nocte ac luce jacentem
 Septimus interdum sol invenit. Horrida sane
 Ægyptus: sed luxuria, quantum ipse notavi, 45
 Barbara famoso non cedit turbæ Canopo.
 Adde quod et facilis viætoria de madidis et
 Blæfis, atque mero titubantibus. Inde virorum
 Saltatus nigro tibicine, qualiacunque
 Unguenta, et flores, multæque in fronte coronæ: 50
 Hinc jejunum odium. Sed jurgia prima sonare
 Incipiunt animis ardentibus: hæc tuba rixæ.
 Dein clamore pari concurritur, et vice teli
 Sævit nudæ manus: paucæ sine vulnere malæ:
 Vix cuiquam aut nulli toto certamine nasus 55
 Integer. Aspiceres jam cuncta per agmina vultus
 Dimidios, alias facies, et hiantia ruptis
 Osse genis, plenos oculorum sanguine pugnos.
 Ludere se credunt ipsi tamen, et pueriles
 Exercere acies, quod nulla cadavera calcent. 60
 Et sane quo tot rixantis millia turbæ,

K. 3

Si

Si vivunt omnes? ergo acrior impetus, et jam
 Saxa inclinati per humum quæsita lacertis
 Incipiunt torquere, domestica seditione
 Tela; nec hunc lapidem, quales et Turnus, et Ajax;
 Vel quo Tydides percussit pondere coxam 66
 Æneæ; sed quem valeant emittere dextræ
 Illis dissimiles, et nostro tempore natæ:
 Nam genus hoc vivo jam decrescebat Homero.
 Terra malos homines nunc educat, atque pusillos. 70
 Ergo Deus quicunque aspergit, ridet et odit.
 A diverticulo repetatur fabula. Postquam
 Subsidiis aucti, pars altera promere ferrum
 Audet, et infestis pugnam instaurare sagittis.
 Terga fugæ celeri præstantibus omnibus instant 75
 Qui vicina colunt umbrosæ Tentyræ palmæ.
 Labitur hic quidam, nimia formidine cursum
 Præcipitans, capiturque: ast illum in plurima sectum
 Frusta ac particulas, ut multis mortuus unus
 Sufficeret, totum corrosis ossibus edit 80
 Viætrix turba; nec ardenti decoxit aheno,
 Aut verubus: longum usque adeo, tardumque putavit
 Exspectare focos, contenta cadavere crudo.
 Hinc gaudere libet, quod non violaverit ignem,
 Quem summa cœli raptum de parte Prometheus 85
 Donavit terris. Elemento gratulor, et te

Exultare

Exultare reor. Sed qui mordere cadaver
 Sustinuit, nihil unquam hac carne libentius edit.
 Nam scelere in tanto ne quæras, et dubites, an
 Prima voluptatem gula senserit. Ultimus autem 90
 Qui stetit, absumpto jam toto corpore, ductis
 Per terram digitis, aliquid de sanguine gustat.
 Vascones, ut fama est, alimentis talibus usi
 Pröduxerè animas: sed res diversa; sed illic
 Fortunæ invidia est, bellorumque ultima, casus 95
 Extremi, longæ dira obsidionis egestas.
 Hujus enim, quod nunc agitur, miserabile debet
 Exemplum esse cibi: ficut modo dicta mihi gens
 Post omnes herbas, post cuncta animalia, quicquid
 Cogebat vacui ventris furor, hostibus 100
 Pallorem, ac maciem, et tenues miserantibus artus,
 Membra aliena fame lacerabant, esse parati
 Et sua. Quisnam hominum veniam dare, quisve Deorum,
 Urbibus abnuerit dira atque immania passis;
 Et quibus ipsorum poterant ignoscere manes, 105
 Quorum corporibus vescebantur? melius nos
 Zenonis præcepta monent: nec enim omnia, quædam,
 Pro vita facienda putat. Sed Cantaber unde
 Stoicus, antiqui præsertim ætate Metelli?
 Nunc totus Graias, nostrasque habet orbis Athenas. 110
 Gallia causidicos docuit facunda Britannos:

K 4

De

De conducendo loquitur jam rhetore Thule.
 Nobilis ille tamen populus, quem diximus, et par
 Virtute atque fide, sed major clade, Saguntus,
 Tale quid excusat. Mœotide sævior ara 115
 Ægyptus: quippe illa nefandi Taurica sacri
 Inventrix homines, ut jam quæ carmina tradunt
 Digna fide credas, tantum immolat: ulterius nil
 Aut gravius cultro timet hostia. Quis modo casus
 Impulit hos? quæ tanta fames, infestaque vallo 120
 Arma coegerunt tam detestabile monstrum
 Audere? anne aliam, terra Memphitidæ sicca,
 Invidiam facerent nolenti surgere Nilo?
Qua nec terribiles Cimbri, nec Britones unquam,
 Sauromataeque truces, aut immanes Agathyrsi, 125
 Hac sœvit rabie imbelle et inutile vulgus,
 Parvula fictilibus solitum dare vela phafelis,
 Et brevibus pictæ remis incumbere testæ.
 Nec pœnam sceleri invenies, nec digna parabis
 Supplicia his populis, in quorum mente pares sunt 130
 Et similes ira atque fames. Mollissima corda
 Humano generi dare se natura fatetur,
 Quæ lacrymas dedit: hæc nostri pars optima sensus.
 Plorare ergo jubet causam lugentis amici,
 Squaloremque rei, pupillum ad jura vocantem 135
 Circumscripторem, cuius manantia fletu

Ora

Ora puellares faciunt incerta capilli.
 Naturæ imperio gemimus, cum funus adultæ
 Virginis occurrit, vel terra clauditur infans,
 Et minor igne rogi. Quis enim bonus, aut face dignus
 Arcana, qualem Cereris vult esse sacerdos, 141
 Ulla aliena sibi credit mala? separat hoc nos
 A grege mutorum, atque ideo venerabile soli
 Sortiti ingenium, divinorumque capaces,
 Atque exercendis capiendisque artibus apti, 145
 Sensum a cœlesti demissum traximus arce,
 Cujus egent prona, et terram spectantia. Mundi
 Principio indulxit communis conditor illis
 Tantum animas, nobis animum quoque; mutuus ut nos
 Affectus petere auxilium, et præstare juberet, 150
 Dispersos trahere in populum, migrare vetusto
 De nemore, et proavis habitatas linquere sylvas;
 Ædificare domos, laribus conjungere nostris
 Tectum aliud, tutos vicino limine somnos
 Ut collata daret fiducia; protegere armis 155
 Lapsum, aut ingenti nutantem vulnere, civem;
 Communi dare signa tuba, defendier isdem
 Turribus, atque una portarum clave teneri.
 Sed jam serpentum major concordia: parcit
 Cognatis maculis similis fera. Quando leoni 160
 Fortior eripuit vitam leo? quo nemore unquam

Expiravit

Expiravit aper majoris dentibus apri?
 Indica tigris agit rabida cum trigide pacem
 Perpetuam: saevis inter se convenit ursis.
 Ast homini ferrum lethale incude nefanda 165
 Produxisse parum est, cum rastra et sarcula tantum
 Assueti coquere, et marris ac vomere lassū,
 Nescierint primi gladios excudere fabri.
 Aspicimus populos, quorum non sufficit iræ
 Occidisse aliquem; sed pectora, brachia, vultum 170
 Crediderint genus esse cibi. Quid diceret ergo,
 Vel quo non fugeret, si nunc hæc monstra videret
 Pythagoras, cunctis animalibus abstinuit qui
 Tanquam homine, et ventri indulxit non omne legumen?

SATYRA XVI.

QUIS numerare queat felicis præmia, Galle,
 Militiae? nam si subeantur prospera castra,
 Me pavidum excipiat tyronem porta secundo
 Sidere: plus etenim fati valet hora benigni,
 Quam si nos Veneris commendet epistola Marti, 5
 Et Samia genetrix quæ delectatur arena.
 Comoda tractemus primum communia, quorum
 Haud minimum illud erit, ne te pulsare togatus
 Audeat: immo et si pulsetur, dissimulet, nec
 Audeat excusos prætori ostendere dentes, 10

Et

Et nigram in facie tumidis livoribus offam,
 Atque oculos medico nil promittente relictos.
 Bardiacus judex datur hæc punire volenti,
 Calceus, et grandes magna ad subfelliæ furæ,
 Legibus antiquis castrorum et more Camilli 15
 Servato, miles ne vallum litiget extra,
 Et procul a signis. Justissima Centurionum
 Cognitio est igitur de milite; nec mihi deerit
 Ultio, si justæ defertur causa querelæ.
 Tota cohors tamen est inimica, omnesque manipli 20
 Consensu magno officiunt. Curabitis, ut sit
 Vindicta gravior quam injuria: dignum erit ergo
 Declamatoris Mutinensis corde Vagelli,
 Cum duo crura habeas, offendere tot caligas, tot
 Millia clavorum. Quis tam procul absit ab urbe? 25
 Præterea, quis tam Pylades, molem aggeris ultra
 Ut veniat? lacrymæ siccentur protinus, et se
 Excusaturos non follicitemus amicos.
 Da testem, judex cum dixerit: audeat ille,
 Nescio quis, pugnos vidi qui, dicere, vidi; 30
 Et credam dignum barba, dignumque capillis
 Majorum. Citius falso producere testem
 Contra paganum possis, quam vera loquentem
 Contra fortunam armati contraque pudorem.
 Præmia nunc alia, atque alia emolumenta notemus 35
 Sacra-

Sacmentorum. Convallem ruris aviti
 Improbus, aut campum mihi si vicinus ademit,
 Aut sacrum effodit medio de limite saxum,
Quod mea cum vetulo coluit puls annua libo,
 Debitor aut sumptos pergit non reddere nummos, 40
 Vana supervacui dicens chirographa ligni:
 Exspectandus erit, qui lites inchoet, annus,
 Totius populi; sed tunc quoque mille ferenda
 Tædia, mille moræ; toties subsellia tantum
 Sternuntur; jam facundo ponente lacernas 45
 Cæditio, et Fusco jam micturiente, parati
 Digredimur, lentaque fori pugnamus arena.
 Ast illis, quos arma tegunt et balteus ambit,
Quod placitum est, illis præstatur tempus agendi,
 Nec res atteritur longo sufflamine litis. 50
 Solis præterea testandi militibus jus
 Vivo patre datur: nam quæ sunt parta labore
 Militiæ, placuit non esse in corpore census,
 Omne tenet cuius regimen pater. Ergo Coranum
 Signorum comitem, castrorumque æra merentem, 55
Quamvis jam tremulus captat pater. Hunc labor æquus
 Provehit, et pulcro reddit sua dona labori.
 Ipsius certe ducis hoc referre videtur,
 Ut qui fortis erit, sit felicissimus idem;
 Ut læti phaleris omnes, et torquibus omnes. 60

A U L I

PERSII FLACCI

S A T Y R Æ,

NOTIS ILLUSTRATÆ,
 TABULIS ÆNEIS ORNATÆ,
 ET ACCURATISSIME IMPRESSÆ.

Afpice et hæc si forte aliiquid decoctius audis.
Sat. 1.

A. PERSIUS FLACCUS.

HUIC etiam tempori velut ostensum modo ingenium Persii Poetæ, addidit non exiguum gloriam: qui itidem extra urbem natus et educatus vix duodecimo demum anno illuc concessit; et in præclaras quidem alias amicitias insinuans, sed præcipue delatus in familiaritatem intimam Cornuti, huic viro doctissimo et Græcis deliciis refertissimo, ut hodieque ex libro superstite judicari potest, agglutinatus fuit. Inde quum contigisset, ut in Persio jungerentur poëtica et philosophia, dictu mirabile est, quanto opere utramque tum passim, tum maxime in paucis, quas reliquit satyris, otii sui bene positi pignoribus exserere potuerit, tum rem quamlibet optimè complexus, verbis notabiliter adstrictus, ut paucis notaret plurima, et in eligendis fani omnino judicii, unde non paenituit ipsum Isaacum Caſbonum tam copiose exspatiari ad omnia illa tria declaranda, sane cognitu non digna magis quam necessaria. Ipse interim in vitæ sanctitate lautas opes possidens, circa trigesimum ætatis annum raptus traditur. Et sic bene convenit hæc effigies, quasi lanuginem densari et crebrescere incipientem adhuc retinens. Sed quam difficile argumentum sibi ponit, qui tabulam marmoream vel faberrime sculptam reperiens utique sibi et aliis

XIII.



160 A. PERSIUS FLACCUS.

liis persuadere Persium in ea conspici adspirat? Id tamen dicitur in animum induisse eruditissimus Cardinalis Jacobus Sadoletus, scribente Fabro, eam olim fuisse illius, qui *persuassimum sibi habebat hanc Persii esse effigiem*, Gallaeo testante ab se edi hanc faciem depictam *apud Fulvium Ursinum in marmore*. Sic illi anno prioris saeculi XCIX. quum tamen Ursinus ipse anno LXX. allegatis eisdem vocibus de ejus forma, subne^ctat, *quæ eo libentius adjeci, quod imagini e marmore cum Persii nomen non sit adscriptum, ex iis potissimum Persi illam esse conjecere possumus*, sine ulla mentione Sadoleti. Hedera Satyricis poëtis ad coronam destinata, et hujus capillos alligans refutatur ab Persio, hederas sequaces ad imagines lambendas aliis remittente. Vultus vero immane quantum potest fallere! et mirum, cur istam virginalem fere verecundiam, formamque modestam ac pulchram non viderint in Alcibiade. Nihilominus iteretur sic quoque occasione hujus tabulæ laudatissimum istud nomen, et sic quoque, aliquid dicat, si nihil aliud, saltem, *O quantum est in rebus inane!* Gronov. Antiq. Tom. 3.

A.

PERSII SATYRA IV. 177

Nil calet hic: summosque pedes attinge, manusque,
Non frigent. Visa est si forte pecunia, five
Candida vicini subrisit molle puella, 110
Cor tibi rite salit? positum est algente catino
Durum olus, et populi cribro decussa farina.
Tentemus fauces: tenero latet ulcus in ore
Putre, quod haud deceat plebeia radere beta.
Alges, cum excusfit membris timor albus aristas: 115
Nunc face supposita fervescit sanguis, et ira
Scintillant oculi: dicisque facisque, quod ipse
Non fani esse hominis, non fanus juret Orestes.

SATYRA IV.

REM populi tractas? (barbatum hoc crede magist-
Dicere, sorbitio tollit quem dira cicutæ.) [rum
Quo fretus? dic hoc, magni pupille Pericli.
Scilicet ingenium, et rerum prudentia velox,
Ante pilos venit; dicenda tacendaque calles. 5
Ergo ubi commota fervet plebecula bile,
Fert animus calidæ fecisse silentia turbæ
Majestate manus. Quid deinde loquere? Quirites,
Hoc, puto, non justum est; illud male; rectius istud.
Scis etenim justum gemina suspendere lance 10
Ancipitis libræ: rectum discernis, ubi inter

M

Curva

Curva subit, vel cum fallit pede regula varo;
Et potis es nigrum vitio præfigere theta.
Quin tu igitur, summa nequicquam pelle decorus,
Ante diem blando caudam jaçtare popello 15
Definis, Anticyras melior sorbere meracas?
Quæ tibi summa boni est? uncta vixisse patella
Semper, et assiduo curata cuticula sole.
Exspecta; haud aliud respondeat hæc anus. I nunc;
Dinomaches ego sum, suffla, sum candidus. Esto; 20
Dum ne deterius sapiat pannucia Baucis,
Cum bene discincto cantaverit ocyma vernæ.
Ut nemo in se se tentat descendere! nemo!
Sed præcedenti spectatur mantica tergo.
Quæsieris; nostrin' Vectidî prædia? cuius? 25
Dives arat Curibus, quantum non milvus oberret.
Hunc, ais? hunc Dîs iratis, genioque finistro,
Qui quandoque jugum pertusa ad compita figit,
Seriolæ veteris metuens deradere limum,
Ingemit, hoc bene sit: tunicatum cum fale mordens 30
Cæpe, et farratam pueris plaudentibus ollam,
Pannosam fæcem morientis sorbet aceti.
At si unctus cesses, et figas in cute solem,
Est prope te ignotus, cubito qui tangat, et acre
Despuat in mores; penemque arcanaque lumbi 35
Runcantem, populo marcentes pandere vulvas.

Tu

Tu cum maxillis balanatum gausape peetas,
 Inguinibus quare detonsus gurgulio exstat?
 Quinque palæstritæ licet hæc plantaria vellant,
 Elixasque nates labefactent forcipe adunca, 40
 Non tamen ista filix ullo mansuescit aratro.
 Cædimus, inque vicem præbemus crura sagittis.
 Vivitur hoc pacto: sic novimus. Ilia subter
 Cæcum vulnus habes; sed lato balteus auro
 Protegit: ut mavis, da verba, et decipe nervos, 45
 Si potes. Egregium cum me vicinia dicat,
 Non credam? viso si palles, improbe, nummo;
 Si facis, in penem quicquid tibi venit amarum;
 Si puteal multa cautus vibice flagellas,
 Nequicquam populo bibulas donaveris aures. 50
 Respue quod non es; tollat sua imunera cerdo;
 Tecum habita; et noris quam sit tibi curta supellex.

SATYRA V.

VATIBUS hic mos est, centum fibi poscere voces,
 Centum ora, et linguas optare in carmina centum;
 Fabula seu mœsto ponatur hianda tragœdo;
 Vulnera seu Parthi ducentis ab inguine ferrum.
 Quorsum hæc? aut quantas robusti carminis offas 5
 Ingeris, ut par sit centeno gutture niti?



P.S.L.6

Grande locuturi nebulas Helicone legunto:
 Si quibus aut Procnes, aut si quibus olla Thyestæ
 Fervebit, saepe insulso cœnanda Glyconi.
 Tu neque anhelanti, coquitur dum massa camino, 10
 Folle premis ventos; nec clauso murmure raucus
 Nescio quid tecum grave cornicaris inepte;
 Nec sfloppo tumidas intendis rumpere buccas.
 Verba togæ sequeris, junctura callidus acri,
 Ore teres modico, pallentes radere mores 15
 Doctus, et ingenuo culpam defigere ludo.
 Hinc trahe quæ dicas: mensasque relinque Mycenis
 Cum capite et pedibus; plebeiaque prandia noris.
 Non equidem hoc studeo, bullatis ut mihi nugis
 Pagina turgescat, dare pondus idonea fumo. 20
 Secreti loquimur: tibi nunc, hortante Camœna,
 Executienda damus præcordia; quantaque nostræ
 Pars tua sit, Cornute, animæ, tibi dulcis amice,
 Ostendisse juvat. Pulsa, dignoscere cautus
 Quid solidum crepet, et pictæ tectoria linguae. 25
 His ego centenas ausim deposcere voces,
 Ut, quantum mihi te sinuoso in pectore fixi,
 Voce traham pura; totumque hoc verba resignent,
 Quod latet arcana non enarrabile fibra.
 Cum primum pavido custos mihi purpura cessit, 30
 Bullaque succinctis laribus donata pependit;

Cum

Cum blandi comites, totaque impune Subura
 Permisit sparsisse oculos jam candidus umbo:
 Cumque iter ambiguum est, et vitæ nescius error
 Diducit trepidas ramosa in compita mentes, 35
 Me tibi supposui: teneros tu fuscipis annos
 Socratico, Cornute, finu: tunc fallere solers
 Apposita intortos extendit regula mores;
 Et premitur ratione animus, vincique laborat,
 Artificemque tuo dicit sub pollice vultum. 40
 Tecum etenim longos memini consumere soles,
 Et tecum primas epulis decerpere noctes.
 Unum opus et requiem pariter disponimus ambo,
 Atque verecunda laxamus feria mensa.
 Non equidem hoc dubites, amborum fœdere certo 45
 Consentire dies, et ab uno fidere duci:
 Nostra vel æquali suspendit tempora Libra
 Parca tenax veri, seu nata fidelibus hora
 Dividit in Geminos concordia fata duorum:
 Saturnumque gravem nostro Jove frangimus una. 50
 Nescio quod, certe est, quod me tibi temperat, astrum.
 Mille hominum species, et rerum discolor usus:
 Velle suum cuique est, nec voto vivitur uno.
 Mercibus hic Italî mutat sub sole recenti
 Rugosum piper, et pallentis grana cumini: 55
 Hic satur irriguo mavult turgescere somno;

M 3

Hic

Hic campo indulget: hunc alea decoquit: ille
 In Venerem est putris; sed cum lapidosa chiragra
 Fregerit articulos veteris ramalia fagi,
 Tum crassos transisse dies, lucemque palustrem, 60
 Et sibi jam seri vitam ingemuere relictam.
 At te nocturnis juvat impallescere chartis;
 Cultor enim juvenum, purgatas inferis aures
 Fruge Cleanthea. Petite hinc, juvenesque, senesque,
 Finem animo certum, miserisque viatica canis. 65
 Cras hoc fiet. Idem cras fiet. Quid? quasi magnum,
 Nempe diem, donas? sed cum lux altera venit,
 Jam cras hesternum consumpsimus. Ecce aliud cras
 Egerit hos annos, et semper paulum erit ultra.
 Nam quamvis prope te, quamvis temone sub uno, 70
 Vertentem fese frustra sectabere canthum,
 Cum rota posterior curras, et in axe secundo.
 Libertate cypus est; non hac qua quisque Velina
 Publius emeruit, scabiosum tesserula far
 Possidet. Heu steriles veri, quibus una Quiritem 75
 Vertigo facit! hic Dama est, non tressis agaso,
 Vappa, et lippus, et in tenui farragine mendax.
 Verterit hunc dominus, momento turbinis exit
 Marcus Dama. Papæ! Marco spondente, recusas
 Credere tu nummos? Marco sub judice palles? 80
 Marcus dixit; ita est: assigna, Marce, tabellas.

Hæc

Hæc mera libertas, hanc nobis pilea donant.
 An quisquam est alius liber, nisi ducere vitam
 Cui licet, ut voluit? licet ut volo vivere: non sum
 Liberior Bruto? mendose colligis, inquit 85
 Stoicus hic, aurem mordaci lotus aceto.
 Hæc reliqua accipio; licet illud, et, ut volo, tolle.
 Vindicta postquam meus a prætore recessi,
 Cur mihi non liceat, jussit quodcumque voluntas,
 Excepto siquid Masuri rubrica vetavit? 90
 Disce; sed ira cadat naso, rugosaque fanna,
 Dum veteres avias tibi de pulmone revello.
 Non prætoris erat stultis dare tenuia rerum
 Officia, atque usum rapidæ permittere vitæ.
 Sambucam citius caloni aptaveris alto. 95
 Stat contra ratio, et secretam garrit in aurem,
 Ne liceat facere id, quod quis vitiabit agendo.
 Publica lex hominum naturaque continet hoc fas,
 Ut teneat vetitos inficitia debilis actus.
 Diluis helleborum, certo compescere puncto 100
 Nescius examen; vetat hoc natura medendi.
 Navim si poscat sibi peronatus arator
 Luciferi rudis, exclamet Melicerta, perisse
 Frontem de rebus. Tibi recto vivere talo
 Ars dedit? et veri speciem dignoscere calles,
 Ne qua subærato mendosum tinniat auro? 105

M 4

Quæque

Quæque sequenda forent, et quæ vitanda vicissim;
 Illa prius creta, mox hæc carbone, notaſti?
 Es modicus voti, preſſo lare, dulcis amicis?
 Jam nunc adſtrīgas, jam nunc granaria laxes, 110
 Inque luto fixum poſſis tranſcendere nummum;
 Nec glutto forbere ſalivam Mercurialeſ?
 Hæc mea ſunt, teneo, cum vere dixeris; eſto
 Liberque ac ſapiens, prætoribus ac Jove dextro.
 Si tu, cum fueris noſtræ paulo ante farinæ, 115
 Pelliculam veterem retines, et fronte politus
 Aſtutam vapidō ſervas ſub pectore vulpem;
 Quæ dederam ſupra, repeto, funemque reduco.
 Nil tibi confeſſit ratio: digitum exere, peccas.
 Et quid tam parvum eſt? ſed nullo thure litabis, 120
 Hæreat in ſtultis brevis ut ſemuncia recti.
 Hæc miſcere nefas; nec cum fis cetera foſſor,
 Tres tantum ad numeros ſatyri moveare Bathylli.
 Liber ego. Unde datum hoc ſumis, tot ſubdite rebus?
 An dominum ignoras, niſi quem vindicta relaxat? 125
 I puer, et ſtrigiles Crispini ad balnea defer.
 Si increpuit, ceſſas, nugator? ſervitium acre
 Te nihil impellit? nec quicquam extrinſecus intrat,
 Quod nervos agitet? ſed ſi intus et in jecore ægro
 Nafcuntur domini, quî tu impunitior exis, 130
 Atque hic, quem ad ſtrigiles ſcutica et metus egit herilis?

Mane,

Mane, piger, ſtertis: ſurge, inquit avaritia; eja.
 Surge. Negas. Inſtat, ſurge, inquit. Non queo. Surge.
 Et quid agam? rogitas? ſaperdas advehe Ponto,
 Caſtoreum, ſtuppas, ebenum, thus, lubrica Coa. 135
 Tolle recens primus piper e fitiente camelo.
 Verte aliquid; jura. Sed Jupiter audiet. Eheu!
 Baro, reguſtatum digito terebrare ſalinum
 Contentus perages, fi vivere cum Jove tendis.
 Jam pueris pellem ſuccinctus et œnophorum aptas:
 Ocyus ad navem. Nil obſtat, quin trabe vaſta 141
 Ægæum rapias, niſi ſolers luxuria ante
 Seductum moneat. Quo deinde, infane, ruis? quo?
 Quid tibi viſ? calido ſub pectore maſcula bilis
 Intumuit, quam non exſtinxerit urna cicutæ. 145
 Tun' mare tranſilias? tibi torta cannabe fulto
 Cœna fit in tranſtro? Vejetanumque rubellum
 Exhalet vapida laſſum pice ſeffilis obba?
 Quid petis? ut nummi, quos hîc quincunce modeſto
 Nutrieras, peragant avidos fudore deunces? 150
 Indulge genio, carpamus dulcia. Noſtrum eſt
 Quod vivis. Cinis, et manes, et fabula fies.
 Vive memor lethi, fugit hora. Hoc, quod loquor, inde eſt.
 En, quid agis? dupliſi in diuersum ſcinderis hamo.
 Hunccine, an hunc ſequeris? ſubeas alternus oportet,
 Ancipiti obſequio dominos, alternus oberres. 156

Nec

Nec tu, cum obstiteris semel, instantique negaris
Parere imperio, rupi jam vincula, dicas.
Nam et luctata canis nodum abripit: attamen illi,
Cum fugit, a collo trahitur pars longa catenæ. 160
Dave, cito, hoc credas jubeo, finire dolores
Præteritos meditor, crudum Chærestratus unguem
Abrodens ait hæc; an siccis dedecus obstem
Cognatis? an rem patriam rumore finistro
Limen ad obscoenum frangam, dum Chrysidis udas
Ebrius ante fores extincta cum face canto? 166
Euge puer, sapias. Dîs depellantibus agnam
Percute. Sed censem' plorabit, Dave, relicta?
Nugaris: solea, puer, objurgabere rubra.
Ne trepidare velis, atque arctos rodere casses. 170
Nunc ferus et violens: at si vocet, haud mora, dicas,
Quidnam igitur faciam? ne nunc, cum accessor, et ultro
Supplicet, accedam? si totus et integer illinc
Exieris, nec nunc. Hic hic, quem quærimus, hic est:
Non in festuca, lictor quam jaçtat ineptus. 175
Jus habet ille sui, palpo quem ducit hiantem
Cretata ambitio? vigila, et cicer ingere large
Rixanti populo, nostra ut Floralia possint
Aprici meminisse senes. Quid pulcrius? at cum
Herodis venere dies, uncta que fenestra 180
Dispositæ pingue nebulam vomuere lucernæ,

Por-

Portantes violas, rubrumque amplexa catinum
Cauda natat thynni, tumet alba fidelia vino:
Labra moves tacitus, recutitaque sabbata palles.
Tunc nigri Lemures, ovoque pericula rupto: 185
Hinc grandes Galli, et cum fistro lusca sacerdos,
Incussere Deos inflantes corpora, si non
Prædictum ter mane caput gustaveris alli.
Dixeris hæc inter varicosos centuriones,
Continuo crassum ridet Vulfenius ingens; 190
Et centum Græcos curto centusse licetur.

SATYRA VI.

ADmovit jam bruma foco te, Basse, Sabino?
Jamne lyra, et tetrico vivunt tibi pectine chordæ?
Mire opifex numeris veterum primodia rerum,
Atque marem strepitum fidis intendisse Latinæ;
Mox juvenes agitare jocos, et pollice honesto 5
Egregios lusisse senes. Mihi nunc Ligus ora
Intepet, hybernatque meum mare, qua latus ingens
Dant scopuli, et multa littus se valle receptat.
Lunaï portum est operæ cognoscere, cives.
Cor jubet hoc Ennî, postquam destertuit esse 10
Mœonides Quintus pavone ex Pythagoreo.
Hic ego securus vulgi, et quid præparet austus

In-

Infelix pecori securus et, angulus ille
 Vicini nostro quia pinguior; et si adeo omnes
 Ditescant orti pejoribus, usque recusem 15
 Curvus ob id minui senio, aut cœnare fine uncto,
 Et signum in vapida naso tetigisse lagena.
 Discrepet his alias. Geminos, horoscope, varo
 Producis genio. Solis natalibus, est qui
 Tingat olus siccum muria vafer in calice empta, 20
 Ipse sacrum irrorans patinæ piper: hic bona dente
 Grandia magnanimus peragit puer. Utar, ego utar,
 Nec rhombos ideo libertis ponere lautus,
 Nec tenuem solers turdarum nosse salivam.
 Messæ tenus propria vive, et granaria, fas est, 25
 Emole; quid metuas? occa, et seges altera in herba est.
 Ast vocat officium: trabe rupta, Bruttia saxa
 Prendit amicus inops; remque omnem surdaque vota
 Condidit Ionio; jacet ipse in littore, et una
 Ingentes de puppe Dei; jamque obvia mergis 30
 Costa ratis laceræ. Nunc et de cespite vivo
 Frange aliquid; largire inopi, ne pictus oberret
 Cœrulea in tabula. Sed cœnam funeris hæres
 Negliget iratus, quod rem curtaveris; urnæ
 Offa inodora dabit; seu spirent cinnama surdum, 35
 Seu ceraso peccent casiae, nescire paratus.
 Tune bona incolumis minus? sed Bestius urget

Doc-

Doctores Graios. Ita fit, postquam sapere urbi
 Cum pipere et palmis, venit nostrum hoc maris expers, 40
 Fœnifecæ crasso vitiarunt unguine pultes.
 Hæc cinere ulterior metuas? at tu, meus hæres
 Quisquis eris, paulum a turba seductior audi.
 O bone, num ignoras? missa est a Cæfare laurus
 Insignem ob cladem Germanæ pubis, et aris
 Frigidus excutitur cinis, ac jam postibus arma, 45
 Jam chlamydes regum, jam lutea gausapa captis,
 Effedaque, ingentesque locat Cæsonia Rhenos:
 Dîs igitur genioque ducis centum paria, ob res
 Egregie gestas, induco. Quis vetat? aude.
 Væ, nisi connives. Oleum artocreasque popello 50
 Largior; an prohibes? dic clare. Non adeo, inquis.
 Exossatus ager juxta est. Age, si mihi nulla
 Jam reliqua ex amitis, patruelis nulla, proneptis
 Nulla manet patrui, sterilis matertera vixit,
 Deque avia nihil supereft: accedo Bovillas, 55
 Clivumque ad Virbî: præsto est mihi Manius hæres,
 Progenies terræ. Quære ex me, quis mihi quartus
 Sit pater, haud prompte, dicam tamen, adde etiam unum,
 Unum etiam, terræ est jam filius, et mihi ritu
 Manius hic generis prope major avunculus exit. 60
 Qui prior es, cur me in decursu lampada poscis?
 Sum tibi Mercurius: venio Deus huc ego, ut ille

Pin-

Pingitur. An renuis? vin' tu gaudere relicts?
 Deest aliquid summæ. Minui mihi; sed tibi totum est,
Quicquid id est. Ubi sit, fuge querere, quod mihi quon-
 Legarat Tadius, neu dicta repone paterna. [dam
 Fœnoris accedat merces; hinc exime sumptus.
Quid reliquum est? reliquum? nunc nunc impensius unge,
 Unge, puer, caules. Mihi festa luce coquatur
 Urtica, et fissâ fumosum sinciput aure, 70
 Ut tuus iste nepos olim satur anseris extis,
 Cum morosa vago singultet inguine vena,
 Patriciæ immeiat vulvæ? mihi trama figuræ
 Sit reliqua: ast illi tremat omento popa venter? 74
 Vende animam lucro, mercare; atque excute solers
 Omne latus mundi, ne sit præstantior alter
 Cappadocas rigida pingues plausisse catasta.
 Rem duplica. Feci; jam triplex, jam mihi quarto,
 Jam decies, redit in rugam. Depinge ubi fistam,
 Inventus, Chryssippe, tui finitor acervi. 80

F I N I S.

LECTIONES VARIANTES JUVENALIS.

SAT. ȳ.

- I. 10. Furtive devehat.
- 57. Sternere naſo.
- 74. Eſſe aliquid.
- 106. Purpura majus.
- 155. Teda lucebit.
- 157. Et latus medium fulcus deducit arenam,
Edit. Paris 1446. *et sic Lipsius,* neque
enim aliter intelligas.
- 168. —Tecum prius ergo voluta
Hæc; animante tuba galeatum fero.
- II. 8. Frontis nulla fides.
- 10. Inter Sotadicos.
- 38. Ad quem subridens.
- 80. Prurigine porci. *Turneb.*
- 94. Oblita producit.
- 116. Abrumpere carnem.
- 146. Paullisque minoribus.
- 147. Ipsum admoneas.
- III. 36. —Verso pollice vulgus, Quum libet. —
- 82. Cœnabit.
- 91. Illa sonat. *Conjectura.*

SAT. ȳ.

112. Aulam resupinat.
210. Frustra rogantem.
218. Phæcasianorum.
238. Somnos ursis.
300. Pugnis contusus. *Conject.*
322. Auditor gelidos.

IV. 1. Crispinus adeſt. *Cod. MS.*

25. Hoc pretio squamæ?
33. Faria de merce. *Pithæus.*
34. Licet et confidere.
43. Torrentis ad ostia.
60. Utque lacus ſuberant.
96. Gladiis tam destinata. *Ed. Par.*

V. 1. Sic te propositi nondum pudet? *Lub.*

10. Quin poſcis? Ita *Lub.* aliique; ſed non fat
video ſenſum aut ſtructuram.
80. Longo diſtinguat.
91. Quod tutos, &c. hic verſus in *vetuſiſ.*
exemp. deefit.

96. Nec patimur.
105. Torpente cloaca. *Rutgerſius.*
155. Hirſuto Capella.
169. Stricto pane jacetis.

VI. 78. Figantur pulpita. *Lub.*

172.

SAT. ȳ.

172. Et tu depone.
182. Inque die. *conject.* aliud enim in diem,
aliud in die.
187. Turpe minus. *Lub.*
204. Et ſculpto. *Turneb.*
292. Ulciscimur orbem.
362. Recidivus pullulet. *Cod. MS.*
370. Raduntur medicis.
384. Nominis alti.
414. Exhortata ſolet.
429. Aut lata Falernum.
482. Transverſa diei.
533. Derosor Anubis. *conject.* nam et alias la-
trator Anubis.
537. Serpens illius lachrymis.
558. Formidandus Othoni.
584. Et inde al. Indus.
595. Et quæ homines.
652. At ſimilis. *conject.*
657. Inviſam et fatuam.
VII. 20. Huc agite. *Lub.*
60. Contingere mœſta.
65. Peſtora veſtra.
96. Tunc utile.

N

99.

SAT. y.

99. Petitur plus temporis.
 100. Nullo quippe modo. *Vet. MS.*
 105. Quod tecto.
 109. Acrior ille. *conject.*
 120. Bulli. i. e. pisces. *Dinæi lib.*
 129. Matho dejicit.
 139. Fidimus eloquio? *al.* ut redeant.
 142. Posita an sit sella. *conject.*
 193. Et joculator. *quid.*
 214. Quem toties.

VIII. 8. Famosos equitum.

33. Parvam extortamque.
 43. Et te conciperet. *conject.*
 61. Venit de germine.
 67. Trito ducunt.
 90. Exhausta medullis.
 125. Non est sententia; verum est.
 133. Promethea pingas.
 157. Hipponam.
 167. Lateranus ad illos.
 190. Transcurria. *Scaliger.*
 199. Et illud. *Cod. ant.*
 204. Postquam librata.
 207. Cedamus tunicæ.

SAT. y.

225. Ad pulpita saltu.
 239. In omni monte.
 IX. 25. Celebrare solebas. *Grang.*
 26. Quodque taceo, atque. *Lubin.*
 53. Fœmineis tractat. *Grang.*
 61. Matre, et caculis. *Par. fol.*
 106. Taceant omnes.
 138. Exornare corona.
 139. Quando ego fiam aliquid? *conj.*
 X. 7. Operantibus ipsis. i. e. sacrificantibus. *vet.*

Cod.

32. Unde ille, illi. *conject.*
 70. Quibus indicii.
 73. Turba tremens.
 81. Pana et Circenses.
 83. Fugit ocius. *conject.*
 93. Angusta Caprearum.
 94. Certæ pila cohortis. *Cod. quid.*
 150. Altosque elephantes.
 154. Ultra perdere.
 162. Libeat jugulare. *conj.*
 171. Intraveriturnam. i.e. sepulchrum. *Dorleans.*
 291. Cur tamen hos tu. *Lub.*
 300. Vultumque modestum.

SAT. v.

320. Eruet omnem. *Cod. vet.*
 365. Nullum numen abest.
XI. 6. Dumque ardens sanguine.
 95. Mobile fulcrum. *Conjec. Dempsteri.*
 106. Clypeo venientis.
 116. Velatus Jupiter. *Cod. ant.*
 193. Prædo caballorum.
XII. 18. Densis cœlum absconde[n]te tenebris.
 23. Pontica surgit.
 61. Accipe sumendas.
 81. Tum stagnante sinu. *Lub.*
 92. Operatur festa.
 113. Vi[ct]ima sola.
XIII. 4. Fallacis urnam.
 28. Nunc ætas agitur.
 65. Miranti sub aratro.
 86. Fortunæ jam lapsibus. *Cod. ant.*
 140. Te nunc delicias.
 142. Nos vilis populus. *quid.*
 165. Madidos torquentem in cornua cirros.
Salmas.
 220. Terroribus. *conj.*
 226. Ut vindicet. *Lub.*
XIV. 2. Maculam hæfuram.

SAT. v.

34. Queis mente benigna. *conj.*
 45. Procul hinc, procul ite. *conj.*
 62. Hic lavet argentum.
 67. Emundat servulus. *conj.*
 92. Agitat Centronius. *Lub.*
 97. Cœli lumen. *Lub.*
 122. Viam peragant. *Lub.*
 152. Quæ fœdæ, quam fœda est. *conj.*
 176. Indomiti census.
 208. Repentibus affæ.
 266, Rectum percurrere funem. *conj.* quid fit
rectum descendere, nescio.
 289. Distinguitur una. *al.* uda.
 293. Piperisque coemptor.
XV. 7. Illic eluros, i. e. feles, *Broðæi conj.*
 58. Ora genis. *conj.*
 75. Præstant instantibus Ombis. *quid.*
 76. Tentyra Pampæ.
XVI. 21. Efficiunt curabilis.
 24. Tot caligatos.

LECTIONES VARIANTES
PERSII.

PROLOG. 12. Refulgeat nummo.

SAT. 1.

- I. 6. Appula, tantæ.
- 9. Ad canitiem, et nostrum.
- 28. Et pulcrum est. *conj.*
- 69. Afferre docemus.
- 84. Quin trepidum.
- 86. Doctas posuisse.
- 107. Rodere vero. *conj.*
- 111. Euge omnes, etenim. *Cod. MS.*
- 121. Vide hic, vidi ipse. *conj.*
- 128. Poscit dicere.
- II. 13. Impello expungas. *conj.*
- 14. Conditur uxor.
- 17. Nimium est.
- 36. Tunc Licini. *conj.*
- 41. Poscit opem nervis. *conj.*
- 48. Vincere furto.
- III. 12. Tum querimur.
- 23. Lutum est. *conj.*
- 38. Invideant. *Lub.*
- 44. Tangebam parvus. *al.* tingebam.

SAT. 1.

- 68. Metæ quam, et unde.
- 80. Figentes lumina terræ. *conj.*
- 89. Faucibus exsudat.
- 90. Quid dicit medicus. *conj.*
- 104. Litatus amomis.
- IV. 9. Puta. *Priscian.*
- 19. En! specta. *Marcilius.*
- 33. Et fricas in cute. *conj.*
- 51. Respice quod non es.
- 52. Ut noris. *conj.*
- V. 15. Ore teris. *MS.*
- 38. Ostendit regula.
- 40. Artificisque tuo. *Lub. et Caus.*
- 74. Scabrosum.
- 78. Momento temporis. *conj.*
- 124. Hoc sentis. *conj.*
- 140. Jam puer is. *conj.*
- 150. Pergant sudare.
- VI. 2. Et tritæ.
- 3. Primordia vocum. *MS.*
- 77. Pavisse catastæ.
- 79. Depunge ubi fistam.

N O T A E

A D

JUVENALIS SATYRAS.

AD SATYRAM I.

VER. 4. *Ingens Telephus.* Prolixa de Telepho Tragœdia.

6. *Scriptus et in tergo.* Quod præter solitum erat; cum in interiori tantum parte scriberentur libri.

7. *Lucus Martis.* Flavius legit lucus Martis ut per id exprimatur bellum Trojanum quod scripsit Nero.

14. *Exspectes eadem.* Fabularum deliria, easdem nugas. *Grang.*

21. *Et placidi rationem.* MSS. haud infimæ notæ habet placiti, i. e. propositi.

31. *Nova lectica.* Cum sale τὸ nova, ut qui antea pedes ambularet. *Grang.*

47. *Inani judicio.* Inane judicium appellat quod Provincialibus nihil profuerit, quum eis pecunia non sit restituta, sed in ærarium delata. *Britannicus.*

49. *Bibit et fruitur.* Dis iratis at &c. sic interpungit *Grang.*

51. *Venu-*

N O T A E.

201

51. *Venusina lucerna.* Lucernam dicit, quia satyrici ad omnium vitia, quasi lucernam admovent, et ut ad durant, et ut ostendant crimina: *Venusinam* autem ideo, quia hæc fuit civitas Horatii. *Vet. Schol.*

58. *Curam cohortis.* Militum tribunatum: *Vet. Schol.* i. e. mil. 420 ait *Lips.*

62. *Amicæ lacernatæ.* Amicam lacernatam genere foeminino Poeta appellavit, ac si diceret amicæ masculæ; hoc est, amicæ quæ omnino vir erat; nam lacerna vestis est virilis. *Britannicus.*

68. *Exiguis tabulis.* Hæres ex asse non adhibita multa scriptione.

78. *Prætextatus adulter.* i. e. puer adhuc, nam prætexta vestis fuit puerorum.

95. *Nunc sportula primo.* Ergo non tempore Domitiani hæc Satyra scripta est; ille etenim cœnam rectam revocavit.

127. *Ipse dies.* ironicos.

128. *Jurisque peritus Apollo.* Facete poeta peritum juris Apollinem nominavit, quasi qui assidue lites audiendo juris peritus esset factus. *Britan.*

131. *Cujus ad effigiem &c.* Ad cujus imaginem non tantum licitum mejere, sed etiam oletum facere. Sic Interpretæ: sed contra mentem Authoris, qui Aëgyptii hujus statuam sanctam haberit dicit, ut ne quidem

ad

ad eam mejere auderent, tanquam si fuisset statua Princis. *Grang.*

146. *Iratis amicis.* i. e. quia sit mortuus intestatus, nam supra, intestata senectus.

149. *Utere velis.* Hortatur seipsum Poeta ad scribendum.

154. *Quid refert &c.* Tutum fuit Lucilio libere loqui et scribere, ut parvi penderit irascereturne Munitius Scævola an non. *Pone Tigellinum:* verum modo, si volueris hominem gratum Imperatori notare, qualis fuit Tigellinus Neroni, non erit tutum. *Britan.*

A D S A T. II.

Ver. 3. *Et Bacchanalia vivunt.* *Bacchanalia vivere* Hellenismus est: qua ratione Tertull. dixit, qui cœca vivunt. *Grang.*

5. *Perfectissimus horum.* Existimat se perfectissimum, modo sibi emerit statuam, aut Aristotelis, aut alterius Philosophi ad bibliothecæ suæ exornationem, *Britan.*

9. *Tristibus obscœnis.* Philosophis, qui tristitiam vultu profitentur, intus autem impudici sunt. *Grang.*

18. *Simplicitas miserabilis.* Digna lachrymis et commiseratione. Sic Virgilio miserabilis *Orpheus* dicitur, *Grang.*

20. *Verbis Herculis.* i. e. grandibus ac magnificis.

25. *Quis*

25. *Quis cælum terris non misceat?* Quis præ novitate attonitus non exclamet, ut Stafimus Plautinus.

Mare, terra, cælum, dī vestram fidem! *Grang.*

29. *Qualis erat nuper.* Satyra scripta sub Nerva aut Trajano, contra sententiam biographi.

30. *Leges amaras.* i. e. contra adulteria.

97. *Cærulea indutus scutulata.* Quæ scutulata vestis dicitur, posteriorum temporum criticis magnam disceptandi ansam præbuit: statim de vocis etymologia inquiritur. *Turnebus* eam a voce *scutum* educit; *Salmasius* Turnebum confutat, eo nixus argumento quod in voce *scutum* prima syllaba producitur, cum contra in voce *scutulata* prima sit brevis, quare mavult illam ex voce σκυτάλη virga educere, existimatque illarum vestium texturam virgas exprefuisse.

98. *Et per Junonem.* De molli effeminatoque hic loquitur; ideo recte quod mulieri conveniebat, ei attribuit: non per *Jovem*, sed *Junonem* jurat.

109. *Mæsta Cleopatra.* Innuit Cleopatram sensu calamitatis et anciptis fortunæ taetam fuisse, licet lasciva esset; at non ita Otho.

119. *Dictum FELICITER!* unde, apud Ter. e contra, quæ res illi vortat male, ubi de nuptiis in Phor.

120. — *ingens*

Cæna sedet: gremio jacuit &c.

Pithæus

Pithæus distinguendum sic esse putat. *Lipsius* longe aliter; sic scilicet
—*ingens*

Cœna, sed et gremio &c. admiratus quid esset *cœnam sedere*, nisi si cœnam pro convivis ipsis accepit,
Facuit nupta. Quamvis soliti fuissent viri discumbere,
mulieres tamen ut plurimum sedebant, quia turpis vi-
sus est in muliere accubitus.

130. *Nec terram cuspide pulsas.* *Lipf.* dicit se vidisse
MSS. in quo, *nec tempora cuspide pulsas*, erat scriptum;
moremque fuisse militarem hastis scuta galeamque
concutiendi in ira. *Grang.*

134. *Quid quæris?* Quare id a me exigis quasi non
intelligas per *officii nomen, officium nuptiale.* *Grang.*

147. *Ad podium spectantibus.* Podium muri pars pro-
jectior et prominentior ante speculorum gradum, ut
bene *Lipf.* lib. de Amphit. p. II. Ad hoc *podium*
spectare soliti primi e senatu, qui proprie ad *podium*
spectare dicebantur. *Grang.*

A D S A T. III.

Ver. II. *Madidamque Capenam.* Ad portam *Capenam* Romæ juxta ædem Martis erat lapis dictus *Manalis*, unde *madidam Capenam*; et si alii dicunt vocatam *madidam* ob fontes, qui ibi plurimi. *Gronov.*

15. *Mer-*

15. *Mercedem pendere.* Nam penso ære, et non nu-
merato debita solvebant. *Britan.*

16. *Mendicat sylva &c.* *Sylva*, i. e. Judæi in unaqua-
que sylvæ arbore cum miserrima familia pernoctantes,
mane in urbem eunt mendicatum. *Grang.*

19. *Numen aquæ.* Nullus enim fons sine *divinitate*.

61. *Græcam urbem.* Romam, in qua *Græcis moribus*
vivitur. *Grang.*

64. *Gentilia tympana.* Quoniam inventa fuerunt in
Syria. *Grang.*

67. *Sumit trechedipna.* Vestem endromidem, quæ a
cursu et *cœna* nomen habet. *Grang.*

108. *Si trulla inverso &c.* Id est, si *trullam vini* ebi-
bit, ita ut fundum everterit, et epoto toto vino labiis
fugens crepuerit, et strepitum dederit. *Turneb.*

114. *Transi Gymnasia.* Notanda lectio; i. e. migra
ad *Gymnasia*. *Lubin.*

116. *Stoicus occidit &c.* Non ipsemet, sed fuit causa
falso suo testimonio cur occideretur. *Grang.*

139. *Servavit trepidam.* *Jac. Nichol. Loenfis* legit
trepidam; sed trepidam *τατυρικώτερον* quiddam sapit. *Farnab.*

168. *Quod turpe negavit.* Corrige, *negabit*, error na-
tus ex affinitate literæ V, et B, extremis reipublicæ
temporibus, ut videre est in *Pandeet. Florentinis.* Verus
igitur

igitur sensus est: Romæ pudet cœnare fictilibus, qui si subito transferretur ad Marsos, aut Sabellos populos, neutiquam puderet. *Grang.*

177. *Æquales habitus illic.* In Italia extra Romam.

187. *Plena domus libis venalibus.* Neque tantum danda munera servis, sed et dominis, quæ illico vendunt. Ita interpretantur qui legunt libis venalibus. At mea sententia repone genialibus; natali enim die solebant mittere munera iis qui natalem suum celebrant. *Grang.* Hanc lectionem recepit *Henninnius.*

207. *Opici mures.* Per lusum dicit, quasi rudes et barbati, nec qui Latine sciant. *Britan.*

238. *Somnum Druſo.* *Britannicus* ex conjectura legit ursu quod ursi somnolenti fint.

244. *Obſtat unda prior.* Unda pro populo, ad modum undæ diffluens; nisi legendum potius *turba prior.* *Lubin.*

265. *Novitus horret.* Nescius inferni moris.

278. *Qui nullum forte cecidit.* Lego quia nullum, i.e. quia ille nocte neminem percussit, dormire non potest. *Lubin.*

281. *Ergo aliter non potuit dormire?* lego cum interrogatione: et puto esse Poetæ verba Umbritiumloquentis, cui Umbritius respondet, quosdam Romæ esse qui ex rixis somnum capiant. *Grang.*

A D

AD SAT. IV.

Ver. 16. *Æquantem sane.* Hoc friget: forte legendum *insane*, hoc est, insano pretio. Sic *insania mensarum* apud Plin. est insani sumptus, quos faciunt in citreis mensis emendis. *Græv.*

33. *Fracta de merce.* Non integra, sed quos minutam venderet more vilissimi cetarii. *Britan.*

36. *Proſit dixisse puellas.* Quæ debent esse anus.

48. *Diſpersi protinus algæ.* Alga pro litore ponit *Judæus Apella* credit, non ego. Censeo scribendum *alni inquisitores*, hoc est navium naufragrarum et dispersarum inquisitores, quales erant *Palfurius* et *Armillatus*. *Graev.*

57. *Quartanam ſperantibus.* Sperantibus pro timentibus accipiunt omnes. Mallem autem exponere *sperantibus* propria verbi significatione. Scimus enim scriptum esse a *Celso* quartanam neminem jugulare, et plerumque fieri, ut ægrotantes cupiant febrim, quam cotidie patiuntur, in quartanam commutari. Itaque autunali tempore *sperant*, quo fit februm commutatio. *Ptolomæus Flavius.*

69. *Quid apertius? et tamen illi ſurgebant criftæ.*

Quid manifestius esse potest quam hunc pīcēm capi voluisse, ut a te comedetur? Et tamen illi rhombo criftæ vel pinnæ in tergo infurgebant præ indigatione quod

quod captus esset, in judicium quod capi noluerit, et a tanto tyranno et monstro absumi. Verum sequens explicatio concinnior: hac piscatoris turpi adulazione nihil potuisse esse apertius et manifestius; et tamen Domitianus adeo stolidus erat, ut hac tam frigida adulazione elatus et superbus animum attolleret, falsaque laude intumesceret. *Lubin.*

103. *Barbato imponere regi.* Simplicibus moribus; sic enim proverbio appellabant homines rusticanae veritatis, et simplices, *barbatos*. *Grang.*

116. *A ponte satelles.* Positum more adjectivi quod pauci notarint. Observandum in primis eadem forma dicendi qua dicitur, *a secretis &c.*

122. *Ad velaria raptos.* Interpreteshic non audio qui *velaria* locum esse afferunt ubi vela reconduntur. Imo, aliam ego lucem do, et ita capio: quasi laudarit et stu- puerit adulator ille, quod ludis gladiatoriis, pueri e peg- mate subito in altum, occulta quadam machina rapti sint, et ad *vela ipsa*. Sane recepti in Amphitheatris tales lusus, talesque raptus. *Vid. Admir. Rom. Tom. 2.*

149. *Anxia præcipiti &c.* Adversa, pennis epistolæ additis, sicut prospera aureis ramis significabantur, et nuntiabantur. *Dempst. Cælius Rodiginus ad celerita- tem* refert. lib. 2. cap. 20. nam altius et citius in ani-

mum

mum descendunt adversa, quam felicia, acriusque ac vehementius torquent.

153. *Cerdonibus.* Videtur hac voce Christianos tan- gere; neque enim diu persecutioni quam in eos incep- rat, supervixit. *Henninnius.*

A D S A T . V.

Ver. 2. *Aliena quadra.* Quare autem *quadra* pro impensa *Scalig.* ad Moretum late explicat. *Quadra* enim pro pane qui in *quadras* dispertiri solebat: unde Romanis dicti *panes quadrati* ut notat *Athenæus*.

3. *Iniquas ad mensas.* *Iniquæ mensæ* sunt, in quibus non eadem epulæ domino et convivis apponuntur, nec idem vinum datur. *Brodæi Mischell.*

10. *Tam jejuna fames &c.* His verbis nullam sub- esse sententiam facile videbunt, qui animum adver- tent, idque librariorum culpa. Juvenalis manus fuit, *tam jejuna fames?* quin poscis, *honestius illic et tremere.* Famesne tanta est ut illas patiaris contumelias? *Quin* mendicas in ponte aut crepidine: honestius est illic frigus pati, et sordido pane vesci, quam in mensa divi- tum tam indigna pati. *Quin* legendum esse viderunt alii quoque. *Græv.*

89. *Canna Miciparum.* Duos versus qui proxime sequuntur, hoc ordine scripserat Juvenalis:

O

Quod

Quod tutos etiam facit a serpentibus Afros,
Propter quod Romæ cum Boccare nemo lavatur. Rigaltius.
112. Ut cœnes civiliter. Cœnare civiliter est, cum
idem omnes cœnant. Grang.

120. Structorem interea. Structor est ille, ut narrat
Petronius, qui fercula mensis commode disponit et
collocat.

122. Dictata magistri. Ejus qui modum secandi
cibos edocebat.

127. Tanquam habens tria nomina. Tanquam et tu
sis nobilis. *Vet. Schol.*

153. Tu scabie frueris mali. Pomum tibi dabitur
scabiosum quale comedit miles in aggere, deficiente
copia commeatus.

154. Qui tegitur parma. Periphrasis est peditis, cu-
jus arma sunt *parma* et *galea*.

155. Ab hirsuta capella. Hunc locum variis exponi
modis non ignoro. Alii aliud: ego vero expono *ab*
hirsuta capella ab *hirsuto Centurione*, quem ideo *ca-*
pellam appellat, quod Centuriones, ut homines robusti
toto fere corpore hirsuti sint, odorem hircinum ole-
ant. *Britan.*

170. Omnia ferre si potes, et debes. Copula hic lo-
cum non habet: sententia postulat ut scribas, *omnia*
ferre si potes, ut debes. Græv.

171. Pul-

171. Pulsandum vertice raso. Manumittendi radi-
solebant. T. Liv. 4. Decad. lib. 4. *Præbuerunt spe-*
ciam triumpho, capitibus ratis, qui servituti exempti fue-
rant.

A D S A T. VI.

Ver. 30. *Salvis tot restibus.* Cum tot ad mortem
pateant aditus; quasi diceret, satius esse mori, quam
uxorem ducere. Grang.

45. *Antiquis uxor de moribus.* *Lego, uxorcula mori-*
bus, nam uxor de moribus antiquis non placet.

86. *Nil patriæ indulxit.* Nullum habuit patriæ re-
spectum, quo minus id ageret, debuit enim ratione
patriæ tanto scelere abstinere. *Britan.*

136. *Tanti vocat ille pudicam.* Ob illam dotem,
uxorem suam probat, et honestam pudicamque vocat.
Britan.

146. *Ut sœpe emungeris!* Ita contra scriptos editos-
que quot video codices, est reponendum. Heins.

204. *Scripto radiat auro.* Versum Juvenalis suspicor
parum esse sanum; quid enim est *scriptum aurum?*
In MS. codice legebatur, *sculpto;* pro quo rescriben-
dum censerem *scutilo radiat;* *scutulum* enim idem est,
ac si variegatam arenæ telam dicas. Dempst.

298. *Fregerunt sœcula.* Corruperunt, enervarunt. Sic apud Liv. Capua dicitur *fregisse* Hannibalem.

441. *Nemo tubas, nemo æra fatiget.* In defectu lunæ solebant æra quatere, queis ipsi auxiliari se putabant. *Grang.*

543. *Sacerdos arboris.* Judæi alligabant *arboribus* urbi proximis jumentum, ibique tota nocte una cum familia dormiebant, ex qua mane surgebant, ut in urbe vaticinatum venirent; unde facete Judæa materfam. *arboris sacerdos.* *Grang.*

Sed memini virum magnum hoc intelligere de arboreo aurea, viti nimirum ista appensa ad valvas Templi Hierosolymitani, de qua uterque Josephus et alii quam plurimi. Ingeniosa sane conjectura, quæ specie quædam oculos perstringit, sed cui tamen fidem meam non possum accommodare. Vid. *Epist. ad Gronov.*

575. *Thrasylli.* Thrasyllus pro quounque mathematico; fuit enim Astrologus Tiberii.

589. *Consulit ante phalas.* Hic locus explicandus ex historia Dionis, lib 49. circa finem, qui tradit M. Agrrippam, cum in Hippodromo, i. e. Circo, qui locus Romæ exercendis Circensibus ludis institutus erat, videret plerunque errantes in numero, dum duorum stadiorum circuitonem cursumque minus recte observarent, jussisse delphines quosdam fabricari et machi-

nas

nas seu *phalas* in ovi formam, quibus viarum circutus certius demonstrarentur. *Alciat.* *Parerg.* *Jur.* lib. 4. cap. 27.

A D S A T. VII.

Ver. 8. *Quadrans nullus in umbra.* Melius autem arca, hoc est si componis, ut ait ille, carmina nullos referentia nummos. *Grang.*

10. *Auctio vendit.* Novo dicendi genere, pro quod venit in auctione.

44. *Ordinis.* Subfelliorum.

46. *Anabathra.* Gradus vel scalæ ad pulpita ascendenda.

47. *Orchestra.* Locus erat in theatro, ubi honores sedebant. *Lub.*

47. *Cathedris reportandis.* Quia sedilia illuc non erant perpetua, sicut in theatro, sed temporaria, quæ a poeta recitatis carminibus solvebantur, ad dominosque reportabantur. *Britan.*

52. *Ægro in corde.* Nullus dubitem scribendum esse ægre. Scribendi cacoethes ægre, hoc est, difficulter senescit in pectore. Magna cum difficultate, vix unquam scribendi carmina cupiditas expellitur. *Græv.*

54. *Nihil expositum.* Nil vulgare et commune; nam quæ exponuntur, communia sunt.

73. *Alveolos pignorat Atreus.* Ipse *Atreus*, i. e. ipsa Tragœdia fuit in culpa, ut alveolos pignoraret.

79. *Contentus fama Luçanus.* Quia sat divitiarum habet.

86. *Fregit subsellia.* Dictum accipio pro vehementissime placuisse; sic ut plausu acclamantium quasi frangerentur subsellia. *Casaubonus.* At dicit Suidas Ἀeschylum in Siciliam demigrasse, quod dum fabulam exhibuerit ruerent subsellia διὰ τὸ πεσεῖν τὰ ιερά επιδεινυμένα ἀντα: subsellia ergo frangere dicebatur, qui, ut Comici loquuntur, non stetit, sed excidit, hoc est, non placuit, sicut a Scaligero monitum est.

17. *Intactam Agaven.* Quam adhuc non recitaverat.

89. *Semestri auro.* Tribunatus honos semestris; et hic *semestre aurum*, quia annulo etiam aureo Tribuni utebantur.

109. *Tetigit latus.* Tunc temporis clientes humeros patronorum tangebant; hinc jocose esse illis partem tenerrimam dicimus, quod eo signo dato quam celerime fese vertere soleant. *Grang.*

110. *Ad dubium nomen.* i. e. ambiguum debitum refellendum. *Britan.*

114. *Russati lacertæ.* At legas *rus* *Sati*. Quasi dicat, non conferas omnes villas, sed unum tantum

rus,

rus, atque id breve: nam *lacerta* est brevis mensura terræ. Ante,

unius dominum fecisse lacertæ.

Sati. i. e. Attici *Sati* equitis Romani, qui eloquentiam nunquam exercuit in foro. *Calderinus.*

121. *Quinque lagenæ.* Cum distinctione legendum: quasi dicat, non jam multum vinum dabitur, sed quinque duntaxat *lagenæ*. *Britan.*

129. *Sic Pedo conturbat.* Sic. i. e. per exiguum mercedem.

134. *Stlataria purpura.* Purpurea vestis velut piratica et latrocinans, cuius splendore spoliantur et falluntur venditores, divitem censentes qui eam gestet. *Grang.*

160. *Arcadico juveni.* Apposite. Asini enim et muli in Arcadia maximi. *Lubin.*

165. *Quantum vis &c.* Sane videtur hærere connexio.

193. *Et jaculator.* Argumentator.

199. *Quid Tullius?* Servius. Cave autem de Cicerone intelligas, nam sequentia pugnant. *Grang.*

211. *Et cui non tunc eliceret risum?* cum puncto interrogationis. Sensus autem hoc modo integer esse possit. Achilles jam grandis citharæ artem didicit, et præceptorem more discipulorum in honore habuit et timuit; et tunc senem Centaurum non risu contempseret.

tempissifset. Nostro autem tempore, pueri suos præceptores cædunt et verberant, tantum abest, ut, si grandiores, eos colant. *Britan.*

A D S A T. VIII.

Ver. 3. *Æmilianos.* Cave de *Paullo Emilio* intellegas, sed de *P. Cornelio Scipione*. *Æmilianus* enim nomen adoptionis, non gentis. *Grang.*

25. *Mereris?* Legunt cum interrogatione contra fidem omnium MSS. Legendum enim simpliciter *mereris*, et subintelligitur particula *si*, ut in eo versu: — *in cœlum jufferis, ibit, hoc est, si jufferis.* *Grang.*

96. *Præconem tuis circumspice pannis.* Prævide pro tributis solvendis aliquando frivolorum tuorum auctionem fieri, cum nihil, unde solvas, jam tibi supereret. *Grang.*

110. *Ipsi deinde lares: ipsi;* quasi qui minime sint violandi.

118. *Qui saturant urbem.* Legendum censeo qui *saturant turbam*, i. e. populum Romanum; nam per *urbem*, cum plebe comprehendas etiam primores civitatis. At Juvenalis intelligit tantum de plebe, quæ Circo et scenæ dedita nil aliud curat. *Dorleans.*

169. *Maturus bello,* sic interpundo, non, ut alii, *bello Armeniae*, eo sensu scilicet quo prius, *hic petit Euphratem &c.* *Grang.*

171. *Mitte*

171. *Mitte Ostia, Cæsar.* Locus hic duobus modis potest explicari, ut sit sensus: O Cæsar, si Damasippum ad bella gerenda es missurus, *mitte ostia ejus*, i. e. noli querere Damasippum in sua domo, quia illic non invenies, sed quære illum in popinis, ubi quotidie versatur. Et sic: O Cæsar, Damasippum potes mittere ad Ostia Istri et Rheni, quia jam ætate est gravi; sed si vis eum invenire, accede ad popinas, nam ibi est frequens, ut sit manifesta irrisio nobilitatis. *Britan.*

267. *Matronis lugendus.* Quem mortuum, tanquam nobilem, annum matronæ lugebant. Male *vet. interp.* qui aliter. *Grang.*

203. *Nec galea frontem abscondit.* Eo impudentiæ devenisse nobiles ait Poeta ut omnia facie aperta peragent. Gaudent cognosci. *Britan.*

A D S A T. IX.

Ver. 53. *Fæmineis Calendis.* i. e. Martiis.

56. *Trifolinus ager.* Campanus, a Juvenale ita dictus, quod vina ferret trifolina, hoc est, quæ tertio foliorum exortu, nempe tertio anno ad bibendum tempestiva forent, quorum meminit Plin. lib. 14. cap. 6. *Grang.*

88. *Et dulce caducum.* Hunc locum, quia a paucis intellectum explicabo. Filium ex uxore sublatum tuum fecisti, cuius uxoris beneficio civis Romani fru-
eris

eris privilegiis, ut etiam ad caducarum hæreditatum
admittaris successionem. *Dempſt.* Bona *caduca* sunt
quibus nemo succedat hæres.

117. *Pro populo faciens.* Sacrificans.

A D S A T. X.

Ver. 20. *Defossa in loculis.* Velut in terra, quasi
nunquam exinde egressura sit. *Satyrice in avaros.*
Grang.

145. *Mala robora.* Sunt enim steriles ficus, et nulla
in re profunt: scindunt autem validissimos muros et
saxa, in quibus nascuntur. *Lub.*

192. *Pro cute pellem.* Sic enim *pellem* a *cute* distin-
guunt, ut *cutis* hæreat vivis, *pellis* mortuis, quamvis
ſepiſſime confundantur. *Grang.*

A D S A T. XI.

Ver. 6. *Dumque ardent sanguine.* Antea, legebatur,
dumque ardēns sanguine, nullo sensu. *Rigaltius.*

20. *Sic veniunt ad miscellanea ludi.* Hoc modo ludii
fiunt absumptis per gulam opibus, et sic *ad miscellanea*
veniunt, hoc est, ad ludos et artes ludicas. *Grang.*

34. *An Curtius et Matho buccæ.* Sic lego et inter-
pungo. Curtius et Matho non oratores, sed *buccæ*:
i. e. fastuosi et ventosi causidici. Sic et August. libris

Confess.

Confess. *buccis typho crepantibus.* Hinc et *buccæ* inter
proverbia. *Grang.*

42. *Novissimus exit annulus.* Annuli oppignoratio
fuit indicium deploratae egestatis. *Gronov.*

97. *Vile coronati &c.* Mihi videtur omnino esse
legendum vite, ob rationem quam attulit in Variis
Ferrar. Et quis nescit in pompa Bacchi asinos?
Henninnius.

114. *His monuit nos.* Non video quid vult *his monuit.*
Lego, admonuit nos.

148. *Quisquam erit et magno.* Pretio sc. aut revera
ita legi potest:

— *non a mangone petitus.*

Quisquis erit magno. —

Quicunque puer erit, non erit acceptus et emptus a
mangone divite, et magnum numerum servorum ha-
bente. *Britan.*

173. *Lacedæmonium pytismate lubricat orbem.*

Non ignoro a Commentatoribus hunc locum diversis
modis expositum; ut alii dixerint per *orbem Lacedæ-
monium* designari annulum, cuius usus manaverit a
Lacedæmoniis, ac per hoc *annulatos senatores et equi-
tes Romanos*, qui annulum *pytismate*, hoc est levi irro-
ratione sputi lubricum faciant. Alii vero legendum
contenderunt *pytismate*, non *pytismate*, idque esse ge-
nus

nus exercitationis, cum quispiam summis pedibus ingrediens, manus protendit occissimeque movet, alteram retrosum scilicet, alteram prorsum &c. Alii item *trochum* intelligi de arbore pinu fabricatam, quod *pytis* dicatur *pinus*, unde sit *pytisma*. Ego autem ex sententia Luciani contendō intelligi *salutationem Lacedæmoniam*, legendumque esse *pedemate*, i. e. saltu et non *pytismate*, neque *pytilismate*. De omnibus his opinetur, ut cuique libitum erit. *Britan.*

191. *Spectacula mappæ*. Mappa fuit aurigationis signum; hic tamen pro ipsis ludis. Nomen autem *mappa* non Latinum, sed Punicum.

193. *Prædo caballorum*. *Lipſius* putavit legendum *præda caballorum*; quia magna scilicet pecuniae vis effundenda prætori in aurigas et equos, iisque ipse, ut *præda*.

205. *Hora supersit ad sextam*. Legitima balnei hora hieme, nona; æstate, octava. *Farn.* Tamen hic aliter statuere videtur Juvenalis; nempe ut *hora sexta* balnea introirent.

A D S A T. XII.

Ver. 55. *Explicit angustum*. Ita enim hic locus legend. suadet, i. e. ut se arctum, impeditum, et in angustias redactum propter malum, expeditiorem faciat, impedimentum mali removens. *Lub.*

88. *Ac-*

88. *Accipiunt fragili*. Sine dubio legendum facilis. i. e. flexili, molli.

115. *Vovebit de grege servorum*. Opinio veterum fuit mortem morte posse redimi: unde ægrotos posse eripi periculo putabant, si vitam aliquorum, ægrotorum loco projecissent. *Grang.*

127. *Jugulata Mycenis*. Errat Juvenalis neque enim Mycenis Iphigenia periit, sed in portu Aulidis. Forte vero interpretes fugit, quod est nominativus vocis patronymicæ.

A D S A T. XIII.

Ver. 1. *Exemplo quodcumque malo*. Multo elegantior est illa lectio, quam MS. codex Reverendi Hammondi præ se fert, teste Editione Anglicana quæ ita habet,

Exemplo quodcumque malum &c.

magis hæc referunt acumen Juvenalis. *Hennin.*

5. *Recenti de scelere*. *Retenti*; i. e. depositi abnegati et non redditum legendum autumat *Rutgerius*.

28. *Nona ætas agitur*. Ostendit tam multiplicata esse humani generis scelerata, ut jam tempora duplo pejora sint, quam fuerint ferrea; et ita pejora, ut eorum sceleribus nomen non inveniretur a metallis, et sic est rei exaggeratio. Hoc magis placet, quam ut numeres ætates octo a metallis; non enim nominatur

naturæ ætas eleætri, aut stanni, aut plumbi, sicut ætas auri, argenti, æris, et ferri. *Britan.*

70. *Gurgitibus miris.* Ni fallor, scripsit Juvenalis *migris*, unde de industria additum est ex antitheto, *et lactis vortice.*

116. *Charta soluta.* Intelligo de ea charta, in qua vota obsignata fuerant, ut sit sensus: quare lacerata ac soluta ea charta quæ vota nostra continebat, eorum damnati thura, quæ voveramus, vobis reddimus? *Rutgerius.*

A D S A T. XIV.

Ver. 90. *Vincens Fortunæ aut Herculis ædem.* Censeo Herculem cum Fortuna simul cultum, ut fortitudo casibus fortuitis conjuncta cernatur. *Dempf.*

129. *Servare minutal.* Sic dictum, quod variis esculentis minutatim concisis fieret. *Gronov.*

186. *Per glaciem perone tegi.* Perones, sive puri calcei, ex puro corio sine lunulis facti erant. *Rosin. Ant. Rom.*

216. *Nativæ mala nequitiae.* Vulgo in MSS. erat *naturæ*, ex quo fecerunt *nativæ*; sed vero sensus commonstrat legendum *maturæ*. *Hennin.*

229. *Et qui per fraudes.* Aliqui putant hoc carmen non esse Juven. nec omnino inferendum.

305. *Dispositis prædives hamis.* Vasis aqua plenis ad

ad arcendum ignem. Cave intelligas de *hamis* pisci-
um syllaba repugnante. *Grang.*

A D S A T. XV.

Ver. 7. *Illic cœruleos.* Brodæus correxit *cœluros* i. e. *feles*, quos ab Ægyptiis pro Diis cultos testatur Herodotus in Euterpe. At *Turnebus* retinet veram lectionem *cœruleos*, hoc est pisces marinos. *Grang.*

46. *Barbara turba.* Alii codices habent *barbara ripa*, i. e. immitis et aspera.

93. *Vascones, ut fama est.* Omnes codices quos vi-
derim, habent, *ut fama est*, sed rō ut tollendum est,
versus enim aliter non staret. *Britan.*

133. *Hæc nostri pars optima sensus.* Alii sunt qui
pars optima legunt, alii *pars ultima*. Ego autem le-
gendum esse puto,

— *hæc nostri pars intima sensus:*
id est, ipsæ lachrymæ sunt, quæ interiorem partem
nostri sensus patefaciunt: nam per lachrymas interi-
orem pietatem ostendimus. Ergo, inquit, natura no-
bis dedit pietatem, quæ per lachrymas cognoscitur;
jubet enim nos aliena incommoda plorare. *Britan.*

134. *Caussam lugentis.* Lego *casum*; ut illud Vir-
gilii,

Et casum infontis mecum indignabar amici. *Britan.*

735. *Squa-*

735. *Squalorem rei. Rei squalidi*, ut habitu suffragatores sibi conciliarent, et inimicos permulcerent.
Grang.

A D S A T. XVI.

Ver. 1. *Quis numerare queat &c.* sensus hic videtur esse, ut τὸ felicis referat ad rationem, τὸ prospera ad casum. At ita sit; quamvis innumera sint felicis, et cum ratione factæ expeditionis præmia; si tamen casus et vis major castra prospera præstaret, mallem fortunata temeritate eadem castra subire, quam in toga desidere. *Hennin.*

60. *Ut læti phaleris omnes, et torquibus omnes.*

Semper mihi nescio quomodo displicuit insolita meo Poetæ ταυτολογία τῷ omnes, quod sane valde insipide bis comparat hoc versu. Putabam ergo Juvenalem scripsisse, pro omnes et quod hodie legitur, olim armillis. Mecum faciet, qui cogitabit facile ex τῷ armillis, temporum descriptorum emendatorumque lapsu degenerasse omnes et. *Armillas* vero inter virtutis militaris præmia fuisse, præter ipsius vocis etymon ab armis desumptum, testante *Isidor. Orig. 19—31.* docent sexcentæ historiæ. *Hennin.*

N O T Æ

N O T Æ
A D

P E R S I I S A T Y R A S.

A D S A T. I.

SAT. I. § 5.—*Non, si quid turbida Roma
Elevet, accedas.*

Si populus Romanus non sincero judicio aliquid condemnet aut postponat, non tu statim illi judicio, sententiæ, et opinioni accedere debes. *Lub.* Sic et Cicero de Orat. *Movere r̄sum oratoris est quod frangit,
quod impedit, quod elevat.*

9. *Tunc cum ad canitiem nostrum istud vivere triste
Aspexi, et nucibus facimus quæcunque relictis
Cum sapimus patruos, tunc, tunc ignoscite.*

Sic lego et interpundo: ordo autem constructionis et verborum sensus erit hic;

Tunc cum aspexi nostrum istud vivere triste (sive vitam severe actam) usque ad canitiem; et cum aspexi quæcunque facimus nucibus relictis (sive a pueritia) ad provectiorem ætatem quando sapimus patruos, tunc, tunc &c. *Nostrum istud vivere dicitur non secus ac hoc meum ridere ver. 122.* ubi infinitivus ponitur pro nomine substantivo.

13. *Scribimus inclusi, numeros ille, hic pede liber.*

Inclusi &c. secundum interpretes significat, in musæo nostro clausi scribimus numeros. Præterquam quod *scribere numeros* nusquam legitur, num vero, an *hic pede liber* etiam scribit numeros? Pudet talium interpretum; nec Persii verba hæc esse possint, sed exscriptoris. Libenter reponerem,

Scribimus, inclusus numeris ille, hic pede liber.

I 49. — *Nam belle hoc excute totum;*

Quid non intus habet?

At sic legendum et interpungendum censeo.

— *Nam belle hoc excute totum*

Quod non intus habet.

Ordo constructionis est; nam excute totum quod non intus habet *hoc belle.*

58. *Ciconia pinsit.* Digitis sc. omnibus collectis in unum, et ad ciconini colli similitudinem curvatis, in eumque directis qui irridebatur.

86. *Doctus posuisse figuras.* Quod rectius quam *doctas*; ut Sat. 5. ver. 15. *radere mores doctus.*

113. *Pinge duos angues.* Veteres Gentiles serpentes appinxere ad conciliandam loco reverentiam.

133. *Petulans Nonaria.* Hora decumbendi *nona* esse putabatur, qua plerumque scorta ad amasios accedebant; ideo dicta mulier *Nonaria*, impudica. *Gronov.*

A D

A D S A T. II.

Ver. 10. *O si ebullit patrui præclarum funus.* Solebant cum primis reges et principes urbium antiquitus, quod et nostris temporibus fieri vidimus Pontificibus maximis, tumulari condique cum gemmis aliisque opibus, unde exit illud Satyrici; *O si ebullit patrui præclarum funus!* tametsi passim alio modo exponi a Grammaticis soleat. *Boissardi Typog. Rom.*

15. *Tyberino in flumine mergis caput.* Concepturi olim vota *Quirites* caput unda Tyberina lustrabant.

26. *An quia non, fibris ovium Ergannaque jubente.* Sic interpungend. sc. Erganna et fibris ovium jubentibus.

33. *Lustralibus ante salivis expiat.* Salivæ mirifica quædam virtus cum ad alia tum præsertim adversus fascinum inesse putabatur. Sic et *Plin. Nat. Hist.* *Despuimus comitiales morbos, hoc est, contagia regerimus.* Simili modo et *fascinationes* *repercutimus.*

A D S A T. III.

Ver. 48. *Quid dexter senio ferret.* Talis jactatis, ut quisque CANEM aut SENIONEM miserat, in singulos talos singulos denarios in medium conferebat. *Suetonius Augusto.*

64. — *venienti occurrite morbo,
Et quid opus Cratero magnos promittere montes?* Censo
legendum,

— *venienti occurrite morbo,
Ne quid opus Cratero montes promittere magnos.*

68. *Metæ qua mollis flexus et unde;* alii, *metæ quam;*
sensus vero est, disce qua ratione quove modo facilis
fiat vitæ decursus.

89. *Faucibus exspirat gravis halitus.* Sic *Marcilius.*

103. *Hinc tuba, candelæ.* Apud Romanos cum ali-
quis decepsit, *tibicines cantant et amici convocantur,*
*testandi gratia eum neque veneno, neque ferro interi-
isse.* *Gronov.*

A D S A T. IV.

Ver. 20. *Dinomaches ego sum suffla, sum &c.*

Sic interpongo. Frigidum dat sensum illa distinc-
tio, — *I nunc*

Dinomaches ego sum. Suffla sum candidus.

A D S A T. V.

Ver. 33. *Jam candidus umbo.* *Umbo* a Persio voca-
tur *toga*, quod sit umberis instar contra reprehensio-
nes præceptorum. *Cælius Rhodiginus.*

87. *Hoc reliquum accipio, licet, ut volo vivere, tollo.*

Ita forsan est refigendus hic versus.

119. *Nil*

119. *Nil tibi concessit ratio: digitum exere, peccas,*

Mallem legere,

Ni tibi concessit ratio digitum exere, peccas,

Et quid tam parvum est?

188. *Caput gustaveris alli.* *Alliorum capita ad mul-
tarum noxarum depulsionem valere animis vetustas im-
biberat.* *Gronov.*

A D S A T. VI.

Ver. 21, *Sacrum piper.* Ideo *sacrum*, quod parcus
utitur avarus.

61. *Cur me in decursu lampada poscis?*

Quid hoc vult dilucidat Pausanias;

*Ἐν Ἀκαδημίᾳ δὲ ἐστι Προμηθέως βωμός, καὶ θέασιν ἀπὸ αὐτῆς πρὸς
τὴν πόλιν ἔχουσες κατόμενας λαμπαδάς· τὸ δὲ αγάνισμα ὅμοι τῷ δρόμῳ
φυλάξαι τὴν δᾶδα ἐπειδὴ κατομένην ἐστὶν, ἀποσθεσθέσης δὲ, καὶ δὲν ἔτει
τῆς νίκης τῷ πρώτῳ, δευτέρῳ δὲ αὐτῷ αὖτε μέτετιν· ἐι δὲ μηδὲ τέττα
καίστο, οὐ τρίτος ἐστὶν οὐ κρατῶν· εἰ δὲ καὶ πᾶσιν αποσθεσθέιν, γάρ δέ
ἐστιν ὅτῳ καταλείπεται η νίκη.*

F I N I S.

CANTABRIGIÆ,
TYPIS ACADEMICIS EXCUDEBAT
JOSEPHUS BENTHAM.

200

TON

